



Jorge Cocco Santangelo

KETESEMANE, O IESU LOU SULU,
SAUNIA E JORGE COCCO SANTANGELO

"Lou Tama e, afai e le mafai ona aveese o lenlei ipu ia te au seia ou imu ai, ia fata lou finagalo"
(Mataio 26:42).

Ei Ai Foi i le Lomiga Lenei

MO TALAVOU MATUTUA

Mai le Talafatai i le Talafatai: ○ La Maua

Sa vaia e lo'u toalua ma
au ni vavega mai leisi
vavega i le matou malaga
faigata i Amerika i Saute e
faamau i le malumalu.

i. 44



MO LE AUTALAVOU

i. 50



O IESU OLE KERISO: OLE MOLIMAU A PEROFETA O ASO E GATA AI

E mafai ona "aoao e uiga ia "[Keriso]" (MF&F 19:23)
e ala i le faiatua o nei molimau a Peresitene o le Eklesia.
O i latou o ni molimau faapitoa o la ma Lana matafaoio
paia i le fuafuaga o le fiafia a le Tama Faalelagi.

MO TAMAITI

Fiafia e FESOOASOANI!

E faapefea ona e fesoasoani i lau fanau e saili
ni auala laiti ma anoa e auauna atu ai i e o loo
siomia i latou?

i. 66



O Le Liahona

A woman in a blue dress and a young girl in a yellow shirt are playing with a hose in a garden. Water is spraying everywhere, creating a misty effect. They are both smiling and laughing. In the background, there's a wooden fence and some houses.

**E faapefea ona fausia
se Vaaiga tutusa E Tuu
Ai i Luga Lou Aiga, i. 28**

O se vaaiga i metotia a Satani
e Faafoliga ai Le Meā leaga e
Lelei, i. 18

Iosefa Samita: "O le a le Ekalesia
E tatau Ona Ou Auai Ai?" i. 34

Uso o le Aualofa: E Faapefea
Ona Vaaia E leisi le Tasi, i. 7, 8, 10



“E LE O SA O LE ATUA! E
ALOFA O IA I LANA FANAU.
**NA TE LE O TUUA
I TATOU E FESETAI
I LE POGISA.”**

PERESITENE DIETER F. UCHTDORF

Savali a le Au Peresitene Sili, i 4.

O Le Liahona, Mati 2018



O SAVALI

- 4** **Savali a le Au Peresitene Sili: O Le Afioga a le Atua i Lana Fanau**
Saunia e Peresitene Dieter F. Uchtdorf
- 7** **Matapu Faavae a Faiaoga Asiasi: Tatalo mo Tuafafine Taitasi i o Latou Igoa**

TALA FAAALIA

- 18** **Pe a Foliga le Leaga i le Lelei ma Foliga le Lelei i le Leaga**
Saunia e Elder Quentin L. Cook
O se tasi o aupega malosi a le fili e taufaasese o le fausia lea o se suiga o faavae e faauigaese ai faamanuiaga o le talalelei ola.
- 26** **Malaga e ui atu i le Fale Fefafai Anamua**
O le faatusa i le tapeneko e mafai ona aoao mai ai i tatou e uiga i la tatou malaga e toe foi atu i le afioaga o le Atua.
- 28** **Aiga: O le Vaipuna o le Fafia**
Saunia e Elder Erich W. Kopischke
E mafai ona tatou fausia se vaaiga mamao mo o tatou aiga ma ausia se fafia e le gata.



I LE FAAVAA
Ata na pueina e Christina Smith.


- 34** **Aupaia: O le Tala o le Ekalesia a Iesu Keriso o le Au Paia o Aso e Gata Ai—Matapu 2: Faalogo ia te la**

O le taeao o se aso matagofie lava ma le manino, i le amataga lava o le tau totogo o le afe valu selau hausefulu na ou faia ai lenei mea . . .”

MATAGALUEGA

- 8** **I le Pulelaa: O Faiaoga Asiasi o Avefeau a le Atua**
Saunia e Alice C. Smith
- 10** **Auaunaga i le Ekalesia: O le Mea Tatou te Maua Ai le Toafimalie**
Saunia e Nettie H. Francis
- 12** **Tusigāmanatu o le Konafesi o Oketopa 2017**
- 14** **O Le Mea Tatou Te Talitonu I Ai: O Le Mafuaaga mo lo Tatou Faamoemoe**
- 16** **Ataata: Aso Soifua**
Saunia e Don Jensen
- 38** **O Ata o le Faatuatua: Christian Karlsson**
- 40** **O Leo o Le Au Paia o Aso e Gata Ai**
- 80** **Seia Tatou Toe Feiloai: O Le a la Faamamaina a Tatou Avega**
Saunia e Elder Robert D. Hales

O lenei lomiga sa saunia ao lei toefaatalagaina le Au Peresitene Sili.



48

- 44 Mai le Talafatai i le Talafatai:
O la Maua Malaga i le Malumalu**
Saunia e Efraín Rodríguez
*E ui lava i fevesiaiga faapologiki
ma i le afé o maila, sa maua vaaia
le tatalaina e le Atua o fai toto a e
manaoia mo i maua e malaga
atu ai i le malumalu.*

- 48 Totoina o Fatu o le Talalelei
i le loto o lou Tina**
Saunia e Sonia Padilla-Romero
*Sa ou faapea ua ou faaaogaina
uma metotia faafafeautalai e
aoao ai le talalelei i lou tina, ae
e toe tasi lava le mea na pāi atu
i lona loto.*



- 50 O Iesu o le Keriso: O Le Molimau
a Perofeta o Aso e Gata Ai**
*I le avea ai ma molimau faapitoa
o Keriso, e mafai e perofeta ona
fesoasoani ia i tatou e aoao e uiga
i matafaioi paia o le Faaola.*

- 54 Faamatalaga Patino ia lesu
Keriso, Faamatalaga Patino ia Oe
Saunia e David A. Edwards**
*O le poloaiga a le Faaola ia avea
pei o Ia e le gata ina mafai; e
matuui mafai lava ona ausia.*


- 56 Mulimuli i le Perofeta**
Saunia e Elder Claudio R. M. Costa
*Ina ua ou iloa o Iosefa Samita o se
perofeta, Na tatau loa ona ou faia
se mea e uiga i ai. Ma ua faama-
nuiana ai lava lou olaga.*

- 60 O Le Ki i le Faamagaloina
o Au Lava Ia**
Saunia e Madison Thompson
*Sa Iu lava ina ou aoao afai tatou
te faalagolago ia Iesu Keriso ma
Lona alofa mutimutivale, e mafai
ona faamagaloina tatou ma tatou
faamagaloina i tatou lava.*


- 62 Pepa Lautele o I Ai se Savali:
O le Mana o le Faaola e
Faaolaina ai**

- 63 Tuusao i le Mataupu**
*E mafai faapefea ona ou iloa pe ua
salamo atoatoa? E mafai faapefea
ona ou iloa ua ou faia le filifiliga
sao i le filifiliina o lo'u toalua?*

- 64 O La Tatou Avanoa**



60



76

- 66 Faasusulu Atu Lou Malamalama:
Saunia e Fesoasoani!**
*E mafai ona avea au ma malama-
lama i ist e ala i le auauna atu,
galuega faafafeautalai, ma tatalo.*

- 68 O Le Filifiliga E Tusitusi**
Saunia e Justina Lichner
*E le mafai ona e filifili i taimi
uma se mea e te lelei ai, ae e mafai
ona e filifili po o le a le malosi
e te taumafai ai.*

- 70 Uso I Taimi Uma**
Saunia e Jordan Wright
*Ona sa faamauina le matou
aiga i le malumalu, e mafai ona
matou faatas i faavavau, e tusa
lava poo le a.*

- 72 O Molimau a Apostolo ia
Keriso.: O Loo Soifua o Ia!**
Saunia e Elder M. Russell Ballard

- 73 E mafai Ona Ou Faitau i
Tusitusiga Paia: O Le Feagaiga
Faa-Aperaamo**

- 74 Musika: Ketesemane**
Saunia e Melanie Hoffman

- 76 Tala o Tusitusiga Paia: Noa**
Saunia e Kim Webb Reid

- 79 Itulau e Valivali: E tausia e le
Tama Faalelagi Ana folafolaga
i taimi uma**

O Le Lomiga Faamaonia Faa-Samoa a le Ekalesia
a Iesu Keriso o le Au Paia o Aso e Gata Ai

Susuga a le Au Peresitene Sili: Thomas S. Monson,
Henry B. Eyring, Dieter F. Uchtdorf

O Le Korama a Apostolo e Toasefululu:

Russell M. Nelson, Dallin H. Oaks, M. Russell Ballard,
Jeffrey R. Holland, David A. Bednar, Quentin L. Cook,
D. Todd Christofferson, Neil L. Andersen, Ronald A.
Rasband, Gary E. Stevenson, Dale G. Renlund

Faatonu: Hugo E. Martineau

Assistant Editors: Randall K. Bennett, Carol F. McConkie

Fautua: Brian K. Ashton, Bonnie H. Cordon, LeGrand R.
Curtis Jr., Edward Dube, Sharon Eubank, Donald L.
Hallstrom, Douglas D. Holmes, Erich W. Kopischke

Pule Faatonu: Richard I. Heaton

Faatonu o Mekasini a le Eklesia: Allan R. Loyborg

Pule o Mea Tau Pisini: Garff Cannon

Pule Faatonutonu: Adam Olson

Pule Faatonutonu Lagolago: Ryan Carr

Lagolago o Lomiga: Francisca Olson

Au Tositusi ma Faatonutonu: Maryssa Dennis, David
Dickson, David A. Edwards, Matthew D. Flitton, Lori Fuller,
Garrett H. Garff, LaRene Porter Gaunt, Jon Ryan Jensen,
Charlotte Larcabal, Michael R. Morris, Eric B. Murdock,
Sally Johnson Odekirik, Joshua J. Perkey, Jan Pinborough,
Richard M. Romney, Mindy Anne Selu, Marissa Widdison

Pule Faatonu Tusiati: J. Scott Knudsen

Faatonu Tusiati: Todd R. Peterson

Au Mamanu: Jeanette Andrews, Fay P. Andrus,
Mandy Bentley, C. Kimball Bott, Thomas Childz,
David Green, Colleen Hinckley, Eric P. Johnsen,
Susan Lofgren, Scott M. Mooy, Emily Cheiko Remington,
Mark W. Robison, Brad Teare, K. Nicole Walkenhorst

Faatonu o le Puletaofia ma Fatufatuga:

Collette Nebeker Aune

Pule i le Gaosiga: Jane Ann Peters

Au Gaosi: Ira Glen Adair, Julie Burdett, Thomas G. Cronin,
Bryan W. Gygi, Ginny J. Nilson, Derek Richardson

Tailolomi: Joshua Dennis, Ammon Harris

Faatonuoli Lolomiga: Steven T. Lewis

Faatonuoli o le Tufufatuga: Troy R. Barker

Mo le okaina o mekasini, alu i le store.lds.org po o le
Faletusi Tutotonu i Pesega. Telefoni 64127. Totogi o le
Mekasini: \$0.55 (Samoa) i i le kopi. Totogi mo le Tausaga
Atos \$6.60 (Samoa).

**Auina atu tatusisiga ma faafesili i luga o le
initoneti** i le liahona.lds.org: pe meli mai i le *Liahona*,
Rm. 2420, 50 E. North Temple, Salt Lake City, UT 84150-
0024, USA; po o le i-meli: liahona@ldschurch.org.

O Le Liahona (o lona uiga i le Tusi a Mamona o le "tapasa"
po o se "faatonuualu") e lomia i le faa-Alepania, Aminia
(Sasae), Pisilama, Palekeria, Kemputia, Sepuanio, Saina,
Kalaotia, Siekisolovakia, Tenimaka, Take, Igilisi, Esitonua,
Fit, Finelani, Farani, Siamani, Eleni, Hanikeri, Initu, Iselani,
Inritonesia, Italia, Japani, Kiripati, Korea, Latvia, Litunia,
Malakasa, Maselao, Monokolia, Nouei, Polani, Potukale,
Romania, Rusia, Samoa, Saina (ua faafaigoifieina), Silovenia,
Sipaniolo, Suetena, Swahili, Tagaloka, Tahiti, Tai, Toga,
lukureini, Urutu, ma Viateneame. (E esese lava gagana.)

© 2018 Puletaofia e le Intellectual Reserve, Inc. Ua taofia
aii tatau una. Lomia i le lunaita Setete o Amerika.

Faamatatalaga o le Puletaofia: Vagana ua faailoa atu,
e mafai e tagata taitoatasina ona kopii anaomea mai le
Liahona mo lo latou faaaogaina patino, ma le saili tupe
(e aofia ai mo valaauga o le Eklesia). O lenei aia tatau
e mafai ona faafeaoagaina i sooo se taimi. O anaomea o
mea faitino e le mafai ona kopii ana pe afai o loo faailoa
mai se faasa i le laina o loo i ai ma le faatuifugaga.
O fesili mo le Puletaofia e tatau ona faatuatasi mai
i le Intellectual Property Office, 50 E., North Temple
St., FL 13, Salt Lake City, UT 84150, USA; email:
cor-intellectualproperty@ldschurch.org.

For Readers in the United States and Canada:

March 2018 Vol. 42 No. 3. O Le Liahona (USPS 311)
Samoan (ISSN 1045-0947) is published monthly by The
Church of Jesus Christ of Latter-day Saints, 50 East North
Temple, Salt Lake City, UT 84150. USA subscription price
is \$10.00 per year; Canada, \$12.00 plus applicable taxes.
Periodicals Postage Paid at Salt Lake City, Utah. Sixty days'
notice required for change of address. Include address label
from a recent issue; old and new address *must* be included.
Send USA and Canadian subscriptions to Salt Lake
Distribution Center at address below. Subscription help
line: 1-800-537-5971. Credit card orders (Visa, MasterCard,
American Express) may be taken by phone. (Canada Post
Information: Publication Agreement #40017431)

POSTMASTER: Send all UAA to CFS (see DMM 507.1.5.2).
NONPOSTAL AND MILITARY FACILITIES: Send address
changes to Distribution Services, Church Magazines,
P.O. Box 26368, Salt Lake City, UT 84126-0368, USA.

FAAOPOOPOGA I LE INITONETI



Faitau tusiga ma auina atu la
oe lava tusiga i le liahona.lds.org



Sue savali musuia e mafai ona
faasoaa atu (i le gagana Peretania,
Potukale, ma le Sipaniolo) i le
facebook.com/liahona.



Auina mai finagalo faaalia
i le liahona@ldschurch.org



la lesitala i le store.lds.org
Po o le asiasi i se faletusi autu, fesili
atu i taitai o le uarota, pe valaau i le
1-800-537-5971 (I.S. ma Kanata).

AUTU I LE LOMIGA LENEI

E ta'u mai e numera le itulau muamua o le tusiga.

Aiga, 18, 28

Ata o le faaolataga, 14,
16, 18, 50, 60, 70

Auauna atu, 8, 10

Faaipoipoga, 18, 28, 44, 63

Faatoaagaina mai, 41

Faioga asiasi, 7, 8

Faigata, 12

Faitalia, 18, 63, 68

Feagaiga, 73

Galuega faafaifeatalai,
48, 64, 66

Iesu Keriso, 14, 28, 34, 50,
54, 60, 62, 72, 74, 80

Iosefa Samita, 34

Konafesi aoao, 4, 12

Lotomaualalo, 10, 34

Maliu, 16, 70

Malumalu, 44, 48

Molimaui, 50, 72

Perofeta, 50, 56, 76

Salomo, 60, 63

Talafaaasolopito o aiga,
38, 40, 64

Tama Faalelagi, 4, 34,
42, 79

Tatalo, 4, 7, 34, 42, 43, 63,
64, 66

Toefuataiga, 4, 34

Togiola, 10, 12, 50, 54, 60,
62, 63, 74, 80

Tupe, 20

Tusitusiga Paia, 73

Upu o le Poto, 18

Valaauga o le Eklesia,
10, 41



Saunia e
Peresitene
Dieter F. Uchtdorf

Fesoasoani Lua i le
Au Peresitene Sili

O LE AFIOGA A LE ATUA I LANA FANAU

Ta tau mai e tusitusiga paia ia i tatou o le mea muamua lava na faia e le Atua ina ua uma ona foaoaina le tane ma le fafine o le talanoa atu lea ia i laua.¹ Na i ai ia te Ia ni faamatalaga ttau ma ni faatonuga faapele-pele e tuuina atu ia te i laua. O Lona faamoemoe e le o le faamamafa atu pe faapopoleina i laua ae ia taitaia i laua i le fiafia ma le mamalu e faavavau.

Ma ua na o le amataga lena. Mai i lena aso seja oo mai i lenei aso, o loo faaauau pea e le Atua ona fesootai ma Ana fanau. Na faasaoina Ana afioga, faapelepeleina, ma sue-sueina e soo i augatupulaga uma lava. E faatauaina i latou e i latou o e saili ia iloa le finagalo o le Atua, ma latou te tuuina atu le molimau o le meamoni faapea “e le faia lava se mea e le Alii o Ieova, ae faaalia lona finagalo i ana auauna o perofeta.”²

O le mamanu lava lenei talu mai le amataga o taimi, ma o loo faaauau pea le mamanu i le aso. E le na o se tala manaia i le Tusi Paia; o le auala faatulagaina a le Atua e tuuina atu ai savali ttau i Lana fanau. Na te faatuina ni tagata mai i lo tatou lotolotoi, valaaulia i latou e avea ma perofeta, ma tuuina mai ia i latou upu e fai atu, lea e valaaulia i latou e “talia, e pei lava ua mai i [Lona] lava gutu.”³ Na Ia folafola mai, “Pe i lo’u lava leo po o i le leo o a’u auauna, ua tutusa lava.”⁴

O se tasi lenei o savali e aupito sili ona mamalu, e faamalosiau, ma tumu i le faamoemoe o le Toefuataiga—e

le o sao le Atua! E alofa o Ia i Lana fanau. Na te le o tuua i tatou e fesetai i le pogisa.

E faalua i tausaga taitasi, ia Aperila ma Oketopa, tatou te maua ai le avanoa e faalogo ai i le siufogoga o le Alii e ala i Ana auauna i a tatou konafesi aoao ofoofogia.

Ou te tuuina atu ia te outou lau molimau patino e faapea, ae lei taitai ona faia e se failauga i le konafesi aoao lena savali umi agai i le pulelaa, na te faaaluina le tele o le taumafaiga, tatalo ma le suesuega e tali atu ai i le tofiga e lauga. O savali taitasi o konafesi e suitulaga i ni itula e le mafaitaulia o le sauniuniga ma le augani faamaoni ia malamalamo po o le a le mea e finagalo le Alii i Lana Au Paia e faalogo i ai.

O le a se mea e ono tupu pe afai e tutusa lelei le sauniuniga a le failauga ma lo tatou manaoga? Pe o le a se ese-esega o la tatou vaai i konafesi aoao pe afai tatou te vaai atu i konafesi o se avanoa e taliaina ai savali mai le Alii lava Ia? E ala mai i upu ma musika o konafesi aoao, e mafai ai ona tatou faamoemoe e taliaina tali patino i soo se fesili po o faafitalui atonu o loo tatou faafeagai.

Afai na e mafaufau i se taimi pe o le a fetalai moni mai lava le Tama Faalelagi ia te oe, o le a ou faamanatu atu ia te oe upu faigofie lava ae loloto e usuina e a tatou fanau o le Peraimeri: “O le Atua [iou] Tama, Ia aumai o [oe].” O Lona faamoemoe ia fesoasoani ia te oe ia toe foi atu ma “toe mafuta ai.”



Afai e te vaai i le Tama Faalelagi o Sona atalii [afafine], e mafai ona e ole atu ia te Ia ma se loto faamaoni, "Taitai au, faasino mai, le ala e ui ai. Aoao mai mea e ao na ou fai." O le a Ia fetalai atu ia te oe e ala mai i Lona Agaga Paia, ona tuu atu lea ia te oe "o ana upu ia ou fai." Ou te folafola atu afai e te faia lenei mea, "o i ai o manuia."⁵

Ua manaomia i le aso le taitaiga a le Alii e pei lava ona i ai talu mai le talafaasolopito o le lalolagi. Ao tatou saunia e faalogo i le afioga a le Alii, tau ina ia tatou sailia ma le filiga le Agaga o le upumoni ina ia mafai ona tatou

malamalama, pe a fetalai mai le Alii e ala mai Ana auauna, ma olioli ai faatasi.⁶

Ou te molimau "o le faia o nei mea o le a lē manumalo ai faitotoa o seoli ia te i [tatou]; ioe, ma o le a faamataa ese ai e le Alii le Atua mana o le pouliuli mai i o [tatou] luma, ma faia ia luluina le lagi mo lo [tatou] lelei, ma le mamalu o lona suafa."⁷ ■

FAAMATALAGA

1. Tagai Kenese 1:28.
2. Amosa 3:7.
3. Mataupu Faavae ma Feagaiga 21:5.
4. Mataupu Faavae ma Feagaiga 1:38.
5. "O Le Atua lo'u Tama," *Viiga*, nu. 184; *Tusipese a Tamaiti*, 2-3.
6. Tagai Mataupu Faavae ma Feagaiga 50:21-22.
7. Mataupu Faavae ma Feagaiga 21:6.

AOAO ATU MAI LENEI SAVALI

I le taimii o le konafesi aoao e mafai ona tatou taliaina tali patino i a tatou fesili ma faafitauli ao tatou faalogo atu i auauna filifilia a le Atua. Mafaufau e talanoaina faatasi ma i latou e te aoaoina: E mafai faapefea ona e saunia e taliina na tali i le taimi o le konafesi aoao? Ua uunaia i tatou e Peresitene Uchtdorf ia "saili ma le filiga le Agaga o le upumoni." O le a sou manatu i le uiga o lena mea, ma e mafai faapefea ona e faaaogaina lenei mea i lau sauniuniga? I le faaopoopo atu i faamanuiaga ua taua i le Mataupu Faavae ma Feagaiga 21:6, o a isi faamanuiaga e oo mai ao e saunia e faalogo i afioga a le Alii e ala mai i Ana auauna? E mafai ona e valaaulia i latou e te aoaoina e tusi i se api o talaaga mea na aoaoina ai i latou e le Agaga i lenei konafesi aoao.

Saunia e Faalogo i le Siufofoga o le Atua



Ua tau mai e Peresitene Uchtdorf o le mea muamua lava na faia e le Atua ina ua uma ona foafoaina le tane ma le fafine o le talanoa atu lea ia i laua ma tuuina atu ia i laua ni faamatalaga taua ma ni faatonuga. Tatou te mauaina lena lava faamanuiaga ia Aperila ma Oketopa i le taimi o le konafesi aoao, pe a lauga mai taitai o le Eklesia ia i tatou ma tuuina mai ia i tatou fautuaga na e finagalo le Alii ia tatou faalogo i ai.

Pe na e faalogoina muamua le siufogaga o le Atua e ala mai i Ana auauna

i le taimi o le konafesi aoao? Pe na i ai ea se taimi na e lagonaina ai e pei o se tasi o savali faapitoa na tuuina mai ai ia te oe se tali na e sailia? I se api o talaaga, e mafai ona e tusi i lalo lena aafiaga ma le ala na fesoasoani ai ia te oe. Ona saunia lea e faalogo i le siufogaga o le Alii i lenei konafesi o loo lumanae i ala i le tusia i lalo o tali na e maua ma suesue i ai i le taimi o au suesuega o tusitusiga paia. Tatalo i le Tama Faalelagi, ma ole atu ia maua ni tali ma manatu i le taimi o le konafesi.

Ao e faalogo i auauna a le Alii, taulai atu i unaiga patino. O a ni mea na e aoaoina? Na faapefea ona e lagona le musuia ina ia suia? Tusi i lalo na unaiga aua o le Agaga lena o le Alii ua fetalai mai ia te oe!

Ia manatua i taimi uma e alofa le Tama Faalelagi ia te oe ma o le a taitaia oe i le ala sao. Ao e tauivi e faalogo i Lona siufogaga e ala mai i Ana auauna, o le a faamanuiaina ma siitiaina oe.

TAMAITI

Saunia mo le Konafesi!

Faaaoga lenei kata e saunia ai mo le konafesi aoao. Tuu le kata ia te oe i le taimi o le konafesi ina ia mafai ona e tusi ai i lalo mea e te aoaoina.



- **Tusi i lalo ni au fesili.**
O loo ou mafaufau e uiga . . .
- **Tatalo i le Tama Faalelagi.**
Ou te manao e fesoasoani e aoao e uiga . . .
- **Faalogo i le konafesi aoao.**
Na ou aoaoina . . .

Tatalo mo Uso Taitoatasi i o Latou Igoa

O le a faatupulaia lo tatou alolofa ma uunaiga e faatau mo i latou tatou te faiaoga asiasi i ai pe a tatou tatalo ma le loto maualalo mo uso taitoatasi i o latou igoa.

Sa faasoa mai e se tasi uso e faapea i se vaitaimi faigata o lona olaga, e masani ona oo mai ai se telefoni poo se feau tesi faigofie mai ana faiaoga asiasi “aemaise lava i ia aso pogisa.” E foliga la te iloa lelei lava pe a ia manaomia se faamalosiauga. Na ia iloa sa la’ua tatalo mo ia, i le taimi o a laua asiasiga ma o laua lava taimi.

Ua faasoa mai e tusitusiga paia le tele o faataitaiga o alii ma tamaitai o e sa tatalo mo isi i o latou igoa. O loo i ai faatasi ma e e le mafaagaloina le tama o Alema le Itiiti. Na fetalai atu se agelu ia Alema le Itiiti, ma tau atu ia te ia o lona tama “sa tatalo ma le faatuatua tele e uiga ia te oe . . . ; o le mea lea, mo lenei faamoemoe ua ou sau e faatalitonuina oe i le mana ma le pule a le Atua, ina ia talia talosaga a ana auauna, e tusa ma lo latou faatuatua” (Mosaea 27:14).

O le tatalo mo le tasi ma le isi e tatala ai o tatou loto ina ia



Faatuata, Aiga,
Toomaga

maua faamanuiaga e finagalo le Alii e tuuina mai ia i tatou. O le faamoemoega o le tatalo, e le ina ia suia ai le finagalo o le Atua, ae ia faamautu ai mo i tatou lava ma isi ia faamanuiaga ua naunau i ai le Atua e to mai, ae e faagalogo i lo tatou ole atu iai.”¹

“Mafaufau i lo tatou malosi tuufaataasi, pe afai e tofu uso uma ma se tatalo faamaoni i taeao ma po taitasi po o le, sili atu foi, e tatalo e le aunoa e pei ona poloaiina ai e le Alii,” na saunoa ai Julie B. Beck, o le sa avea ma Peresitene Aoao o le Aualofa.² O le tatalo mo i latou tatou te faiaoga asiasi i ai e faamalosia ai i tatou taitoatasi ma le avea ai ma tamaitai o le Aupaia o Aso e Gata Ai.

Na saunoa Peresitene Henry B. Eyring, Fesoasoani Muamua i le Au Peresitene Sili: Tatalo mo se auala e iloa ai o latou loto. . . . O le a manaomia

lou iloa o le mea e finagalo le Atua e te faia e fesoasoani ai ia te i latou ma faia mea uma, i le mea sili e te mafaia, e lagonaina ai le alofa o le Atua mo i latou.”³

FAAMATALAGA

- Taiala i Tususiga Paia, “Tatalo.”
- Julie B. Beck, “O Le Mea Sili e Faia e Tamaitai o le Au Paia o Aso e Gata Ai: Tutu Malosi ma le Mausali,” *Liahona*, Nov. 2007, 110.
- Henry B. Eyring, “Perisitua ma le Tatalo Patino,” *Liahona*, Me 2015, 85.



Mafaufau i le Mea Lenei

O a ni musumusuga
ma manatu ua oo mai
ia te oe ao e tatalo
mo uso taitoatasi o e
faiaoga asiasi iai.

Auaunaga

Nai lo le tuuina atu o savali faapitoa, o le a faaalia i lenei itulau se mataupu faavae ese i masina taitasi e fesoasoani ia i tatou ina ia auauna atu ai ma le lelei atili i le tasi ma le isi. A’o e tatalo ma saili le uunaiga, o le a e iloa le savali faaleagaga ma le auaunaga e manaomia e uso taitasi.

O FAIAOGA ASIASI O AVEFEAU A LE ATUA

Saunia e Alice A. Lewis

O lenei faagasologa fou ua faasusulu mai ai olaga o tamaitai naunautai ma a latou savali, na sii mai le tusi *I le Pulelaa: 185 Tausaga o Aoaoga na saunia e Tamaitai o le Au Paia o Aso e Gata Ai* (2017).

Ao a'ea e Iesu mauga naumati o Kalilaia pe laasiia ala perfu o Iutaia, sa ia feiloai ma e matitiva, mama'i, ma ituaiga pagatia uma lava. Na ia feiloai ma le tagata agasala salamo ma le le salamo. Sa ia fetau ma e puapuaga Ma e mai i nei aafiaga ma Lona silafia tele na oo mai ai Lona agaga alofa, "O mai ia te au."

I le 1830, na folafola mai ai e le Perofeta o Iosefa Samita o le "Atua e tasi e le liu" [MF&F 20:17]. O lea, e le o se mea e ofo ai i le aso 28 o Iulai, 1843, na tofia ai tamaitai e 16 e "saili atu i e matitiva ma puapuagatia . . . ina ia faamalieina manaoga o tagata uma."¹ Sefuluono i le lalolagi o miliona. Ae tatau lava ona iai se amataga. I le 1843, e 16 faiaoga asiasi; o le aso [1969], ua sili maoae i le 100,000; o taeao 200,000; o le aso e sosoo ai ua lua miliona.

O nai vaiaso ua tea sa ou feiloai ai i sa'u uo lelei. Sa toaga o ia i le Aualofa mo le tele o tausaga. . . . Na ou fesili ia te ia poo le a lana mea o fai nei i le Ekalesia. Na maitauina se taimi na malolo ai. Ona ia tali mai lea, "Oi, o au ua na o se faiaoga asiasi." Ua na o se faiaoga asiasi! Ina ua ma faamavae, sa ou manatu, poo le a sona lagona pe a fetalai atu le Faaola ia te ia. "Ou te manao ia fai

oe ma au avefeau. Ou te manao e tau atu i tina [e te faiaoga asiasi i ai] oute alofa ia i latou, ma ou te popole i mea e tutupu ia i latou ma o latou aiga. Oute manao ina ia avea oe ma ou fesoasoani. Afai na ma feiloai ina ua maea lenei fonotaga, pe o le a ese ea lana tali? Pe lei valaauna ea o ia e Ia e ala i Lana perisitua e faapei ona tulai mai o Ia i ona luma?

E toafia o tatou faiaoga asiasi o loo manatu ia i latou lava ua "na o ni faiaoga asiasi"?

I le faiaoga asiasi ua tuuina atu iai le matafaoi sili o le saili atu i ai latou o loo iai manaoga faapitoa. I le ma lea, ua ia tau atu i tuafafine uma e ala i lana asiasiga e iai seisi e alofa ma o le Atua e alofa.

. . . Ua le tatau o ia o se tasi e faatopetope atu i le aso mulimuli o le masina ma faapea atu, "Ua na o ni nai o'u minute lava—ou te iloa ua uma ona e faitau i le savali ma ua sili atu lou iloa nai lo au, ma e te le manaomia lava. O a mai oe, ma e ta feiloai i le Aualofa i le vaiaso lea." E ao i le faiaoga asiasi ona tuuina atu le alofa e faamanuiaina ai le tuafafine o loo asia ma lona aiga. . . .

. . . I tausaga taitasi a o faatupulaia le Ekalesia, e faateleina foi le manao-mia mo faiaoga asiasi. . . . O le a



**E TUSA AI MA
SISTER SMITH**

Na faauu Alice

Colton Smith (1913–

2006) mai le lunivesete

o Columbia i le 1934. O

ia ma lona toalua o Whitney,

sa siitia mai i Logan, Iuta, i Amerika,

i le 1946 ina ia auai i le lunivesete o

Utah State, sa maua ai le faailoga

o le master o Alice i le mataupu e

suesueina ai tagata ma mulimuli

ane avea ai ma se faiaoga. I le avea

ai ma se polofesa fesoasoani, sa

faiaoga o ia seia oo i le ogatotonu

o le 1970, sa faamavae ai o ia ina ia

taulai atu lana auaunaga i le pulega

aoao a le Aualofa. Sa valaaulia Sister

Smith e auauna atu i le pulega aoao

a le Aualofa i le 1964, ma auauna

ai mo le 14 tausaga. Sa ia aumaia i

le pulega se talitonuga masani ma

aoaoina.

Mai le 1960 seja oo i le 1963, sa nonofo ai le au Smiths i Vienna, Austria, ma valaaulia ai e faatu se ofisa tutotonu o le misiona muamua a le Aupaia o Aso e Gata Ai i Austria.

Sa tuuina atu e Alice Smith lenei lauga ia Oketopa 1969 i le sauniga a auofisa o le konafesi aoao a le Aualofa.

latou fesoasoani e faafetaia'ia le nofo toatasī ua pesia ai lo tatou lalolagi ma amio ai aai tetele. O le a latou tausi i le tagataese, le ua oti lana tane, le ua leai se matua, le ua faamanualia, ma le faanoanoa, i tuafafine uma ua manaomia le fesoasoani, tausia ma le alofa. . . . O le a latou fesoasoani e faaitiitia le pagatia i le tino, lagona, ma le mafaufau. O le a latou fesoasoani i le ua agasala ma faafanafana le ua faanoanoa. O le a

latou tauave le savali o le alofa o le talalelei i o tatou tuafafine uma i le lalolagi. . . .

"Ia outou o mai ia te au, outou uma o e tigaina ma mafatia i avega, o au foi e malolo ai outou.

"Ia outou amoina la'u amo, ma ia outou faaa'oa'o ia te au, aua o au lē agamalu ma le loto maulalo, ona maua lea e outou o le malologa mo outou agaga.

"Aua e avegofie la'u amo, o

la'u avega foi e mama ia" [Mataio 11:28–30].

Ia faamanuia le Atua i faiaoga asiasi. Pe afai e galulue faatasi uma, e mama la'u amo, ma e mama foi la'u avega.

. . . Tau ina ia faia ai pea, ou te tatalo ai. Amene. ■

FAAMATALAGA

1. Tusi Taulima Tuai a le Aualofa, i. 29. Tagai i le *Tusi Taulima a le Aualofa o Le Ekalesia a Iesu Keriso o le Au Paia o Aso e Gata Ai* (1931), 29.



O LE MEA TATOU TE MAUA AI LE TOAFIMALIE

Tusia e Nettie H. Francis

O le Aualofa o se nofoaga e mafai ai ona maua e uso o soifuaga taitasi uma le toafilemu a o latou tausi, auauna, ma alofa atu o le tasi i le isi.

Ao matou nonofo ma lou aiga i Las Vega, Nevada, ISA, sa ou auauna ai mo se vaitaimi o se pere-sitene o le Aualofa a le uarota. Sa faaosofia au e le fesoootaiga matagofie sa ou maua ma ni uso lelei i la matou uarota. Ou te fifia e fuafuaina gaoioiga e siitia ae ai, taitaiina o le Aualofa, auai i fonotaga ma taitai o uarota, ma auauna atu i aiga.

Sa ou faaalu se taimi taua lava e alu ai i aiga e asiiasi i uso. Sa ou tausi foi i tina ua vaivai, mai, pe na o le lofituina—o uso ua manaomia le faamafanafanaga, i le faaleagaga ma le faaletino. Sa ou lagona le faamalieina ma e sa ou manaomia i fafo atu o ou tiute o se tina talavou o le fanau e toaono.

Ona faafuasei lea ona suia lo'u olaga.

Sa talia e lou toalua se siitaga o lana galuega i se tasi setete. I se masina sa matou tapena ma tuua lo matou aiga i le la o Las Vega mo se fale mautotogi laitiiti i le malulu o Casper, Wyoming.

O le vaiaso lava lea na matou o ese ai, sa ou iloa ai ua ou maitaga—i le masaga!

I le po na matou taunuui ai i lo matou fale mautotogi, sa ou mai tigaina ai lava. Na ou manatua a o taoto i luga o le moega ua tau le mafai ona gaoioi a o ou vaai i lou toalua o tausi la ma fanau ma teu a matou mea mai le taavale. O le amatauga lena o le luitau faaletino sili ona faigata o lou olaga. I le fa masina na sosoo ai, sa le sao sau meaai ma sa tau le maua se malosi e auauna ai i lou aiga, tausi le ma fanau, ma—i nisi o taimi—fai meaai.

A o faamasani lou toalua i lana galugea fou, sa ou faamasani i lo matou aai fou ma faaulufale le toafa o la ma fanau i le aoga. Sa tumu lo matou fale mautotogi laitiiti, ma mo ni vaiaso sa matou faaaoga a matou mea mai atigi pusa. Ou te auaina atu lau fanau i le aoga mai le faitotoa i taeao taitasi ona faaalu lea o le aso i luga o le sofa a o taaalo lau fanau laiti latalata ane.



I se tasi taeao ina ua tuua e tamaiti mo le aoga, na tatagi ai le logo o le faitotoa. Na tatala e se tasi o lau fanau laiti le faitotoa, ma o loo tu ai iina se uso mai le aupersetene o le Aualofa a la matou uarota fou. Sa ia umia se ato o ni aitema ma sa la faatasi ma lana lava tama teine. Ua ia sau e faafeiloai atu au i le uarota.

Sa ou maasiasi.

O au lena, o loo ofu pea ou ofumoe, o taoto i luga o le sofa ma le pakete i ou tafatafa. O lau fanau laiti e toalua e le o lelei ona fai o laua ofu o loo taaalo i le fola gaogaosa ma pusa e le i talai lava.



IA IAI IINA MO I TATOU TAITOATASI

O le avea ma usoga e tau mai ai e i ai se sootaga lemamotusiaina i lo tatou va. Uso e, tausi e le tasi uso le isi, leoleo e le tasi le isi, faamafanafana le tasi le isi, ma e i ai iina mo le tasi ma le isi i taimi lelei ma taimi faigata.

Bonnie L. Oscarson, Peresetene o Tamaitai Talavou Aoao, "Le Usoga: Oka, so Tatou Manaomiaina o le Tasi ma le Isi," *Liahona*, Me 2014, 119.



Sa sau i totonusi lenei uso mata-gofie na tuu lana ato i le tulimanu o le laulau. Ona nofo lea o ia i lalo o le potu malolo gaogaosa ma ma talanoa—ma fesili mai e uiga ia te au ma lo matou aiga.

A o ma talanoa, sa ou lagona le loto maulalolo. I le na o le masina muamua, sa ou iai i lona tulaga, asiasi i tagata ma ofoina atu le fesoasoani. Ae o lea ua liliu le laulau. Sa ou taoto faasasao i lou tua i se fale gaogaosa i le manaomiaina lava o se toafimalie. Sa ou nofo toatasi, ua lofituina, ma fesagai ma se tulaga e tele naua nai lo lou iloa. O au o se tasi o na uso sa manaomia se

fesoasoani. Sa vave ma atoatoa ona faamanatu mai e le Alii ia te au ou te manaomia o ia ma le fesoasoani e ofoina mai e ala mai Ana auauna.

Ina ua ia aluese, o le vaaiga o lana ato faafeiloai i luga o lau laulau na ou maua ai le toafimalie ma le malamalamala. I ni vaiaso na sosoo ai, sa ou tofoina mea na i le ato ma sa faafetai mo la maua fegalegaileaiga a o ia asiasi mai pe a lava pea, ma ofo mai le fesoasoani ma le lagolagosua i le taimi o na masina faigata. Sa ou maua se agaga faafetai fou mo le faamoemoe ma le toafimalie e mafai ona aumai e se uso e toatasi i seisi.

I ni nai masina mulimuli ane, sa matou faatau se fale e lava lona tele mo lo matou aiga tuputupu ae. Na faaiuina lou maitaga faigata i le fanau mai o se masaga aulelei. Ma o le uso agalelei o le Aualofa na avea ma au uo lelei ma e sa faaaaua ona faamalosia ma siitia ae au i lana molimau ma faataitaiga. E masani ona ou tomanatu pea i le taeao fai-gata o lana uluai asiasi ma lagona le faafetai ua ia faataunuina lona valaauga.

Ou te molimau atu o tatou uma lava o “tagata aisi” i luma o le Atua (tagai Mosaea 4:19). E mafai ona fesuisuiiai o tatou tulaga i soo lava se taimi, ma aumai ai i tatou i se vaaiga fou i le tele o lo tatou faalagolago i lo tatou Tama—ma luga o i latou ua auauna ia i tatou mo ia. Ua ou iloa nei silisili o le Aualofa o se nofoaga e maua ai e uso o tulaga uma le toafimalie a o latou tausia, auauna atu, ma alofa le tasi i le isi. ■

E alala le tusitala i Iuta, ISA.

TUSIGĀMANATU O LE KONAFESI O OKETOPA 2017

“O le mea ua fai atu ai A’u o le Alii ua Ou fai atu ai; . . . pe i lo’u lava leo po o i le leo o au auauna, ua tutusa lava” (MF&F 1:38).

A o e iloiloina le konafesi aoao ia Oketopa 2017, e mafai ona e faaaogaina itulau nei (ma Tusigāmanatu o le Konafesi i lomiga ua tuanai ma le lumana) i fesoasoani ia te oe e suesue ma faaaoga aoaoga talu ai nei a perofeta ma aposetolo soifua ma isi taitai o le Eklesia.



O LO TATOU TAUUA PAIA

“O le a faamautu mai e le Agaga ia i tatou taitoatasi lo tatou tauua paia. . . .

“Se’i o’u faasino atua le manaomia ona tuueseese o upu taua nei e lua: taua ma le agavaa. E le tutusa upu ia e lua. O le taua faaleagaga o lona uiga o le faatauaina o i tatou lava i le auala o loo faatauaina ai i tatou e le Tama Faalelagi, ae le o le auala e faataua ai e le lalolagi i tatou. Sa fuafuaina lava lo tatou taua ae tatou te lei o mai i lenei lalolagi.

“I le isi itu, e ausia le agavaa e ala i le usisitai. Afai tatou te agasala, e faaititia lo tatou agavaa, ae le faaititia ai lava lo tatou taua! E faaauau pea ona tatou salamo ma tauivi pea ina ia faapei o lesu faatasi ma lo tatou taua. . . . E tusa lava po o le a, e i ai lava lo tatou taua i le silafaga a lo tatou Tama Faalelagi. . . .

“. . . Afai o le alofa tatou te lagonaina mo le Faola ma mea na la faia mo i tatou e sili atu i lo le malosi tatou te tuu atu i vaivaiga, masalosalo ia te oe lava ia, po o mausa leaga, ona la fesoasoani lea ia i tatou e faatoilalo mea ia e mafua ai puapuaga i o tatou olaga. Na te laveaiina i tatou mai ia i tatou lava.”

Joy D. Jones, Peresitene Aoao o le Peraimeri, “O Le Taua le Mafuatiaina,” *Liahona*, Nov. 2017, 14, 15.

Ina ia faitau, matamata, pe faalogologo i lauga o le konafesi aoao asiasi i le conference.lds.org.



AOAOGA FAAVAE UA FAAMAMAFAINA

O Le Taimi ma le Avanoa Paia

“O le aso Sapati ma le malumalu, o se *taimi paia* ma se *avanoa paia* ua vaetofiaina patino mo tapuaiga i le Atua ma mo le mauaina ma le manatuina o Ana folafolaga silisili ese ma le taua i Ana fanau. E pei ona faatuina e le Atua, o faamoemoega autu o nei punavai faalelagi o le fesoasoani, e tutusa lelei lava: ina ia taulai atu pea lava pea ma le mamana la tatou gauaiga i lo tatou Tama Faalelagi, o Lona Alo Pele e Toatasi, o le Agaga Paia, ma folafolaga e o faatasi ma sauniga ma feagaiga o le talalelei toefuataiina a le Faaola.

“E taua tele, o le fale e tatau ona avea ma tuufatasiga aupito maualuga o le *taimi ma le avanoa* e sili ona manatua lelei ai e tagata taitoatasi ma aiga folafolaga silisili ese ma le taua a le Atua.”

Elder David A. Bednar o le Korama a Apostolo e Toasefululu,
“O Mea Silisili Ese ma Taua,” *Liahona*, Nov. 2017, 92–93.

**MANATUA PE O AI OE**

"Manatua o oe o se tasi o le aiga tau-tupu o le malo o le Atua, [o atalii ma] afafine o Matua Faalelagi, o loo nofo-tupu i le atulaulau atoa.

"O loo ia te oe le DNA faaleagaga o le Atua. Ua ia te oe ni meaalofa tulagaese na pogai mai i lou foaoaga faaleagaga ma sa atiaeina i se taimi umi lava o lou muai olaga. O oe o se [atalii po o se] afafine o lo tatou Tama i le Lagi alofa mutimutivale ma faavavau, o le Alii o Au, o Le na foaoaina le atulaulau, ma faasalalauina ia fetu taamilomilo i le vanimonimo tele, ma tuu paneta i o latou taamilosaga atofaina.

"O loo e i ai i Ona aao.

"Aao lelei lava.

"Aao alofa.

"Aao popole.

"Ma e leai ma se mea e tautala ai se tasi e uiga ia te oe e mafai ona sua lena mea. O a latou upu e leai se uiga e faatusa i mea ua fetalai i ai le Atua e uiga ia te oe.

"O oe o Lona [atalii po o se] afafine pele.

"E alofa o la ia te oe.

"E tusa lava pe e te tautevateva, e tusa lava pe e te liliu ese mai ia te la, e alofa pea le Atua ia te oe. Afai o loo e lagonaina le leiloa, tulafoaiina, pe faaga-loina—aua le fefe. O le a maua oe e le Leoleo Mamoe Lelei. O le a la sii ae oe i Ona tauau. Ma o le a la ave oe i le aiga."

Peresitene Dieter F. Uchtdorf, Fesoasoani Luu i le Au Peresitene Sili, "Au Uso e Toatolu," Liahona, Nov. 2017, 17.

**USO E, IA FAASUSULU ATU LOU MALAMALAMA**

"A e tausia poloaiga [a le Atua], e mafai ona la faaaogaina oe i Lana galuega. O Lana galuega ma le mamalu o le faaeaga ma le ola e faava-vau o tamaitai ma alii.

"O loo valaau mai perofeta ia i tatou, o'u uso e. E mafai ona outou amiontonu? E mafai ona outou faamatalaina lelei lo outou faatuatuaga? Mata e mafai ona e lavatia le iloatino ma le ese mai ai? Mata o le a tatai atu e lou fiafia e ui i ou tofotofoga isi o e lelei ma malualii ma o e manaomia lau faaunooga? Pe o le a e faasusulu atu lou malamalama? Ou te molimau atu o le Alii o lesu Keriso o le a afio atu i o tatou luma ma i ai i lo tatou lotolotoi."

Sharon Eubank, Fesoasoani Muamua i le Au Peresitene Aoao o le Aualofa, "Ia Pupula Atu Lou Malamalama," Liahona, Nov. 2017, 9.

FAATUMU LE AVANOA

Faaaoga le lomiga o Novema 2017 pe asiasi i le conference.lds.org e faitau atili ai i mea na saunoa i ai nei failauga.

1. "O le a fesoasoani le Tama Faalelagi ia i tatou ia alofa atu e oo lava i ai latou tatou te ono manatu e le alofaina, afai tatou te _____ mo Lana fesoasoani." —Neill F. Marriott, "Tumau i le Atua ma Faaleleia le Va."
2. "O le toatele o i tatou o loo i ai i ni malaga ofoo fogia o le _____ . . . Faamolemole fesili ifo ia te oe lava: O le a lou tau-nuuga mulimuli? . . . O taitai atu e lau malaga oe i lena 'anoanoai o faamanuiaga' ua folafola mai e le Faaola?" —M. Russell Ballard, "E faaauau Pea le Savaliga!"
3. "O le Tusi a Mamona o se tasi o meaalofa e le mafaatauina a le Atua ia i tatou. O le pelu ma le talita—na te auina atu le upu a le Atua i le taua e tau ai mo loto o e amiontonu ma avea ai o se _____ autu o le upumoni." —Tad R. Callister, "O Le Molimau Mamana a le Atua: O Le Tusi a Mamona."

O LE MAFUAAGA MO LO TATOU FAAMOEMOE

E i ai le fuafuaga e faavavau a le Tama Faalelagi ina ia e toe foi atu ia te la. O Lona Alo, o lesu Keriso, sa faatasi ma oe ma o le a faapea lava ona i ai faatasi ma oe i laasaga uma lava o le ala.



O LO TATOU OLAGA A O LEI FANANAU MAI

I lo tatou muai olaga, sa tuuina mai ai e le Tama Faalelagi i Ana fanau uma faaleagaga Lana fuafuaga ina ia fesoasoani ia tatou avea faapei o la. O le fuafuaga e manaomia ai se Faaola e fesoasoani e laveai i tatou mai le oti faaletino ma le faaleagaga. Sa ofo mai lesu Keriso e fai ma o tatou Faaola ma avatu ai le viiga i lo tatou Tama Faalelagi (tagai Mose 4:1–2).

FOAFOAGA

I lalo o le taitaiga a Lona Tama, sa foafoaina ai e lesu Keriso se lalolagi matagofie mo i tatou (tagai Kolose 1:15–16; 3 Nifae 9:15). “O le telē naua o le faavavau, o mamalu ma mealilo o le atulaulau ma le taimi e le muta, ua fausia uma mo le manuia o tagata soifua masani e pei o oe ma a’u” (Dieter F. Uchtdorf, “E Amanaia Oe e la,” *Liahona*, Nov. 2011, 20).

OLAGA I LE LALOLAGI

I le lalolagi ua tatou le toe i ai faatasi i le afioaga o le Atua, ae e mafai e le talalelei a lesu Keriso ona taitaiina i tatou. E ui ina tatou agasala mai lea taimi i lea taimi, e mafai e le Faaola ona faamalolo ma faamagalo i tatou pe a tatou salamo. Sa puapuaga o la “e sili i mea e mafai ona onosaia e tagata” (Mosaea 3:7) ina ia tatou faatoilaloina a tatou agasala e aunoa ma le tausalaina e i latou! (Tagai Mosaea 4:2; Alema 42:14–15.)



OLAGA PE A MAVAE LE OTI

Pe a maliu, e tuueseese o tatou agaga ma o tatou tino, e faatalitali ai le Toetutu i le lalolagi o agaga. O le Toetu o lesu Keriso ua leai ai se otia ia i tatou uma, ua faamatuu mai ai i tatou, pe a tatou faatuatua, e toe faatasi ma o tatou aiga ma le Tama Faalelagi. "O le a toe faatasia le agaga ma le tino i ona foliga atoatoa" (Alema 11:43) ma ola ai e faavavau. (Tagai 1 Korinito 15:22; 2 Nifae 9:4–13.)

ASO O LE FAAMASINOGA

O lesu Keriso o le a avea ma o tatou faamasino. O la o le sa fai ma o tatou fautua i le Tama Faalelagi o le a la tuuina mai se faamasinoga atoatoa, alofa, alofa tunoa, ma le tonu. O le a la faamasino i tatou e le gata i mea sa tatou fai, tautala, ma mafaufau i ai ae faapea foi o e ua tatou avea ai—le auala tatou te avea ai e pei o Keriso. (Tagai 2 Nifae 9:15; Mosaea 4:30; MF&F 45:3–5.)

OLA E FAAVAVAU

O i latou e o mai ia Keriso ma maua sauniga talafeagai uma, e pei o le papatisoga ma sauniga o le malumalu, ma ua faatuatua i poloaliga o le a maua le ola e faavavau i le afioaga o le Atua. E oo mai faamaniuga "e ala i galuega, ma le alofa mutimutivale, ma le alofa tunoa o le Mesia Paia" (2 Nifae 2:8; tagai foi Mosaea 15:23).

ASO SOIFUA

Saunia e Don Jensen

O lenei soifuaga e le o le iuga lea; o loo i ai le lalelei ma le fiafia ma le olioli sili o le a oo mai.

Sa manino ma malulu le taeao sesegi
So le tau malulu a o amata au galu-
ega i lau faatoaga manu. Sa mamafa-
lou mafaufau a o ou manatunatu i mea-
na tutupu i le vaiaso ua tuanai. Sa taia
lo matou vanu laiitiiti i puapuaga Sa
maliliu sau uo mai le aoga maualuga,
faatasi ai ma lona atalii laiitiiti, o lona
afafine talavou, ma le toatolu o ana ua
i se faalavelave matautia o le taavale
lavea. Sa fefaauoai lau fanau ma teine
i le faalavelave. Sa faaaluina e lou aiga,
ma le toatele o nisi le vaiaso e faanoa-
noa ai i lenei faalavelave faatasi ai ma
aiga na aafia ai. Na matou auai i ni
sauniga o maliu e tolu i lena vaiaso ma
o le a auai i le sauniga mulimuli, mo le
tama ma lana fanau e toalua i le aso.

Sa ou le mautonu i ni fesili faapi-
toa se lua a o ou to manatu i le mea-
na tupu.

Muamua, sa ou faanoanoa ma le
ofo pe aisea lava ua aveesea ai nei
tamaiti laiti a o latou lei maua aafiaga e
tele ua ofoina mai e le soifuaga. Ua le
ola matutua i latou, faaipoipo, auauna
i ni misiona, maua ni fanau, ma maua
nisi o aafiaga fiafia o le olaga faaletino.

Lona lua, e ui ina sa ou lagona faa-
pea e tele mea sa mananao ai le nuu
e ofoina atu e faamafanafana ai i aiga,
e foliga mai e leai se mea e mafai ona
matou fai e pai atu ai i o latou loto
nutimomoia.

A o ou galue, na faateia au i se
asiasiga mai le tama o le toalua o lau

uo ua maliu. I le avea ai ma se tasi o
tausimanu, e le maua ai se malolo, na
manao o ia e faatau atu se tamai povi
i se taimi vave lava. Ina ua ma'ea le
fefaatauaiga, sa ma talanoa mo sina
taimi i le tulaga o i ai lo latou aiga. Sa
ou faaleo atu ia te ia lou naunautaiga
ou te fia faia se mea sili atu mo i latou.
Sa ou lagona le le mafai ona ou faa-
mama i o latou tiga. Ae sa ou maofa i
lona toofilemu e ui i le tulaga faigata o
loo feagai ma lona aiga.

I lea lava taimi sa ou iloa ai o le tali
i se tasi o au fesili sa i ai lava i le taimi
atoa. Sa ou popole i le ofoina atu o
faamafanafanaga i au uo faanoanoa,
ae galo ai o le faamafanafanaga ma
le filemu moni e auala mai le Agaga



Paia. Ua faamanuiaina nei aiga i le fua faoopoopo o le faamafanafanaga mai le Tama Faalelagi ua na o Ia lava e mafai ona ofoina mai. Na ou iloa sa latou mauaina le faamafanafanaga a le Alii, e pei ona faamatalaina i le Tusi a Mamona:

“O le a ia faamafanafanaina outou i o outou puapuaga, ma o le a ia aioia a outou tagi . . .

“E, outou uma e o e loto mamā, ia ea ia o outou ulu ma tali le afioga malie a le Atua, ma taumamafa fiafia i lona alofa; aua tou te mafai, pe afai e mausali o outou mafaufau, e faavavau” (Iakopo 3:1–2).

Ina ua uma ona ma faamavae, na ou aluese mai le pa ma iloa ai le atoa

o le masina ua goto ifo i sisifo o le lagi. O se vaaiga matagofie. Ona ou liliu atu lea ma iloa le la ua oso ae i sasae. E foliga mai e faapei ua ola le lagi atoa i lanu. O le goto ifo o le masina sa matagofie lava; o le oso ae o le la ua le mafaamatatalaina. A o ou mapu e mafaufau i lenei tu faafeagai, na oo mai ia te au e tusa lava poo le a le matagofie ma le fiafia tatou te manatu ai i lo tatou soifuaga faaletino, e mou atu e faatusatusa i le matagofie ma le fiafia o loo mulimuli mai pe a tatou faatuatua ma usiusitai. Na ou iloa ai o i latou ua maliliu ua le aveese lava se mea mai ia i latou. Sa latou loto tetele i o latou olaga i le lalolagi ma o le a see atu i ni aafiaga ma fiafia sili.

Mulimuli ane i lena aso, sa ou auai i le sauniga mulimuli ma lou aiga. Sa matou faatasi i le vaega faoopoopo o le tapeneko, ua faatumulia lava i vaega uma i le lagolago a le nuu atoa. I lena aso ma se taimi mulimuli ane, sa lagona ai e tagata o lo matou vanu se filemu faapitoa. Sa siitia faalatalata e matua a latou fanau, ma matou iloa ai e ututi lo tatou soifuaga i le lalolagi ma e ao ona faaali atu i le tele o taimi lo tatou alofa i aiga ma uo. Sa faamanatu mai ia te au le alofa o le Alii mo i tatou ma le matagofie o le ata o le faaolataga. O lenei soifuaga e le o le iuga lea; o loo i ai le lalelei ma le fiafia ma le olioli sili o le a oo mai. ■

E alaala le tusitala i Idaho, ISA.





Saunia e Elder
Quentin L. Cook

O Le Korama
a Apostolo e
Toasefululua

PE A FOLIGA LE LEAGA I LE LELEI MA FOLIGA LE LELEI I LE LEAGA

*O auala o loo taumafai le tiapolo e taufaasese
ma faamaualaloina ai faamanuiaga o le ola
e tusa ai ma fuafuaga a le Tama.*

○ se tasi o tulaga sili ona faitogafiti o taumafaiga a le tiapolo e taofia ai fuafuaga o le fafia a lo tatou Tama i le Lagi o ana aoaoga pepelo e faapea e leai se aafiaga leaga po o le (tiapolo 2 Nifae 28:22) ma ana tau-mafaiga e toe faamatala le leaga e lelei ma le lelei e leaga, o le pogisa e faapea o le malamalama ma le malamalama o le pogisa, ma le oona e faapea e suamalie ma le suamalie o le oona! (Tagai i le 2 Nifae 15:20).

E taua lenei o le fesuiaiga o le faatulagaga o mafaufauga “pe a faapea ua suia le auala e masani ona mafaufau iai poo le faiga o se mea i se auala fou,”¹ ma ua faaalia ai le faafeagai tonu o mea nai lo le mea moni. I lana tusitusiga *The Screwtape Letters*, na tusia e C.S. Lewis mai le manatu matua o le tiapolo. Sa suia e Lewis aga masani e faaaoga ai e faaali mai ai o le leaga e foliga mai e lelei ae o le lelei e foliga mai i le tiapolo.²



I lenei tulaga, sa faia ai sa ma fonotaga feteenai ma se tagata tomai faapitoa lauiloa i faasalalauga i ni nai masina ua tuanai. Sa ma talanoaina i le aafiaga o le tiapolo ma le taui o filifiliga leaga.

Sa ia vaai i se ata faalemafaufau malie i se fonotaga a Lusifelo ma se kamupani faasalalaau. Sa faamatala e le tiapolo lona faafitauli: o ia ma lana au sa latou teena le fuafuaga a le Tama ma ua malamalama e le mafai ona latou tetee atu i le Atua. Na malamalama Lusifelo e ui o le fuafuaga a le Tama e faatatau i le olioli ma le fiafia, o lana ia fuafuaga e ala mai ai le loto nutimomoia ma le faanoanoa. O le faafitauli, sa faamatala mai e Lusifelo i le ofisa o faasalalauga, pe faapefea ona faatosina e mulimuli mai.

Sa maitauina e pau lava le faamoemoe o Lusifelo e manuia ai o le suia lea o mafaufauga poo aga fetuunai—i se isi faaupuga, o le faauigaina o le fuafuaga a le Tama e oo mai ai le loto nutimomoia ma le

E fautua e le Upu o le Poto le soifua maloloina atoa ma le tautinoga . . . o le a latou maua le maloloina i o latou pute ma le su i o latou ivi; ma o le a latou maua le poto ma oa silisili o le malamalama.

faanoanoa ma le fuafuaga a Lusifelo e oo mai ai le olioli ma le fiafia.

O lenei fonotaga faataitai faalemafaufau e iai se faamoemoega aoga. O le mea moni e faapea, e le gata ina tau-mafai fili o le fuafuaga a le Tama e faamaualaloina aoaoga ma mataupu faavae o le fuafuaga, ae ua latou taumafai foi e faaleaoga faamanuiaga a tafe mai le fuafuaga. O la latou taumafaiga faavae o le faia lea o mea lelei, tonu ma le fiafia e foliga mai e leaga.

O le a ou talanoa i nisi o taumafaiga a le tiapolo e faale-againa ma faamaualaloina ai faamanuiaga o le ola e tusa ai ma fuafuaga a le Tama.

Upu o le Poto

I le faagasologa o le soifuaga, ua ou vaai ai i le olaga o le toatele o au uo ua faatama'ia ma nisi o taimi ua faale-againa e le ava malosi. O le aga masani o le ava malosi e le faatatau i na o aoaoga faavae o le Ekalesia; e faasino foi i le soifua maloloina ma le fiafia o tagata uma. O tagata o le Aupaia o Aso e Gata Ai e mafai ona avea ma leo taua e aoao ai le atunu u e uiga i le iuga o lenei faafitauli.

I le fuafuaga a le Tama, o le Upu o le Poto—ua tuuina mai ona o “fuafuaga a le tiapolo . . . o le faatosinaga o tagata”—ua avea ma mataupu faavae o le soifua maloloina. Ua “fetuunai mo le gafatia a le ua vaivai ma e ua sili ona vaivai o le aupaia uma.” Ua faatulaga patino, e aofia ai ma lena “uaina poo se meainu malosi [ava malosi] . . . e le lelei lea.” O le tapaa ma meainu vevela (ti ma le kofe) “ua le mo le tino lea” (MF&F 89:4, 3, 5, 8–9).

O lenei faaaliga o loo fautuaina mai ai foi faataitaiga o le soifua maloloina atoa ma se tautinoga. Ua tautino mai o i latou e usiusitai i le poloaiga paia “o le a maua le malosi . . . ma o le a maua le poto ma ‘oa sili o le malamalama” (MF&F 89:18–19).

O le faapogisaina e faaaoga e le tiapolo o loo faasino manino mai i ana fautuaga mo le tapaa ma le ava malosi.

E oo lava foi i le ata faataitai faalemafaufau i le ofisa faasalalaau o le a faigata ona latou faasalalaau le tapaa i se auala malamalama e tauaogaina ai i aso nei. Sa maua e le Perofeta o Iosefa Samita (1805–44) le faaaliga o le Upu o le Poto i le 1833. I le 1921, na musuia ai Peresitene Heber J. Grant (1856–1945), e le Alii, e valaau atu i le Aupaia uma ina ia ola atoatoa ai i le Upu o le Poto.⁴ I le taimi lea, o faasalalauga faalauaitele ma faatosinaga i tifaga ua avea ai le tapaa e foliga o se mea e tausaafia, aoga, ma malie. Seia oo i le tausaga 1964, e 43 tausaga mulimuli ane, na faamautu ai e le Fomai Tipitipi Aoao o le Iunaite Setete, “O le taumafa tapaa o se faafitauli tau le soifua maloloina ua tele lona taua i le Iuniate Setete ua alagatatau ai ni togafitiga e taofia ai.”⁵

E le fesiligia faamaumauga e faatatau i le taumafa tapaa i aso nei. E faigofie ona maua le tagata e taumafa tapaa nai lo le tagata e le taumafa tapaa i le gasegase o le fatu, pepe le tino, ma le kanesa o le mama. Ua fuafuaina o le taumafa tapaa e faateleina ai le avanoa e maua ai i le kanesa o le mama i le 25 o taimi.⁶



O lea o le faailoa mai e le tiapolo o le tausaafia, manaia ma le malie ua avea ma mea e taunuu atu ai i le faanoanoa ma iu ai lava ina oti mo le miliona o tagata.

O le ava malosi le isi faataitaiga. I le tele o tausaga ua ou mulimuli ai i se galuega suesue lea na amata i le 1940. I le amataga, e 268 alii na auai i le Iunivesete o Harvard sa suesueina faavaitaimi i o latou olaga atoa. Mulimuli ane, o nisi, e aofia ai tamaitai, na avea ma vaega o le suesuega. O le sini o le uluai suesuega o le sailia lea e uiga i le faamauinaina ma le fiafia.

O lenei suesuega e aofia ai ni manatu taua e tolu. Muamua, e maualuga le fesootaiga o le fiafia o tagata matutua ma le fiafia o le aiga ao laiti, aemaise lava o le alofa ma le tausia lelei e matua.⁷ Lona lua o le taua o le faaipoipoga lelei ma malosi i le fiafia i le soifuaga atoa.⁸ Lona tolu o aafiaga leaga o le ava malosi i ulugalii ma le soifuaga manuia ma le fiafia. O le faaaoga faatautala o le ava malosi ua aofia ai le tasi o vaetolu o aiga i le Iunaite Setete ma aofia ai le tasi o vaefo i latou ua taofia i le falemai. Ua fai ma mafuaaga toatuga o le maliu, soifua le maloloina, ma le faaititia o galuega faatinoina.⁹

Talu ai nei i le *Washington Post* se tusiga i le itulau muamua o loo faasino i faamaumauga a le soifua maloloina a

le malo o le ISA sa lipotia ai “o tamaitai i Amerika ua tele naua lo latou taumamafa i ava malosi, sili mamaao atu, nai o latou tina poo tina matutua, ma o le taumafa i le ava malosi ua maliliu ai le toatele o i latou e pei ona faaalia mai fuainumera faamaumau.” Na faaiuina le tusiga e faapea “e le lagolagoina e le saienisi o loo iai nei ma o loo faasolosolo mai ni mea lelei mai le taumafa i le ava malosi” ma “o le faailoga o le maliu mai le kanesa e foliga mai ua faaopopo pea i soo lava se tulaga o le taumafa ava.”¹⁰

I ni nai tausaga ua mavae, e toatele iunivesete i le lalolagi ua taumafai e faaititia le faaaogaina o le ava malosi ona o lo latou aafiaga matautia i amioga le fiafesootai, e aofia ai ma feusuaiga faatautala ma le matautia o le soifua maloloina, aemaise ai ua fai lea ma mea e fiafia iai. O le matautia o aafiaga a le ava malosi i faiai talavou ua faavae faafomai nei.¹¹

I le tau faailoa atu o tulaga patino i le soifua maloloina, sa ou le taumafai e tuu faavasega isi faaiuga matautia o le tagofia o le ava malosi e pei o faalavelave i taavale ao ona, ma le taumafai o alii e fai le ava malosi ma mafuaaga o le faatautala faaletino ma feusuaiga, ma le aafiaga o le ava malosi i faiai o pepe e lei fananau e tina i le taimi o maitaga.¹²



E faapea o le taumafa tapaa, faatautala i le ava malosi, ma vailau faasaina o se gasegase¹³ e le afaina ai le atunu, o lea ua tatou vaai i le malosi o le tiapolo o loo uunai e faatagaina faaletulafono le faaaogaina faasamasamanoa o le mariuana.

Filifilia Faaleaiga

E mulimuli filifilia faaleaiga i se mamanu faapenei I le fuafuaga a le Tama, ua manino lelei le faataatiaga o le matafaioi a aiga.

I le “O le Aiga: O se Folafolaga i le Lalolagi,” ua tatou fai-tau ai: “Ua faapaiaina le aiga e le Atua. O le faaipoipoga i le va o le alii ma le tamaitai e taua i Lana fuafuaga e faavavau. E tatau ona fanauina fanau i totonus o feagaiga o le faaipoipoga, ma ia tausia e se tamā ma se tina o ē ua faamamalulina ma le faamaoni atoatoa feagaiga faaleulugalii. “E mafai ona maua le fiafia i le olaga faaleaiga pe a faavae i aoaoga a le Alii o Iesu Keriso.”¹⁴

Ua fai ma masani i le lalolagi i nei aso, o se isi fesuiaiga o le faatulaga o mafaufauga, o le faia o filifilia talafeagai i se auala faatosina e feteenai tonu ma le fuafuaga ma e le manuia mo le faaipoipoga ma le aiga.

- O le filifilia a tamaitai ma alii e ave le faamuamua i aoaoga ma galuega nai lo le faaipoipoga ma le aiga.
- O le filifilia patino e aua nei iai pe faaitiitia foi le iai o ni fanau¹⁵ poo le faamuta o le maitaga pe a le talafeagai ai.
- O le filifilia e auai i amioga le mama e sui ai le faatulagaga paia o le faaipoipoga.

Ua tulimatai e le tiapolo tamaitai ma ua valiina le avea o se tina ma taunuuga faigata ma le aoga. Ua ia tulimataia alii ma valiina le avea ai o se tama o se mea e le aoga ma le faamaoni o se “aoaoga tuai.” O le faaesea ma le faamau-laloina e mafua mai ponokalafi o se faataitaiga o amioga le mama ua fai ma sui o le faatasiga paia o le faaipoipoga. Na te faamamafa ai le matautia o le liliu mai le mea moni ma le amiontonu o loo saili e le tiapolo.

Ua valiina filifilia le talafeagai i le faapea ua talafeagai e fesoasoani ai e faataunu faamoemoega faale lalolagi o le saolotoga ma le tulaga tutusa. O le faaiuga o nei filifilia, ua faaitiitia maoae ai le averesi o le fuainumera o tamaiti e fanau mai e se tamaitai i lona soifuaga. Ua fuafuaina e 46 pasene o le lalolagi o loo soifua i atunu o lo latou gafatia

e maua ai ni fanau e i lalo o le 2.1 tamaiti—o le fuainumeria manaomia ina ia faatumau ai le aofai o tagata o se atunuu. O le tele o atunuu o Europa ma Asia e i lalo ifo o lenei faatulagaga. O Italia ma Iapani e tusa ma le 1.3 tamaiti fananau Ua fuafua e Iapani e faaitiitia le faitau aofai o ona tagata mai le 120 miliona i le tusa ma le 100 miliona i le tausaga e 2050.¹⁶

O lenei faaitiitia i le lalolagi atoa i le faitau aofai o tagata ua faamatalaina e nisi o se faatulagaga taumalulu.”¹⁷ O le tele o atunuu ua le lava a latou tamaiti e suia augatupulaga o loo ua maliliu.

Sei ou faasoa atu se tasi mea o loo tupu ua fai ma popolega tele ia te au. Sa iai sou aafiaga i Ierusalem i le 2016 i le Fale Faamanatu mo Tamaiti, o se vaega o le Fale Faamanatu o le Fasiotiga Tele i le Lalolagi. O Elder Jeffrey R. Holland o le Korama a Aposetolo e Toasefululua ma au, faatasi ai ma le toalua o taitai o Amerika Iutaia, sa matou faataatia le pale e faamanatu ai e ua maliliu. E talitonu e sili ae i le miliona tamaiti Iutaia na maliliu i le taimi o le Holocaust.¹⁸

A o ou matamata i le fale mataaga sa lofituina lava a’u i lagona ootia. A o ou tu i fafo ma tau faatoa filemu ifo, sa ou manatunatu i le matautia o le aafiaga ma vave ai ona iloa i le Iunaite Setete lava ia, e tutusa pau le tele o faapau pepe i tausaga e lua taitasi ma le numera o tamaiti Iutaia na maliliu i le Fasiotiga Tele i le taimi o le Taua Lona Lua o le Lalolagi.¹⁹

Na fasiotia tamaiti Iutaia ona o i latou o ni Iutaia, ma e leai se faailoga faatusatusa o lenei i le talafaasolopito atoa, ae o le loloto o ou lagona e faatatau i le fasiotia o tamaiti. O le aumaia o fanau i le lalolagi o se vaega paia o le fuafuaga o le faaolataga a lo tatou Tama Faalelagi. Ua tatou le gaoioi ma fefefe i le loloto o le faatinoga o le faapau pepe ua fai ma mea ua tatou faagalagalo ai i o tatou mafaufau ma taumafai e aveesea mai lo tatou malamalama. E manino mai o loo osofaia e le tiapolo aga faavae taua a tamaiti i ona vaega eseese.

E ao ona taulimaina ma le faaeteete le faapau pepe O le faafitauli lenei atonu e le mafai ona foia i le teena patino poo le faamasino vale. O nisi ua uma ona fautuaina ina ia aua nei faamasinoina se vaa—po o alii po o tamaitai—e aunoa ma le malamalama i le umi o le malaga ma matagi e ono afatia ai.²⁰ Ou te fia faoopoopo atu, o le tele o lo o

aafia ai i lenei uiga tetee malosi ua leai se molimau o le Faaola po o se malamalama i fuafuaga a le Tama.

Ae ui i lea, mo i latou ua talitonu tatou te tali atu i le Atua—ma e aofia ai ma i latou foi e le auai i la tatou faatuatuga—ua avea lenei mea ma faafitauli faatusagata tele lava. A e tuufatasia lenei ma le faatulagaga o le tau malulu ua tatou iloa nei, o se pisia matautia lea o amioga i lo tatou atunuu.

Na aoao mai Peresitene Spencer W. Kimball (2895–1985): “O le fiafia silisili i le faaipoipoga ua pulea lava lea e se uiga patino—o le maua lea ma le tausia o fanau. . . . E le faamaonia pe taliaina e le Eklesia . . . auala e . . . faatapulaaina ai le aiga.”²¹

E tusa ai ma le aofai ma le tova o tamaiti, e ao ona sila-sila totoa i le soifua maloloina o le tina, ma o le faaiuga e ao ona faia ma le agaga tatalo e le tane ma le ava.²² O nei faaiuga e le tatau lava ona faamasinoina mai fafo. O nisi o le Aupaia faatuatua e le mafai ona maua ni fanau pe o le le

O le fuafuaga a le Tama e faatuina e ala mai i aiga. E taua tagata uma lava o le aiga, ma o a latou matafaioi e mata-gofie, mamalu, ma faamalieina.

maua o se avanoa e faaipoipo ai. O le a latou maua faamaniuga uma lava i le taumafataga i le iuga.²³

Ae peitai, ua lagolagoina e Lusifelo le faapau pepe ma i le fesuaiga o manatu matautia ua faatalitonuina ai tagata e faapea o fanau ua tele ai avanoa tiai ma le faanoanoa nai lo le olioli ma le fiafia.

I le avea ai o ni tagata o le Aupaia o Aso e Gata Ai, e ao ona tatou muamua i luma i le suiga o loto ma mafaufau i le taua o fanau. O le osofai i le aiga e pei ona ou faamatala atu e iu lava i le lotomomomo ma le faanoanoa.

Ua fetalai mai le Alii e faapea, o Lana galuega maoae ma [Lona] mamalu o le “ia aumaia le tino ola pea ma le ola

faavavau o le tagata” (Mose 1:39). O le fuafuaga e faatulaga e ala i aiga. E taua tagata uma lava o le aiga, ma o a latou matafaioi e matagofie, mamalu, ma faamalieina.

O le folafolaga i le aiga ua manino lelei lava e faatatau i le taui o filifiliga e le talafeagai ma le fuafuaga a le Tama. Ua folafola mai ma le faamaoni lava, “Matou te lapata’i atu foi, o le faamalepeina o le aiga o le a aumai ai i tagata tai-toatasí, alaalfaga, ma malo, faafanoga ia na ulua’i ta’u mai e perofeta anamua ma aso nei.”²⁴

O lenei ua faatulaga manino mai ai le faatasiga i le iuga ma aafiaga faifaipea o filifiliga ua le talafeagai ma le fuafuaga o le fiafia a le Tama.

I faaipoipoga uma ma i le tausia o fanau, e iai luitau ma

O le osofaia o le Tusi Paia ma le paia o Iesu Keriso sa lei sili ona lamatiaina lava i lou olaga e faapei ona iai i le taimi nei. E pei ona faailoa mai e tusitusiga paia, ua faaaoga e Lusifelo ni auala eseese e faataunuina ai lona faamoemoe.

osigataulaga. Ae o taui i lenei olaga ma i le faavavau e le mafaamatalaina lo latou matagofie. E puna mai i se Tama o le Lagi alofa.

Faamanuiaina i le Laueele

E lua ni vaega o se mau masani o loo maua i le Tusi a Mamona. E faitauina, “E faapei ona e tausia poloaiga a le Atua, o le a e manuia i le laueele.” O le vaega lona lua e faitauina, “E faapei ona e lē tausia poloaiga a le Atua o le a vavae ese oe mai ona luma” (tagai, mo se faataitaiga, Alema 36:30). Ua manino o le iai o faamanuiaina o le Agaga Paia e ala i le usiusitai o se elemene tupito o le faamanuiaina i le laueele.

E faaopoopo iai, o aoaoga paia a le Ekalesia ua faatulagaina e faapea o le lava o mea ua maua mo mea manaomia o le fua faatatau sili lea o le famanuiaina faalesoifuaga. O le fesuiaiga o le faatulagaga o manatu o Lusifelo o le siitia lea o le sailia o le tamaoaiga e tele ma le naunau i mea vaaia

ilogia. O nisi e foliga ua matua uunaia lava e ausia le soifuaga o le tamaoaiga ma le tautaua. O le tele o le tamaoaiga ua le o faaagaga mo i latou o e faatuatua, pe maua ai foi le fiafia.

I le avea ai o ni tagata soifua, ua faamanuiaina lava le Aupaia o Aso e Gata Ai. O le mataupu faavae o le fuafuaga poto o tupe e aofia ai:

- Saili muamua le malo o le Atua
- Galue, fuafua, ma faaaoga tatau.
- Fuafua mo le lumanai.
- Faaaoga le tamaoaiga e fausia ai le malo o le Atua.

Faamoemoega o Lusifelo

I le faaopoopo i le faailoa mai o faamanuiaga o se faanoanoa, ua saili Lusifelo e tafiesea le fuafuaga a le Tama ma faatamaia le faatuatua ia Iesu Keriso ma Lana aoaoga faavae. O le osofaia o le Tusi Paia ma le paia o Iesu Keriso sa lei sili ona lamatiaina lava i lou olaga e faapei ona iai i le taimi nei. E pei ona faailoa mai e tusitusiga paia, ua faaaoga e Lusifelo ni auala eseese e faataunuina ai lona faamoemoe.

O se tasi o mea o le taitaiseseina e le tiapolo. Ae o se isi o le avea ma ana auauna Na saunoa mai Elder Neal A. Maxwell (1926–2004) o le Korama a Aposetolo e Toasefululu, “O se mala tele ona o le toatele o e o loo soifua ua avea o ni auauna i le tiapolo . . . ma ua . . . faatauina i se tau tau-gofie lava. O se tulaga itiiti, o se tupe itiiti, o se viiga itiiti, o se tautaua itiiti, ma ua naunau ia latou faia se tau mo ia o le e ofoina atu ituaiga ‘taui’ eseese, ae e leai se taui faaselesitila.”²⁵

Masalo e leai se faataitaiga sili o le aafiaga o auauna nai lo le miti a Liae i le laau o le ola ma le fale avanoa i le Tusi a Mamona. O i latou na iai i le fale sa tusitusi lima ia i latou ua piimau i le ai uamea ma aai foi i le fua o le laau. O i latou na aai i le fua sa latou “mamā, ona o i latou o e sa faatauemu mai ia te i latou; ma sa latou pauu ese atu ai i ala faasaina ma ua leiloloa” (1 Nifae 8:27–28).

O lea, o filifiliga sese e taunu atu ai i le faatasiga e oona, mafu, mataga, ma faanoanoa.

Faatusa lenei i le faatasiga matagofie o iuga ua folafolina ia te outou o e faatuatua. O le a “faatumulia outou i le mamalu o le Alii” ma le faapaiaina e le Agaga i le faafouina o o outou tino, ma mea uma lava e a le Tama o le a tuuina atu ia outou (MF&F 84:32, 33; tagai foi i fuaiupu e 34–38).



I lenei faatasiga o le iuga, o meaai faaleagaga tatou te aai ai e manogi, feu, suamalie, susua, aoga, ma faatumulia ma o le a olioli o tatou loto. Pe a tatou “o mai i Lē Paia o Israelu, ma aai i mea e le pala, e le mafai foi ona faapalaina” (2 Nifae 9:51), tatou te mulimuli i le ala vaapiapi ma le ala sao e aumaia i tatou i Lē Paia o Israelu, “aua o le Alii le Atua o lona suafa” (2 Nifae 9:41). ■

Mai se saunoaga i le faigalotu, “O se Faatasiga i le Iuga: O le Faatiuga Tuufaatasi o Filifiliga Uma,” na tuuina atu i le Brigham Young University ia Fepuari 7, 2017. Mo le tuatusi atoa i le faaPeretania, asiasti i le speeches.byu.edu.

FAAMATALAGA

1. Merriam-Webster's Collegiate Dictionary, 11th ed. (2003), “parqadigm shift,” merriam-webster.com.
2. C. S. Lewis, *The Screwtape Letters* (1942).
3. Tagai Jed Woodsworth, “The Word of Wisdom,” i le *Revelations in Context: The Stories behind the Sectons of the Doctrine and Covenants*, Matthew McBride ma James Goldberg, eds. (2016), 183–89; “The Word of Wisdom,” Iuni 1, 2013, history.lds.org.
4. Tagai Aoaoga a Peresitene o le Ekalesia: Heber J. Grant (2002), 188–97.

5. *Smoking and Health: Report of the Advisory Committee to the Surgeon General of the Public Health Service*, PHS publication no. 1103 (1964), 33; tagai fo *The Health Consequences of Smoking—50 Years of Progress: A Report of the Surgeon General* (2014), surgeongeneral.gov.
6. Tagai “Health Effects of Cigarette Smoking,” Centers for Disease Control and Prevention, May 15, 2017, cdc.gov.
7. Tagai George E. Vaillant, *Triumphs of Experience: The Men of the Harvard Grant Study* (2012), 108–9.
8. Tagai Alvin Powell, “Decoding Keys to a Healthy Life,” *Harvard Gazette*, Fep. 2, 2012, news.harvard.edu.
9. Tagai Valiant, *Triumphs of Experience*, 292. I se faatusatusaga, o se suesuega faaumumi ese o tagata toaaga o le Ekalesia na lelei o latou faaigu (tagai James E. Enstrom ma Lester Breslow, “Lifestyle and Reduced Mortality among Active California Mormons, 1980–2004,” *Preventive Medicine*, vol. 46, nu. 2 [Fep. 2008], 133–36).
10. Kimberly Kindy ma Dan Keating, “For Women, Heavy Drinking Has Been Normalized. That’s Dangerous,” *Washington Post*, Tes. 23, 2016, washingtonpost.com; o upusii faaui mai ia Robert D. Brewer mai le Ofisa e Pulea ma Puipua Gasegase polokalamo o le ava malosi.
11. Tagai “Fact Sheets—Underage Drinking,” Centers for Disease Control and Prevention, Oke, 20, 2016, cdc.gov.
12. Tagai Anne Schuchat, The CDC’s Recommendations to Help Prevent Fetal Alcohol Spectrum Disorders,” *American Family Physician*, vol. 95, nu. 1 (Jan. 1, 2017), 6–7, aafp.org.
13. Tagai “Inside a Killer Drug Epidemic: A Look at America’s Opioid Crisis,” *New York Times*, Ian. 6, 2017, nytimes.com.
14. “O le Aiga: O se Folafolaga i le Lalolagi,” *Liahona*, Nov. 2010, 129.
15. “O le pasene o le 25 i le 34 tausaga le matutua e leai ni fanau o lo o nonofo faatasi ma i latou ua sili i le faaluaina talu mai le 1967” (Emily Schondelmyer, “No Kids in the House: A Historical Look at Adults Living without Children,” U.S. Census Bureau, Tes. 20, 2016, census.gov).
16. Tagai *World Fertility Patterns 2015*, United Nations, Department of Economic and Social Affairs, Population Division, 2015, 6, un.org; “Birth and Fertility of the Resident Population,” Istat (Italian National Institute of Statistics), Nov. 28, 2016, istat.it; “The Future of World Religions: Population Growth Projections, 2010–2050, Buddhists,” Pew Research Center, Apr. 2, 2015, 6–12, 102–111, pewresearch.org; Adam Taylor, “It’s Official: Japan’s Population Is Dramatically Shrinking,” *Washington Post*, Feb. 26, 2016, washingtonpost.com; ma Ana Swanson, “Japan’s Birth Rate Problem Is Way Worse Than Anyone Imagined,” *Washington Post*, Jan. 7, 2015, washingtonpost.com.
17. Tagai *The New Economic Reality: Demographic Winter*, BYUtv, byutv.org.
18. Tagai “Plight of Jewish Children,” *Holocaust Encyclopedia*, United States Holocaust Memorial Museum, ushmm.org.
19. Tagai Reproductive Health: Data and Statistics: “Abortion,” Centers for Disease Control and Prevention, Me 10, 2017, cdc.gov. Ou te iloa o le fuainumera o pepe faapau ua faaititia i ni nai tausaga ua mavae, ae o loo maualuga pea le fuainumera.
20. O nisi o taimi e faalagolago ia Thomas Carlyle (1785–1881); tagai *Tusitalima 1: Peresitene o Siteki ma Epikopo* (2010), 17.3.1. Ua tuuina mai e lenei vaega faatagana utiuti o le faapau pepe e aofia ai le faamalosi, feusuai ma se tasi o le aiga, soifua maloloina o le tina, ma tulaga faigaga o le pepe.
21. O Aoaoga a Spencer W. Kimball, ed. Edward L. Kimball (1982), 328–29; tagai fo *Tusi Taiala a Tamaiti Aoga o le Faaipoiopga e Faavavau Church Educational System manual*, 2003), 14–18, LDS.org.
22. Tagai Gordon B. Hinckley, *Maa Tulimanu o se Aiga Fiafia* (tamaitusi, 1984), 6, LDS.org.
23. Tagai *Tusitalima 2: Taitaiina o le Ekalesia* (2010), 1.3.3.
24. “O Le Aiga: O Se Folafolaga i le Lalolagi,” 2.
25. Neal A. Maxwell, *O Mea e Pei Lava Ona Iai* (1978), 42.

MALAGA E UI ATU I LE Fale Fetafai Anamua

E pei ona i ai i totonu o malumalu i nei ona po, o le faatusa i totonu o le fale fetafai e mafai ona aoao ai i tatou e uiga i la tatou malaga e toe foi atu i le afioaga o le Atua.

Mo le faitau afe o tausaga, ua avea pea le malumalu ma se nofoaga e faaaoga ai e le Atua sauniga o le perisitua ma feagaiga paia e aoao ai Lana fanau i upumoni e faavavau e uiga i Lana fuafuaga o le faaolataga.

I taimi o a latou malaga i le vao, sa poloaina ai le nuu o Isaraelu e fausia se fale fetafai ina ia mafai ai e le Atua ona “nofo ma i latou” (Esoto 29:46). “O le *Fale Fetafai* o lona uiga moni o le ‘nofoaga e nofo ai’ ma sa ta’ua i talitonuga sa afio moni lava le Atua i totonu o ona puipui paia. I taimi sa tolauapi ai Isaraelu, sa faatu ai le fale fetafai i le ogatotonu o le tolauapiga (e fai ma faatusa o le manatu, o le Atua e tatau lava ona avea ma totonugalemu o olaga o lona nuu).¹

Mafaufau i mea nei i totonu o le fale fetafai ma mea e mafai ona latou aoao ai i tatou e uiga i lo tatou toe foi atu i le afioaga o le Atua.

FAAMATALAGA


1. *The Life and Teachings of Jesus and His Apostles* (1979), 390.
2. I le tusi a Paulo i tagata Eperu (mataupu 8–10), sa faaaoga ai le fale fetafai e aoao atu ai le auala sa “ulu faatasi [atu ai le Faitaulaga Silisili ese, o Iesu Keriso] i totonu o le mea paia . . . i lona lava toto, ua na maua le togiola e faavavau mo i tatou (9:12). Ona o lenei togiola, ua mafai ai foi ona tatou “ulu atu i le mea e sili ona paia ona o le toto o Iesu” (10:19).



Fale Fetafai: Ua i ai i le fale fetafai ni vaega se tolu ia e tatau ona pasia e se tasi ia oo atu ai i le afioaga o le Atua: o le faapaologa, o le mea paia, ma le Paia o Paia (tagai Esoto 25–30).

Fata Faitaulaga: O le tulafono a Mose na tuu mai ai taulaga ina ia osia i i, o le faatusa o le Faaola ma Lana “taulaga tele ma mulimulu” (tagai Alema 34:10). O le taulaga e mafai foi ona avea ma faatusa o lo tatou salamo—lafoaia o a tatou agasala ma ofo atu se loto momomo ma le agaga salamo (tagai 3 Nifae 9:19–20; Taiala i Tusitusiga Paia, “Taulaga”).

Faatanoa Vai: A o lei ulu atu i totonu i le mea paia, sa faaaoga e ositaulaga le faataanoa vai apamemea e mulumulu ai o latou lima ma vae (tagai i le Esoto 30:19–21), ua faamanatu mai ai ia i tatou le manaomia ona faamamaina o i tatou a o tatou saunia e toefoi atu i le afioaga o le Alii (tagai i le 3 Nifae 27:19–20).



Laoai o le Areto: E sefululua potoi areto e le faafefeteina sa tuu i luga o le laoai o le areto i Sapati taitasi, o se upu o lona uiga o le "areto e laulau i luma [o leova]" i le FaaEperu (tagai i le Esoto 25:30). Sa taumafaina potoi i totonu o le mea paia i Sapati uma e fai ma "feagaiga e faavavau" (tagai i le Levitiko 24:5–9).



Tu'ugalāmepa: E faamu e lamepa e fitu le suauu olive lelei, e maua ai le malamalama i le nofoaga paia (tagai i le Levitiko 24:2–4). E mafai ona faamanatu mai e lenei mea ia i tatou le malamalama o Keriso ma le Agaga Paia, o puna ia o le malamalama faaleagaga.



Fata Faitaulaga o Mea Manogi: E faamu e ositaulaga mea manogi i taeao ma po taitasi i luga o se fata faitaulaga e tu i luma o le veli. O le asu e alu a'e i luga e mafai ona faatusa i tatalo e fai a'e i le lagi (tagai i le Faaaliga 5:8).

Veli: Sa ulufale atu le faitaulaga sili i le Paia o Paia e ui atu i se veli. O Kerupi, po o agelu, sa mamanuina i luga o le veli (tagai i le Esoto 26:31–33; MF&F 132:19). E mafai ona faamanatu mai e le veli ia i tatou a o vavaeeseina ai nei i tatou mai le afioaga o le Atua i se veli, o le Faitaulaga Silisili ese—o lesu Keriso—e mafai ona vavaeina le veli.



Paia o Paia: Sa ulufale atu le faitaulaga sili i lenei vaega sili ona paia o le fale fetafai e fatasti i le tausaga i le Aso o le Togiola. O le Paia o Paia ua fai ma faatusa o le afioaga o le Atua ma sa i ai le atolaau o le feagaiga, le pupuni lea sa ta'ua o le nofoa o le alofa. "Ta te fetaiai ma [oe] i lea mea," sa fetalai atu ai le Alii ia Mose, "ma ou tautala atu ia te oe" (Esoto 25:22; tagai foi Esoto 29:43; 30:36).²





Saunia e
Elder Erich W.
Kopischke
O Le Fitugafulu

Aiga

OLE

VAIPUNA O LE FIAFIA

Ole mataupu o aiga ma le soifuaga i aiga o se puna moni o le fiafia ua faavai-vaiina lava i ni nai tausaga e le mamaao atu nei. Ua osofaia le aiga e masani ai mai le tele o puna o le lalolagi aoao. (I le itulau 18 o lenei tusiga o loo saunoa ai Elder Quentin L. Cook i nisi o nei osofaiga.) Ae i ai nisi o tulaga fita e le mailoa ma mautinoa e faasino i nisi o i tatou e iloa le taua, paia, ma le taunuuga e faavavau o le aiga.

Ona o aafiaga a le lalolagi ma ana faatosinaga, o le faatupulaia pea o le naunau e faataunu manaoa o le tagata lava ia, ma le mananao mo le filemu ma le faia o mea faigofie, ua avea ma mea mamafatu i o tatou aiga ma lo tatou fiafia. I le tele o taimi, ua faamatalaina le fiafia i o tatou olaga e le tulaga moomia “atoatoa ma saoloto,” ua tatou faamoemoe e ausia ma tumau ai i le uiga o le “itiiti le galue, ae tele le mea e maua mai ai”.

*Manatunatu loloto
i le aoaoga faavae o
aiga e faavavau, ma
ia iloa e oe lava mea
e silisili ona taua.*

Ae e le faapea le tulaga o le soifuaga. Sa lei fuafuaina lava e faigofie. Na fetalai mai le Alii e ala mai i le Perofeta o Iosefa Samita: “Aua a tuanai faigata e tele o le a oo mai faamanuiaga. O le mea lea, e oo mai le aso o le a faapaleina ai outou i le mamalu tele” (MF&F 58:4).

Faauuina e le Atua

Ua faaalia manino mai e le Alii le ala e atiinaeina ma faatumauina ai aiga malolosi. Ua uunaia i tatou uma e suesue ma ola ai i mataupu faavae o loo faatulaga mai i totonusi “O Le Aiga: O Se Folafolaga i le Lalolagi.” Ma lenei foi, e ao ona tatou malamalama o le maua o le malosi patino ma le fiafia mai le soifuaga faaleaiga e manaomia ai le ositaulaga ma le faatuatua.

Ua tauina mai e le folafolaga i le aiga “o le faaipoipoga i le va o se alii ma se tamaitai ua faauuina e le Atua ma o le aiga e totonugalemu i le fuafuaga a le Foafoa mo le taunuuga e faavavau o Ana fanau.” Ua faapea mai foi “o le poloaiga a le Atua i Lana fanau ia fanafanau ma ululuola i le lalolagi, ua faamalosia ma faatumauina.”¹

Mo le toatele o tagata, o le faatusa ma le faamoemoega o le aiga ua matuui sua lava. Ua faatupulaia pea ona faaaoga e le nuu ia le faatulagaga o le faaipoipoga ua taura o le “soa vavalalata”, e taulai i manaoga ma lagona o tagata matutua e faatusatusa i manaoga o fanau. O lona iuga, o le toatele ua ulu atu i le faaipoipoga pe a mavae se masaniga mo se taimi umi ae le o le agai i luma pe a tuanai se faamasaniga talafeagai. O le maua o le soa e fetaui lelei, o le tau faataitai o se mafutaga e ala i le nonofo faapouliuli e aunoa ma faamanuia o le faaipoipoga, po o le faamauina o se soifuaga tamaoaiga e lagolagoina e se maliega malosi ua avea ma faiga masani i le toatele a o lei filifili e faaipoipo.

Ae ua aoao mai i tatou e tusitusiga paia ma perofeta o aso nei i lenei. Tatou te fausia a tatou faaipoipoga i le faavae o le ola mama ma le faamaoni, ma le faamoemoe e atiinae ma tausia se aiga. Na aoao mai Peresitene Spencer W. Kimball (1895–1985): “E toatele ua talanoa ma tusitusi tetee atu i le faaipoipoga. E oo lava foi i nisi o a tatou foi faaipoipoga faatuai ua finau tetee iai. . . . Matou te valaau atu i tagata uma lava ina ia talia [tu ma aga masani] o le faaipoipoga o se faavae mo le fiafia moni. . . . O le faavae lava o le faaipoipoga e amata ai se aiga.”²

A o ma laiti ma lou toalua o Christine, o saunoaga nei a lo tatou perofeta soifua, ma e sa tatou talitonu ma mulimuli i ana timaiga. Sa ma tootutuli i le fata faitaulaga o le Malumalu o Bern Suitiselani, ua na o le 20 ma le 22 tausaga

le matutua. Sa agavaa i maua mo le feagaiga, sa leai so ma iloa o le mea o le a tupu, e leai so ma tomai i ni galuega pe uma foi aoga, ma e sa ma matitiva lava.

Pau le mea o loo tele ia i maua o lo ma alofa o le tasi i le isi ma le tele o lo ma naunautai mama. Ma e sa ma fausia faatasi lo maua lalolagi. Sa ma le i faatalitali sei maua mulimuli ni fanau, ma e manaomia lo ma faalagolago o le tasi i le isi i le faia o a ma aoaoga. Sa malosi lo ma talitonu i folafolaga a le Alii “afai tou te tausi i ana poloaiga e faamanuia mai o ia ia te outou ma faatamaoagaina outou” (Mosaea 2:22).

Ma sa Ia faia. Ina ua ma faaipoipo, sa auai Christiane i le aoga faatamaitai tau-simai. O lo ma vaai mamao e faauma lana tikeri, ma o le taimi foi lena sa ma faia ai se faaiuga malamalama e amata ona faataunuina la maua miti o le amatalia o se aiga. Ona o lena, sa fanau mai la ma tama muamua e tusa o le lua vaiaso a o lei pasi le suega faaiu a Christiane ma avea o se tamaitai tau-simai aloaia.

I le taimi lenei, toeitiiti 40 tausaga mulimuli ane, ma te faafetai sa ma fausia faatasi lo maua aiga. O lo ma faatuatua i le Atua ma la ma faatasiga o le tasi ma le isi ua le faamaluehueina a o ma vaaia le aao o le Alii ua taitaiina i maua i le tau atiinaeina o lo maua malo i le soifuaga nei. O le a faaaauau pea ona ola lenei malo i le faavavau faavavau lava.

Ia Naunau e Ositaulaga

I la ma vaai mamao mo le fiafia, sa maua sauni ma naunau e ositaulaga. Sa ma talia le tiute paia o le tama “e pule faamalumalu” ma “tausi le aiga” ma le tina e tausi i le fanau.”³ Na saunoa Julie B. Beck, le sa avea muamua ma Peresitene Aoao o le Aualofa e faapea: “O le tiute faale perisitua o le tama o le pule faamalumalu ma tuuina atu sauniga o le perisitua i le isi augatupulaga. O le tiute faale perisitua o le tina o le faaaafia. O matafaioi tatau, fefaa-soaai, ma felagolagomai nei”⁴

O le fesoasoani o le tasi i le isi i se faaipoipoga ma le aiga o se paaga tutusa e le faapea tatou te faia lava le mea e tasi po o le fai faatasi o mea uma lava po o vaevaega tutusa. Ua tatou malamalama ma talia matafaioi eseese ua tuuina mai ia i tatou i fuafuaga paia e pei ona faatulaga mai

i le folafolaga mo le aiga. Ua tatou le mulimuli i le lalolagi e pei ona faamatalaina o le “tuu saoloto,” ua nonofo faatasi ai le tane ma le ava ina ia faataunu ai na o o laua lava manaoga. Ua tatou ola ai i mataupu faavae o le talalelei; o tane ma ava e feoeoeai, ma e atiae le aiga ina ia autasi e aunoa ma le manatu faapito.

Atonu e tuufesilisili nisi o outou: “Ia e ese lo matou tulaga. O le lalolagi i le taimi nei ua faigata. E tatau ona ia se avanoa mo le faatagana faapitoa. Ioe, ae o lo o ou tau-mafai e aoao le tulafono po o le manatu paia ae tuu atu ia te oe e feagai ma faatagana faapitoa a o e savalia le ala o le soifuaga.

O se vaiga mo lo matou aiga, ma te mananao ina ia nofo Christiane i le fale e tausi la ma fanau. O lona uiga o le ositaulaga. E le i mamao ona ma iloa o le a fanau le pepe, sa faamanatu mai e Christiane le faaiuga na ma faia faatasi a o lei oo i le aso o la maua faaipoipoga e ao ona taofia loa lava lona galue i fafo atu o le aiga i le taimi lava e fanau ai le pepe. Sa ou taumafai e solaese mai le mea sa ou iloa o le a avea ma tiute faaopoopo le tau atu sa ia aumaia le tasi o vaetolu o a ma tuge maua mo le aiga. Sa faigofie lana tali, “O le a ou tausia le fanau, ae galue oe e tuu meaai i luga o le laulau.”



Na ou iloa e sao a ia; ua leva ona ma talanoa muamua ai. Sa talafeagai lelei lea ma le vaai mamao o lo matou olaga faaleaiga, sa fetau ma saunoaga a perofeta soifua, ma sa lagona le sao. O lea sa ia tuua ai lana galuega totogi lelei o se tamaitai tausimai ina ia latalata i le fanau ma faamalieina o latou manaoga o aso taitasi, ma o le a ou galue malosi ina ia maua ni meaai ma le fale. Sa faamanuiaina i matou e le Alii ina ia mafai ona faataunuuina lenei vaega o la matou vaai mamao.

O isi mea taua, e pei o le avea ai o ni matua, aoao atu, faufautua, faamama, e oo lava i le suiga o napekini, sa ma faia faatasi soo e tusa ai ma tulaga. Ua faia lenei vaevaega o tiute aua sa avea lava pea ma vaega o le auala e vaai mamao atu ai i lo matou olaga faaleaiga.

Na ma iloa ma Christiane a o ma galulue i le faatuatua ma talitonu i le Alii, ua fesoasoani mai o Ia ina ia matou faia Lona finagalo i Lana ala ma e tusa ai ma Lona taimi. O lenei, ou te faapea atu o Lana ala e le faapea o le a faafusei ona faia o mea e pei ona sa maua manatu iai, O nisi o taimi matou te onosai ai, o nisi o taimi e tuu iai seisi taumafaiga faaopoopo, ma o nisi o taimi e foliga mai o loo tofotofoina e le Alii lo matou naunautaiga. Ui i lea, o la matou vaai mamao na musuia i matou ma e sa avea ma faavae o a matou faaiuga silisili ona taua.

Tasi le mea sa ma vaai mamao pea iai ma Christiane o le matou faatasi lea ma le ma fanau i le potu selesetila o se malumalu o se muai sauniuniga mo le olioli e faavavau ma le mamalu matou te faamoemoe e maua i se aso. I ni tausaga ua mavae sa ma aveina atu lo lea tamaititi ma lea tamaititi ina ia maua sauniga o le malumalu, ma toe faafoi atu i latou i lo tatou Tama Faalelagi ina ua maea ona aoaoina i latou i mataupu faavae o le amiontonu. Sa matou faatasi ai ma le toatolu o la maua fanau i fata fiaitaulaga o malumalu a o latou faaipoipo atu ia latou paaga pele, ma e matou te faamoemoe i nisi faaipoipoga i le malumalu o le a oo mai.



E leai se mea e maua ai le fiafia sili ma le faamalieina i o tatou olaga nai lo le olioli ua matou maua o le tasi i le isi ma a maua fanau. Ina ua matou malamalama ua na o le amataga lenei o lo matou alualu i luma e faavavau ma o lea ua na o le vaega muamua lava o lo matou olioli ma le fiafia, sa matou—ma o le a matou—naunautai e ositaulaga mea uma ua matou maua e ola ai i aoaoga faavae o le aiga ma iloa ai le faataunuina o la matou vaaai mamao.

Ou te valaau atu ia te outou ina ia manatunatu loloto i lenei aoaoga faavae ma ia iloa mo outou lava mea e silisili ona taua. O lenei ituaiga o fiafia o loo i le taulotoaiga o lo tatou soifuaga. Ma o le fiafia e afua mai agafesootai fiafia i le va o le tane, ava, ma le fanau e ola pea.

Faataunu Lau Vaaí Mamao

Pe a uma ona e suesue i aoaoga faavae o le aiga ma faatuina se vaaí mamao mo lou fiafia, e ao ona e maeleelega e faataunuina lau vaaí mamao.

O le muai teena sa ou maua i la ma faamasaniga ma Christiane na oo mai ai sina lotovaivai laiitiiti. I le taimi o le a ou faia ai se faaiuga e amata se galuega lelei o se

talavou matua i le Eklesia, ae i se tasi o aso sa ou maua ai se aafiaga faaleagaga faapitoa. Sa ou auai i se sauniga i le Malumalu i Suiteselani ina ua ou faalogoina se leo i lou loto o faapea mai faapenei: “Erick, afaí e te le taumafai ma le maeleelega e faaipoipo ma ulufale atu i le feagaiga fou e faavavau, o nei aoaoga ma faamanuiaga folasia uma e leai lava se aoga mo oe.” O se valaau toe fafagu mai sa ou maua a o ou laiitiiti o ou tausaga e 21, ma e mai lena taimi sa ou taumafai malosi loa ina ia agavaa mo lena faamanuiaga.

Oute valaaulia outou ina ia faatutu ni sini patino e tusa ai ma lau vaaí mamao. I le *Aoao Atu le Talalelei* tatou te faitau ai: O sini e atagia ai manaoga o o tatou loto ma la tatou vaaiga i mea e mafai ona tatou ausia. E ala i le faatuina o sini ma fuafuaga, e suia o tatou faamoemoega i faatinoga. Faatuina o sini ma fuafuaga o ni faatinoga o le faatuatua.⁵

Aua le faatauvaina mea paia. A e taunu loa i le matua e mafai ai ona faaipoipo ai, aua le na o le faamasani ina ia maua ai le fiafia. Aua lava nei fetuutuunaia lou aia soifua e faavavau e ala lea i le faia o soo se mea e faoagea ai oe

mai le osia o feagaiga silisili ona taua i le malumalu. A o e faia faamasaniga uma o se e ono avea ma soa e faavavau, o le a le faia lava uiga le talafeagai e faaleaga ai faaletino po o le faaleagaga lau soa faamasani po o le fetuutuunaia o lou lava agavaa ma faapogisaina ai lau vaai mamao. A o tumau pea lou agavaa, o le a le mu laiitiitai lau vaaiga faaleagaga, ma o le a e aia ai pea i musumusuga a le Agaga. O le a musuia oe e le Agaga Paia ma faamauina le tonu o nei faaiuga taua silisili i lou olaga, e tusa lava pe o nisi o taimi ua e fefe i le oti.

Taofi pea ia te oe lava ina ia e tali atu i le Alii e tusa ai ma lau vaaai mamao ma sini o le olaga. Afai e i ai se mea i lou olaga e tatau ona e salamo ai, aua le fefe i se sekone e faia ai loa. O lenei olaga ma le olaga e faavavau e matua taua lava e “faatuai ai le aso o lou salamo” (Alema 13:27; 34:33). Mulimuli i le valaaulia a le perofeta a le Atua, o le o lo o faamalosiau ia tatou “ole atu i le Tama i le suafa o Iesu mo soo se mea tou te manaomia. Aua le masalosalo, ae ia talitonu, ma amata e pei o taimi anamua, ma o mai i le Alii ma o outou loto atoa, ma galueaiina o outou lava faaolataga i le matau ma le gatete i ona luma” (Mamona 9:27).

Ou te iloa o nisi o outou, e tusa ai ma o outou aafiaga, atonu e manaomia ona sui le vaai mamao o se aiga e talafeagai ma lou lava tulaga patino. Ua ou aoaoina o le a fesoasoani le Alii ia i tatou pe afai tatou te taumafai e auauna ia te Ia i le faatuatua ma mulimuli i le mea e tatau ai.

O Le Mataupu Faavae o le Faamae'a

O le talalelei a Iesu Keriso e aofia ai le vaega o le filemu silisili. O le vaega o le *faamaeaina* po o le *faaumaina* o lo tatou faatuatua i le Alii o Iesu Keriso. Na aoao mai Moronae ina ia tatou tausisi pea i le ala sao, “ma faalagolago pea i le alofa o Keriso, o [ia] o le tusitala ma le iuga o lo [tatou] faatuatua” (Moronae 6:4).

Ona o lo tatou faatuatua ia Iesu Keriso, tatou te tulimataia ai le ala o le soifuaga tatou te manaomia ona tauave. Ae pe afai tatou te tautevateva ona o le vaivai po o avanoa ua misi, o le a Ia aapa mai ia i tatou, faatumu le avanoa, ma fai ma iuga o lo tatou faatuatua. Na ia faapea mai: “Aua o

A'u, o le Alii, o le a faamasinoina tagata uma e tusa ma a latou galuega, e tusa ma le manaoga o o latou loto” (MF&F 137:9).

Mai le *Tusitalima 2* tatou te faitau, “O tagata faamaoni o le ekalesia o e le faatagaina i latou e o latou tulaga ma laasaga e mauaina faamanuiaga o le faaipoipoga e faavavau ma le tulaga faamātua i lenei olaga, o le a mauaina faamanuiaga folafolaina uma i le faavavau, pe afai latou te tausia feagaiga sa latou osia ma le Atua.”⁶

Ou te molimau atu sa uiga le finagalo o le Alii i mea sa Ia fetalai ai “e le lelei ona toatasi le tagata” (Kenesa 2:18) ma o Lona naunautaiga autu mo Lana fanau uma ina ia latou maua le “olioli atoatoa” (Mose 7:67). O le mea lea, ia tumau pea lau vaai mamao i ou luma ma “taumafai mo le tulaga o le ola ai i se aiga e faavavau. O lona uiga o le sauniuni lea e avea ma toalua agavaa ma ni tamā po o ni tinā alolofa. I nisi tulaga, o le a le faataunuina nei faamanuiaga seja aulia le isi olaga, peitai e tutusa lava le sini autu mo tagata uma.”⁷

Ou te iloa le tele o ituaiga o tulaga o le soifuaga e faapei foi o le toatele o tagata i le lalolagi. Ou te iloa e iai le eseesege i tu, aganuu, ma tulaga moomia. Ae ui i lea, o nei aoaoga ma mataupu faavae e faavavau ma moni, ma e latou te tutu taitoatasai mai ituaiga o lo tatou soifuaga patino. Ua ia te au le mautinoa uma afai e te manatunatu loloto ma mafafau ma le agaga tatalo i nei aoaoga ma mataupu faavae, o le a mafai ona e atiinaeina se vaaiga mamao patino mo lou soifuaga o le a matagofie i le Alii ma taitaiina atu ai i lo outou fiafiaga silisili. ■

Mai se saunoaga i le faigalotu, “O le a le Mea E Te Vaai i ai i le Soifuaga?” na tuuina atu i le funivesite o Polika Iaga-Idaho i le aso 2 Tesema, 2014. Mo le tusiga atoa i le faaPeretania, asiasi i le speeches.byu.edu.

FAAMATALAGA

1. “O Le Aiga: O Se Folafolaga i le Lalolagi,” *Liahona*, Nov. 2010, 129.
2. Spencer W. Kimball, “Guidelines to Carry Forth the Work of God in Cleanliness,” *Ensign*, May 1974, 6.
3. “O Le Aiga: O Se Folafolaga i le Lalolagi,” 129.
4. O faamatalaga sa fai e Julie B. Beck i le aoaoga i le konefesi aoao, Oke, 2009.
5. *Tala'i La'u Talalelei: O Se Taiala mo le Galuega Faafaifeatalai* (2004), 146.
6. *Tusitalima 2: Taitaiina o le Ekalesia* (2010), 1.3.3.
7. *Tusitalima 2*, 1.3.3.





Mataupu 2

Faalogo ia te Ia

O le mataupu 2 lenei o se faamatalaga fou e fa-voluma o le talafasolopito o le Ekalesia ua faaautuina Au Paia: O Le Tala o le Ekalesia a Iesu Keriso o le Au Paia o Aso e Gata Ai. O le a maua lenet tusi ua lolomiina i gagana e 14, i le vaega o le Talafasolopito o le Ekalesia o le polokalama o le Gospel Library, ma i le initonet i le aupailds.org. O nai isi mataupu e sosou ai o le a lolomiina i isi lomiga seia oo ina tuuina atu le voluma 1 i se taimi mulimuli mai o lenei tausaga. O le a maua na mataupu i gagana e 47 i le polokalama o le Potutus a le Ekalesia [Gospel Library] ma le aupailds.org.

Sa ala po lava Iosefa i se taeao o le tautotogo i le 1820 ma alu atu i se togavao lata ane i lona aiga. Sa lagilei ma matagofie le aso, ma sa susulu mai ave o le la i va o lala laau i ona luga. Sa ia manao ia tuua na o ia i le taimi na tatalo ai, ma sa ia iloa se nofoaga filemu i le togavao lea sa ia ta laau ai i se taimi sa lei mamao atu. Sa ia tuu ai iina lana ‘o’e, sa ta i se pogati laau.¹

I le mauaina ai o le nofoaga, sa fetepaai solo Iosefa ia mautinoa sa na o ia lava iina. Sa naunau o ia e tatalo leo tele ma sa le i manao ina ia faalavelaveina.

I le faamalieina ai i le tuua na o ia, sa tootuli ai Iosefa i luga o le palapala malulu ma amata ona faasoa atu manaoga o lona loto i le Atua. Sa ia ole atu mo le alofa mutimutivale ma le faamagaloga ma mo le poto ia maua ai tali i ana fesili. “Le Alii e,” sa ia tatalo ai, “o le a le lotu e tatau ona ou auai?”²

A o ia tatalo, sa foliga mai na maena lona laulaufaiva seia oo ina le mafai ona ia toe tautala. Sa ia faalogoina se tagata o savali mai i ona tua ae sa ia le vaaia se tasi ina ua faliu atu i ai. Sa ia toe taumafai e tatalo, ae sa faasolo ina leotele le savali [a le tagata], e peisea’i o agai mai se tagata ia te ia. Sa ia osotu i luga ma faliu vave atu, ae sa ia le vaaia lava se tasi.³

Sa faafusei ona taofia o ai e se mana lēmāvaaia. Sa ia

taumafai e toe tautala, ae sa noatia pea lona laulaufaiva. Sa uftia o ia i se pogisa mafiaia na siomia ai o ia seia oo ina le mafai ona ia toe vaaia le susulu o le la. Sa feemoemoa’i mai masalosaloga ma ata lamatia i lona mafaufau, sa fenumia’i ma faalavelaveina ai o ia. Sa ia lagona e peisea’i o manao se tagata matautia, moni ma le mamana tele e faaumatia o ia.⁴

I le tuu atoa i ai o lona malosi uma, sa toe valaau tasi atu ai lava Iosefa i le Atua. Sa matala lona laulaufaiva, ma ia augani atu ai mo se laveai. Ae sa ia iloaina o ia lava ua magoto atu i le faanoanoa, lofituina i le pogisa le matatalia ma ua sauna e lafoai o ia lava i le faafanoga.⁵

I lena taimi, sa oo mai ai se malamalamama faaniitu i luga a’e o lona ulu. Sa alu ifo lemu lava ma sa foliga mai na faamuina ai le togavao i se afi. Ina ua suluia o ia i le malamalamama, sa lagona e Iosefa le matale ese atu o le mana lēmāvaaia. Sa oo mai le Agaga o le Atua, ma faatumuina o ia i le filemu ma le olioli le mafaamatatalaina.

I le siōa atu ai i le malamalamama, sa vaaia ai e Iosefa le Atua le Tama o tu i ona luga a’e i le ea. Sa susulu malama atu Ona fofoga ma sili atu ona mamalu nai lo se isi lava mea na vaaia e Iosefa. Sa valaau e le Atua o ia i lona igoa ma faasino atu i le isi tagata na tu mai i Ona talaane. “O Lo’u Atalii Pele lenei,” sa Ia fetalai ai. “Faalogo ia te Ia!”⁶

Sa pulato’atatu Iosefa i fofoga o Iesu Keriso. Sa tutusa lava le susulu ma le mamalu e pei o le Tama.

“Iosefa,” sa fetalai mai ai le Faaola, “ua faamagaloina au agasala.”⁷

Sa aveesea lana avega, ma toe fai atu e Iosefa lana fesili: “O le a le ekalesia e tatau ona ou auai?”⁸

"Aua ne'i auai i se tasi o i latou," sa fetalai atu ai le Faaola ia te ia. "Ua latou a'oa'o mo mataupu faavae ia poloaiga a tagata, ua foliga ua faaleatua, ae ua latou teena le mana o i ai."

Sa ta'u atu e le Alii ia Iosefa ua lolofia le lalolagi i le agasala. "E leai se tasi o faia se lelei," sa Ia faamalamalama mai ai. "Ua latou liliu ese mai le talalelei ma ua le tusia a'u poloaiga." Ua leiloloa pe ua faapiopioina upumoni paia, ae sa Ia folafola mai e faaali mai le atoaga o Lana talalelei ia Iosefa i le lumanai.⁹

A o fetalai mai le Faaola, sa vaaia e Iosefa au agelu, ma le malamalamalama na siomia i latou na sili atu le susulu i lo le la i le aoauli. "Faauta, ma tagai, Ou te vave alu atu," sa fetalai mai ai Iesu, "ua faaofuina i le mamalu o Lo'u Tama."¹⁰

Sa manatu Iosefa o le a mu le togavao i le susulu tele o le malamalamalama, ae sa mu laau e pei o le laau a Mose ma sa lei faaleagaina.¹¹

Ina ua mou atu le malamalamalama, sa iloa e Iosefa o ia lava o loo taoto i lona tua, ma tepa i luga i le lagi. Na aluese le malamalamalama faaniutu, ma na aluese foi lona ta'usalaina ma le fenumiai. Sa faatumuina e lagona o le alofa paia lona loto.¹² Na fetalai atu le Atua le Tama ma Iesu Keriso ia te ia, ma sa ia aoaoina mo ia lava le auala e maua ai le upumoni ma le faamagaloga.

I le vaivai tele ai mai le faaaliga na le minoi ai, sa taoto pea Iosefa i le togavao seja oo ina toefoi atu sina ona malosi. Ona ia tautevateva atu lea i le fale ma faalagolago atu i le magālafu mo se toomaga. Sa vaaia o ia e lona tina ma fesili atu po o le a se mea ua tupu.

"O loo lelei mea uma," sa ia faamautinoa atu ia te ia. "O loo ou malosi lava."¹³

I ni nai aso mulimuli ane, a o talanoa atu i se failauga, sa faamatala atu e Iosefa ia te ia e uiga i mea na ia vaaia i le togavao. Sa matua malosi le failauga i ni faatasiga faalelotu lata mai na faia, ma sa faamoemoeina o ia e Iosefa ia manatu mamafa i lana faaaliga.

I le taimi muamua sa manatu mama le failauga i ana tala. E ta'ua lava e tagata latou te maua ni faaaliga faalelagi mai lea taimi i lea taimi.¹⁴ Ae sa oo ina to'atama'i ma fulfulule o ia, ma sa ia ta'u atu ia Iosefa o lana tala sa sau mai le tiapolo. O aso o faaaliga ma faali'ali'aga ua leva ona muta, sa ia fai atu ai, ma o le a le toe oo mai lava.¹⁵

Sa faate'ia Iosefa, ma sa le'i pine ae leai ma se tasi na talitonu i lana faaaliga.¹⁶ Ae aisea latou te talitonu ai fua? Sa na o le sefulufa tausaga lona matua ma sa le'i a'otauina

o ia. Sa sau o ia mai se aiga mativa ma sa faamoemoeina e faaalu lona olaga atoa e galueaiina ai le fanua ma faia galuenga faalelelei e maua ai tau lava o sina mea e ola ai.

Ae o lana molimau sa matua mamafa lava i nisi tagata lea na latou faifai ai ia te ia. E ese lava, sa ia manatu ai, o se tamaitiiti faatauvaa e leai sona taua i le lalolagi na mafai ona tosina maia le tele o le lototiga ma le inosia. "Aisea ua sauaina ai a'u i le ta'uina o le mea moni?" sa ia fia manao ai e fesili. "Aisea ua manatu ai le lalolagi ia ou faafitia le mea na ou vaai moni i ai?"

Sa matua iso Iosefa i nei fesili i lona olaga atoa. "Sa ou vaai moni i se malamalamalama, ma i le lotolotoi o lena malamalamalama sa ou vaaia ai ni Tagata se toalua, ma sa la fetalai moni mai lava ia te a'u," sa ia faamatala mulimuli ane ai, "ma e ui sa inosaina a'u ma sauaina mo le faapea atu sa ou vaai i se faaaliga, ae e moni lava."

"Sa ou iloaina, ma sa ou iloa na silafia e le Atua," sa ia molimau ai, "ma e le mafai lava ona ou faafitia."¹⁷

O le taimi na iloa ai e Iosefa o le faasoaina atu o lana faaaliga sa na o le faasagatau mai ai o ona tuaoi ia te ia, sa ia taofia ai loa le tele o mea ia te ia lava, ma faamalieina i le malamalamalama na foai atu e le Atua ia te ia.¹⁸ Mulimuli ane, ina ua ia masii ese atu mai Niu Ioka, sa ia taumafai lava e faamaumau lona aafiaga paia i le togavao. Sa ia faamatatalaina lona naunau mo le faamagaloga ma le lapataiga a le Faaola i se lalolagi ua manaomia ona salamo. Sa ia tusia e ia lava upu i se gagana tau panupanu, i le taumafai naunautai ai e toe pu'e mai le mamalu o lena taimi.

I tausaga na sosoo ai, sa ia toe faamatatalaina le faaaliga i se tulaga faalauaitele atu, na tosina mai ai tusiupu sa mafai ona fesoasoani ia te ia ia faailoa lelei atu mea na luitauina faamatalaga uma. Sa ia faamatatala lona manao e saili le eklesia moni ma faamatatala le faaali muamua mai o le Atua le Tama e faailoa mai le Alo. Sa itiiti mea na ia tusia e uiga i lana lava ia salliga mo le faamagaloga ae faasili atu e uiga i le savali aoao a le Faaola o le upumoni ma le manaomia mo se toefuataiga o le talalelei.¹⁹

Faatasi ai ma taumafaiga taitasi e faamaumau ona aafiaga, sa molimau ai Iosefa sa faafogfa mai le Alii ma tali mai i lana tatalo. A o avea ma se alii talavou, sa ia iloa ai o le eklesia a le Faaola sa le o toe i ai i le lalolagi. Ae sa folafola mai le Alii e faaali mai nisi mea se tele atu e uiga i Lana talalelei i le taimi e tatau ai. O lea sa naunau ai Iosefa e faalagolago i le



I lenei togalaau o loo i ai pea i aso nei e lata ane i le fale o le aiga o Samita, sa tootuli ai Iosefa i le tatalo ina ia iloa pe o lē fea ekalesia e auai.

Atua, tumau faamaoni i poloaiga sa ia maua i le togavao, ma faatalitali ma le onosai mo nisi faatonuga.²⁰ ■

O se lisi atoa o galuega ua taua e maua i le Igilisi i le aupaia.lds.org.

O le upu Autu i faamatalaga ua faaalia ai faamatalaga faaopoopo i le initoneti i le aupaia.lds.org.

FAAMATALAGA

1. Iosefa Samita—Talafaasolopito 1:14; Joseph Smith History, 1838–56, volume A-1, 3, i le *JSP*, H1:212 (draft 2); Faatalanoaga, o Iosefa Samita e David Nye White, Aug. 21, 1843, i le [David Nye White], “The Prairies, Nauvoo, Joe Smith, the Temple, the Mormons, &c.” *Pittsburgh Weekly Gazette*, Sept. 15, 1843, [3], o loo maua i le josephsmithpapers.org.
2. Faatalanoaga, o Iosefa Samita e David Nye White, Aug. 21, 1843, i le [David Nye White], “The Prairies, Nauvoo, Joe Smith, the Temple, the Mormons, &c.” *Pittsburgh Weekly Gazette*, Sept. 15, 1843, [3], o loo maua i le josephsmithpapers.org; Joseph Smith History, circa Summer 1832, 3, in *JSP*, H1:12.
3. Joseph Smith, Journal, Nov. 9–11, 1835, i le *JSP*, J1:88.
4. Iosefa Samita—Talafaasolopito 1:15; Hyde, *Ein Ruf aus der Wiiste*, 15–16; Joseph Smith History, 1838–56, volume A-1, 3, in *JSP*, H1:212 (draft 2).
5. Iosefa Samita—Talafaasolopito 1:16; Joseph Smith, Journal, Nov. 9–11, 1835, i le *JSP*, J1:88; Joseph Smith History, 1838–56, volume A-1, 3, in *JSP*, H1:212 (draft 2).
6. Iosefa Samita—Talafaasolopito 1:16–17; Joseph Smith History, circa Summer 1832, 3, i le *JSP*, H1:12–13; Joseph Smith History, 1838–56, volume A-1, 3, i le *JSP*, H1:214 (draft 2); Joseph Smith, Journal, Nov. 9–11, 1835, i le *JSP*, J1:88.
7. Joseph Smith History, circa Summer 1832, 3, i le *JSP*, H1:13.
8. Faatalanoaga, o Iosefa Samita e David Nye White, Aug. 21, 1843, i le [David Nye White], “The Prairies, Nauvoo, Joe Smith, the Temple, the Mormons, &c.” *Pittsburgh Weekly Gazette*, Sept. 15, 1843, [3], o loo maua i le josephsmithpapers.org.
9. Iosefa Samita—Talafaasolopito 1:5–26; Joseph Smith History, circa Summer 1832, 3, i le *JSP*, H1:13; Levi Richards, Journal, June 11, 1843; Joseph Smith, “Church History,” *Times and Seasons*, Mar. 1, 1842, 3:706, in *JSP*, H1:494.

10. Joseph Smith History, circa Summer 1832, 3, i le *JSP*, H1:13.
11. Pratt, *Interesting Account*, 5, i le *JSP*, H1:523.
12. Iosefa Samita—Talafaasolopito 1:20; Faatalanoaga, o Iosefa Samita e David Nye White, Aug. 21, 1843, i le [David Nye White], “The Prairies, Nauvoo, Joe Smith, the Temple, the Mormons, &c.” *Pittsburgh Weekly Gazette*, Sept. 15, 1843, [3], o loo maua i le josephsmithpapers.org; Joseph Smith History, 1838–56, volume A-1, 3, in *JSP*, H1:214 (draft 2); Joseph Smith History, circa Summer 1832, 3, in *JSP*, H1:13.
13. Iosefa Samita—Talafaasolopito 1:20; Joseph Smith History, 1838–56, volume A-1, 3, i le *JSP*, H1:214 (draft 2).
14. Tagai i le Bushman, “Visionary World of Joseph Smith,” 183–204.
15. Iosefa Samita—Talafaasolopito 1:21; Joseph Smith History, 1838–56, volume A-1, 3, in *JSP*, H1:216 (draft 2); Neibaur, Journal, May 24, 1844, available at josephsmithpapers.org. **Autu:** Christian Churches in Joseph Smith’s Day
16. Iosefa Samita—Talafaasolopito 1:22, 27; Joseph Smith History, 1838–56, volume A-1, 4, i le *JSP*, H1:216–18 (draft 2); Faatalanoaga, o Iosefa Samita e David Nye White, Aug. 21, 1843, i le [David Nye White], “The Prairies, Nauvoo, Joe Smith, the Temple, the Mormons, &c.” *Pittsburgh Weekly Gazette*, Sept. 15, 1843, [3], o loo maua i le josephsmithpapers.org.
17. Iosefa Samita—Talafaasolopito 1:21–25; Joseph Smith History, 1838–56, volume A-1, 4, i le *JSP*, H1:216–18 (draft 2).
18. Joseph Smith History, circa Summer 1832, 3, i le *JSP*, H1:13; tagai foi i le Historical Introduction to Joseph Smith History, circa Summer 1832, i le *JSP*, H1:6.
19. Sa tusia e Iosefa pe na ia vaavaaia le tuisaina o tala e fa o lenei aafiaiga i lona olaga atoa, o le tala muamua o loo i le Joseph Smith History, circa Summer 1832, 1–3, i le *JSP*, H1:11–13. E toalima isi na faaloga ia te ia o talanoa e uiga i le aafiaiga, na tusia i lalo a latou foi tala. O tala e iva e mafai ona maua i le “Primary Accounts of Joseph Smith’s First Vision of Deity,” uepisaita o le Joseph Smith Papers, josephsmithpapers.org. Mo se suesuega e uiga i mea talitutusa ma eseesega i le va o tala, tagai i le “First Vision Accounts,” Gospel Topics, topics.lds.org. **Autu:** Joseph Smith’s First Vision Accounts.
20. Iosefa Samita—Talafaasolopito 1:26; Joseph Smith History, 1838–56, volume A-1, 4, i le *JSP*, H1:218 (draft 2).





*Ina ua maua e Christian api o talaaga
a lona tamamatua, e lei i ai sona
manatu o le a taua tele ia te ia ma
lona aiga.*

CODY BELL, PUEATA

Christian Karlsson

Buskerud, Nouei

Na tuu mai e lou tina ia te au se
pusa o ata tuai. O se tasi o mea
ofoofogia i lenei pusa o le api o
talaaga a lou tamamatua. O le tele
o tusiga na pupuu ma tuusao ma
aofia ai ni mea faigofie e pei o kesi,
fai, po o ia.

Faatasi ai ma ana api o talaaga,
o le mea silisili ona taua o faamau-
mauga ma le faaeteete o lauga na
tuuina atu e tamamatua i le lotu.

I ana lauga, na faasoa atu ai e
Tamamatua ona manatu ma lagona
ma faigata na ia feagai i le saililiga
i le Eklesia. Na ia manaomia le faa-
lotomaualaloina o ia lava e tatalo
e uiga i le auai i le Eklesia. Sa ia
mauaina se tali ma faatinoina loa.

E ofoofogia le faasoa atu o tala
na tusia e Tamamatua lava ia i lou
toalua ma le fanau. Latou te lei
feiloai lava ia te ia, ae o ana upu ua
oo atu ia i latou i le 30 tausaga talu
ona maliu o ia.

AOAO ATILI

Tagai mo nisi mea e uiga i le malaga a Christian
o le faatua i le liahona.ids.org.

Saili isi tala o le faatua i le Potutusi o Ala o
Faasalalauga i le LDS.org.

Aoao pe faapefea ona faasaoina mea e manatua
ai lou lava aiga ma ata i le FamilySearch.org.

SAILIGA MO TUAA MA LE MAUAINA O LE MEAMONI

Sa ou fiafia e aoao e uiga i ou tuua Italia, o lea na ou amata ai ona sailia lou gafa i ni nai tausaga ua tuanai. E leai se aso ou te le faia ai sina sailiga ia maua i latou. I le iuga, na ou mauaina le pepa fanau a le tama o lou tama-matua lona tolu mai Italia. O le mauaina o lana pepa na ou ootia ai i se ala lea na ou lagonaina ai e tatau ona ou faaauau pea le sailiga mo ou tuaa.

A o ou faia, sa ou mauaina le tele o tuua ou te lei faalogo lava muamua i ai. Na ou feiloai foi i se tamaitai talavou e ala i le agafesootai e igoa ia Ingrid Zanini. Na ma iite atonu ma te aiga i se ala aua e tutusa o ma faaiu. I le ma talanovaaga, na tau mai ai e Ingrid ia te au o ia o se tagata o Le Ekalesia a Iesu Keriso o le Au Paia o Aso e Gata Ai. Sa ia talanoa mai ia te au e uiga i le Ekalesia, ma fai mai o le a ia auina mai ia te au se kopi o le Tusi a Mamona. O le taimi lava na taunu mai ai le tusi, na ou amata faiatina loa.

I se tasi aso i le galu-ega, na iloa ai e se tamaitai talavou e igoa ia Erika na i ai lau Tusi a Mamona ia te au. O le a le galo lava ia te au le vaaiga i ona foliga—na matuai fiafia lava o ia ma olioli. Na ia fesili mai pe na ou fiafia i le tusi ma

Ole mauaina o le pepa fanau a le tama-o lou tama-matua lona tolu na ootia ai au i se ala lena na ou faaauau ai ona saili mo ou tuaa. Ao ou sailiili, na ou mauaina se mea e sili atu.

pe ou te fia alu faatasi ma ia ma lona tuagane i le lotu. E lua vaiaso talu ona maua le Tusi a Mamona, ae ou auai i le lotu mo le taimi muamua.

O le lesona i lena aso i le Aoga Sa o le papatisoga mo e ua maliliu ma le taua o talafaasolopito o aiga.

Sa matuai ou fiafia lava. Na ou feiloai i faifeautalai ma auai i se fonotaga e uiga i le talafaasolopito o aiga i lena aoauli i le nofoaga autu o le siteki. Ao ou sailiili i le Ekalesia, na mafai ona ou lagonaina le faatasi mai o ou tuaa, ma na ou lagonaina le uunaiga e aoao atili.

Ina ua valaaulia au e faifeautalai ia papatiso, na ou taofi sei mafaufau e uiga i mea uma lava na tutupu talu ona ou amata faia lou talafaasolopito o aiga. O le faafeiloai atu i le talalelei ma aoao e uiga i le taua e faavavau o le talafaasolopito o aiga e le mafai ona faapea ua na o se mea na tupu faafusei. Na ou taliaina le valaaulia a faifeautalai ina ia papatisoina.

O loo ou faia pea talafaasolopito o aiga, ma ou te faafetai i le iloaina o au taumafaiga i le sailiga o ou tuua ua mafai nei ona aumaia faamanuiaga e faavavau ia i latou aua na ou maua le talalelei a Iesu Keriso. ■

Yuri Siqueira Zanini,
Rio de Janeiro, Pasila



AAPA ATU IA ANA

ni tausaga ua mavae, sa ou aoaoina ai le tai ono-tausaga le matutua i le Peraimeri. Na lisiina Ana i lau tauvalaauga. Na lava lou masani i le aiga na iloa ai ua tetea ona matua ma na nonofo o ia ma lona tama. E seasea lava la o mai i le lotu.

Na ou afe i le fale e feiloai ia Ana ma lona tama ma valaaulia Ana i le Peraimeri. Na fiafia mai Ana, ae e lei sau lava o ia. O taeao o aso Sa uma lava mo ni vайaso, ou te valaau atu ai i lona fale e valaaulia o ia i le Peraimeri. E leai lava se tasi e talia le telefoni, ae ou te tuua lava se savali e tau atu ai ia Ana lou fiafia tele e vaai ia te ia i le Peraimeri.

I se tasi taeao o le aso Sa, na i ai iina Ana. Na fesoasoani lona tama ia te ia ia saunia mo le Peraimeri i lona ofu lotu e sili ona manaia ona ia aumaia lea o ia i le lotu. I le fiafia ina ua vaai ia te ia, sa ou faafeiloaia o ia ma fesoasoani ia te ia ia faamasani i isi tamaiti i le vasega.

Na fai le matou lesona, usu pese, ma faia se gaoioiga valivali i le faaiuga o le vasega. Ao o ese atu tamaiti, na sau Ana ia te au ma faapau se fasi pepa maanuminumi i lou lima. I le taimi muamua, na ou faapea o se lapi. Sa ou tau togieseina, ae uunaia au e le Agaga e tatala. Na tusia e Ana se tusi puupuu mo au i le pepa. I se tusitusi a se ono-tausaga le matua, na faapea mai, "Ou te alofa ia te oe."

E lei lava le iloaina e Ana o au e alofa ai ia te au. Pau le mea na ia iloaina ia te au o se leo i luga o lana masini tali telefoni o loo valaaulia o ia i le Peraimeri. Ae o lena tamai taumafaiga e aapa atu ia te ia na fesoasoani

ia Ana ia iloaina e popole se tasi ia te ia ma manao e fesoasoani ia te ia ia lagonaina le alofa o le Faaola.

Na ou vaai ia Ana i le Peraimeri mai i lea taimi i lea taimi ma na amata foi ona sau lona tama i le lotu i nisi taimi. Ae ina ua toe suia tulaga o lo latou aiga, matou te lei toe vaaia soo i laua.

Sa ou mafaufau ia Ana i le tele o

tausaga. Ma lo'u loto atoa, ou te faamoemoe na te manatuaina lona taimi i le Peraimeri. Atonu na te manatuaina ni mea na ia aoaoina, ae ou te faamoemoe ia sili atu, ia ona manatuaina le lagona o le alofa o le Alii, le mafanafana o le Agaga, ma le alofa o se faiaoga. ■

Margaret S. Lifferth, Iuta, ISA

Na tusia e Ana se tusi puupuu mo au. I se tusitusi a se ono-tausaga le matua, na faapea mai, "Ou te alofa ia te oe."



PE UA GALO AU I LE ATUA?

Na ou sailia i mea uma lava. Na faa-lua ona ou tietie mai le ofisa i le fale inisinia e saili ni vaega taua na manao-mia e faauma ai se siligi na matou auina atu i le nofoaga o le militeri. Na fuafuina e auina atu i le vaa i le lua aso—i le taimi tonu lava e ausia ai le tapulaa o le feagaiga. O le a feagai lau kamupani ma ni faasalaga ogaoga pe afai matou te le ausia la matou tautinoga.

Na ou ulufale atu i le potu teuoloa ma toe vaai tasi lava mo na vaega o loo misi. Na ou siakiina pusa taitasi ma toe faamaonia ai o na vaega na okaina moni lava. Ua tuai tele le toe oka o na vaega ae ausia pea le taimi faatapulaa.

Sa ou lagonaina le lotovaivai. Na ou agai atu i le fale, ao taumafai pea e mafau-fau pe faapefea ona foia le faafitauli.

Na ou faia se tatalo faavave ma e leai se loto i ai ae lei moe ma taumafai ia maua sina moe. Na ou toe laasia i lou mafaufau laa uma lava na ou faia i lena aso, ma le faamoemoe o le a ou manatua se mea na misi ia te au. Sa ou feminoia'i ma feliuliua'i seia ta le 3:00 i le taeao.

Na iu lava ina ou nofo i luga. Na ou vaai atu i lalo i le aluga na ou tuuina i le fola e faamanatu mai ai ia te au lava ia e tatalo. Ou te le'i lagonaina se fia tatalo. Na ou tatalo i le aso atoa ae

leai se mea na ou fai atu ai na faia se eseesega. Pe ua Galo Au i le Atua?

I le leai o se isi mea e alu i ai, na ou sesee ifo i ou tulivae ma amata ona tatalo. Sa ou fesili atu i le Tama Faalelagi pe o Ia silafia lou tulaga. "Tama Faalelagi," na ou ole atu ai, "ua E silafia le mea o loo i ai na vaega o loo misi. Pe mafai ea ona E faasino mai foi ia te au—i le aso?"

Mulimuli ane i lena taeao, na ou savali atu i lo'u ofisa. Sa ou tuu lau atopau i luga o lau kesi ma lagonaina e tatau ona ou siakiina le potuoloa mo le taimi mulimuli. Na ou ulufale atu i le potuoloa ma vaai atu i pusa na ou

Na ou siakiina pusa taitasi i le potuoloa ma e lei maua lava na vaega na misi. Ou te lei iloaina pe faapefea ona foia le faafitauli ae ia ausia pea le taimi faatapulaa.



siakiina ma toe siakiina i le aso ua tua-nai. Sa tosina la'u vaai i se pusa lapoa. Sa i ai se mea na foliga le sao.

O se vaaiga faalatalata na iloa ai e le tasi le pusa ae o pusa e lua ua tuufaatasi. Sa ou sii ese le pusa i luga mai le pusa i lalo. I le pusa pito i lalo, na ou maua ai na vaega! Na ou faia se tatalo o le faafetai ma toe foi atu i lou ofisa e faailoa atu i inisinia ua maua na vaega na misi.

Na faafuasei lava, ona ou iloaina e le gata na ou mauaina na vaega, ae na ou iloaina foi e silafia e le Tama Faalelagi le mea o loo ou i ai ma e taua au ia te Ia. E lei galau i le Atua, ma o le a le galau lava ia te Ia. ■

Edwin F. Smith, Iuta, ISA

UA TAUNUU LAU MITI

Sa ou fanau i Hong Kong Saina. Ao o'u talavou, sa ou moemiti ua nofo i se atunu matagofie e siomia e le natura.

Ina ua ou matua ma faaipoipo, ma na siitia atu ma lou toalua i Ausetalia.

O ia o se inisinia talenia ma na maua ai se visa faigaluega, lea na faatagaina i maua e nonofo i Ausetalia mo le fatusaga. Ina ua ma faigaluega uma, na ma mauaina se isi faaopoopoga o le visa e fa-tausaga.

I lenei taimi, na ma galulue e faaleleia lo ma tulaga ina ia mafai ona ma talosaga mo se nofomau. Ma te lei mafai ona totogi vasega mo le Igilisi, ae na fesoasoani mai se tuagane ma se uso ia i maua e aoao. I le faaiuga o le valu tausaga, na foliga mai pea, sa tatau ona ma tuua Ausetalia. Na ma anapopogi ma tatalo ia maua se ala e nonofo ai. Na anapopogi ma tatalo foi la matou uarota mo i maua.

Ua foliga mai ua leai so ma faamoemoe. Na ma amata ona teu ato ma faia fuafuaga mo lo ma toe foi atu i Hong Kong. I se tasi po sa valaau mai ai se uo ma fesili mai e uiga i o ma visa. Na ma faamatala atu lo ma tulaga na sa ia tau mai ia i maua na te iloaina se ofisa e fesoasoani i femalagaiga e ono mafai ona fesoasoani.

O le aso na sosoo ai, sa ma feiloai ai ma le ofisa. Na vave lava ona ia faafilemuina o ma mafaufau. O le a ia auina atu pepa

mo se faaopoopoga i se isi visa—o se visa nofomau lena o le a manaomia ai lo ma siitia atu mai Sini i nuutua.

Sa ma siitia atu i se aai e pea ma le tasi ma le afa itula i matu o Sini. Na ma maua se fale e latalata i se fale-lotu, e siomia e le togavao lauusiusi o Ausetalia. Na ma fiafia i lo ma fale fou ma le uarota.

Na vave lava ona tuuina mai ia i maua ni visa le tumau. Na ma faauau ma lou toalua ona tatalo. Na ia anapogi i aso Sa taitasi mo le ono masina. Na ma faitau i tusitusiga paia i aso uma ma auai i le malumalu i vaiaso taitasi.

Ona ma maua lea i se tasi aso se valaau mai le ofisa e fesoasoani i femalagaiga. Ua tatau ona ma toe foi atu i Sini ma tuuina atu o ma tusifolau. Na toe tuuina mai ia i maua ua faailogaina i se faamaoniga mo le nofomau. Na ma faafetai i le Tama Faalelagi mo lenei faamanu-iaga. Na i ai lo ma faatuatua o le a tali mai a ma tatalo, ma na tali mai. Ma na taunu lau miti ua nofo i se atunu e siomia e le natura. ■

Valencia Hung, New South Wales, Ausetalia



Mai le Talafatai i le Talafatai: O La Maua Malaga i le Malumalu

Faamatalaga a le Faatonu: O lenei tala o se faamanatuga o mea sa ositaulaga ai se tasi o ulugalii talavou ina ia faamauina mo le taimi nei ma le faavavaau atoa. Matou te faamoe-moe o le a faaosofia ai outou ia avea le faaipoipoga i le malumalusa o se faamuamua i lou olaga.

Saunia e Efrain Rodriguez

I a Oketopa o le 1979, o le aso ua tuanai ona ma faaipoipo i se sauniga faale malo, sa ma tuua ma lou toalua o Maria Ondina lo matou taulaga o Arequipa, Peru e latalata ane i matafaga o le Vasa Pasefika, e malaga atu i le Malumalu i Sao Paulo Brazil, i le

talafatai o Atlanta, e faamauina ai. O i maua le ulugalii muamua mai Arequipa e malaga atu i le ala ina ia faamauina i le malumalu fou faatoo maea ona faapaiaina—o le uluai malumalu ua fausia i Amerika i Saute. Sa ma fuafua e malaga atoa mo le 10 aso, ae i le faaiuga, na ma malaga toeitiiti 30 aso ona o se tulaga faapolokiki matautia. Ou te le iloa pe faapefea ona foia o lea—pau lava le mea ou te iloa e faapea sa ou faia se folafolaga i le Atua a maea lau misiona, o le a faamauina o au i se tamaitai agavaa.

Mai Arequipa i Juliaca i Puno

Ina ua tuanai se malaga e iva itula i le po, sa ma taunuu i Juliaca, Peru.

E ui ina utiuti sa ma tupe ma se malaga faigata o lo o loma, sa ma iloa ma lou toalua le tatau ona faamauina i maua i le malumalu.

Ua oo i le Aso Tofi, ae o lo o maua manaomia pea ona faamau faailoga o



ma tusifolau ma ni pemita malaga ina ia mafai ai ona o ese ma le atunu. I le aso na sosoo ai o se aso malolo o le atunu, ma e sa tapunia uma ofisa o le malo mo le faaiuga o le vайaso, sa maua taunu ma faatali i le laina i le Faletupe o le Atunu i lena taeao ina ia mautinoa ua lava le taimi a o lei tapunia uma ofisa i le aoauli.

Ina ua maua oo atu i le laulau i le ta o le 11:00 am., sa faaali mai e le alii ofisa lona faanoanoa. "Faamalulu atu," sa ia faimai ai. "Matou te le faamaonia nei ituaiga pepa iinei. E tatau ona oulu o atu i le ofisa i Puno." Sa maua ofo ma le fiafia—o Puno e 45 minute le mamao ese.

Mai Puno i La Paz i Cochabamba

Ina ua mavae le tau sueina o se taavale laupasese, sa maua taunu i le ofisa i Puno i le 1:30 p.m. i le afiafi. Ua uma ona tapuni faitotoa. Sa ou tuitui le uamea o le faitotoa i le malosi ou te mafai. Sa tatala le faitotoa e se

tamaloa ma le ita tele ma fesili mai, "O le a le mea e te manao iai?" Sa fai lau tatalo faatauanau le leoa ma tilotilo atu i mata o lenei tagataese. "Lau susuga," sa ou faapea atu ai, "O au o se Mamona, o le a ou faaipoipo i le malumalu i Sao Paulo, Brazil, ma e mafai ona e fesoasoani mai ia te au." Na suia lana amio faavevesi. "Ou te faamalie atu i lau susuga," na ia faimai ai, "ae ua tapuni mea uma i le sili atu ma le itula, ma ua toeititi uma ona o ese tagata." Sa ou tali atu, "Tuu mai au ou te alu atu i totolu ma tuu atu i lou Atua e fesoasoani mai ia te au e saili le mea o loo ou manaomia." Sa ia tuuina mai au ou te alu atu i totolu.

Ina ua maua le pule o Rosa, sa ou faamatala atu le tulaga o iai maua. Sa ia tali mai ma le faaaloalo, "O na pepa e faamaonia e ni tagata faigaluega se toatolu, ma ou te manatu ua o uma tagata." Ae o tamaloloa uma e toatolu sa iai lava iina, ma e sa ia faatonuina i latou e nonofo e fesoasoani ia te au.

Sa fesili mai le tamaloa muamua mo pepa sa lei iai ia te au. "Sa tatau

one e alu i le Matagaluega o le Atiinae, faatau mai pepa e tolu, ma aumai iinei e faatumu ai," sa ia faamatala mai. "E tatau ona e faatali sei aulia le Aso Gafua."

Sa ou le gaoioi—Sa ou le talitonu i ai! Sa ou toe faia se tatalo le leoa. "Lau susuga," sa ou faiatu ai, "O au o se Mamona, ma ou te alu i le malumalu i Sao Paulo i Brazil, e faaipoipo ai. Ma e mafai ona fesoasoani mai ia te au. Na foliga mai sa le toe faatopetope o ia. Sa ia saili i pusa uma ma mulimuli ane ua maua pepa sa manaomia. Sa vave ona siakiina e le alii ofisa na sosoo ai ma faamau faailogaina o maua tusifolau.

I le faamalama o sosoo ai, a o ou totogi le lafoga e malaga ese ai i tala Amerika, na foliga mai sa iai le fiafia tele o le teutupe e faapea mai ai, "Ou te faatoese atu. Tagai mai i lenei faailoga?" O le faailoga i luga o le laupapa ua faapea mai, "E le talia tala" Sa oo lava o le a le aoga la maua fuafuaga—sa leai se mea e mafai ona ou faia.



"Talia le totogi," sa ou lagona atu Rosa o fai mai i o matou tua. Na talia e le teutupe le tupo ma tuuina mai ia te au pepa. Sa maua o ese atu loa!

I le agai atu i le taulaga o La Paz i Bolivia, sa faasolo ina pogisa ina ua amata ona fetogi mai maa i la matou pasi. I faamalama sa matou iloa atu tagata le fiafia i auala, o loo fetogi maa ma atiae poloka e taofia ai taavale. Sa alu atu malie le matou pasi i le ogatotonu o le taulaga. I lena po na amatalia ai se teteet faamalosi e faatoilalo le malo i Bolivia.

Sa ma o ese mai le pasi ma amata ona saili se faletalimalo. Pau lava le tasi na ma maua sa matua taugata tele, ae ina ua maea ona faiatu pea lava pea o lau faamatlagaa i se tamaloa lelei sa galue ai iina, sa ia auina atu i maua i le potu e teu ai mea e faamama ai le faletalimalo i se tau taugofie lava. Sa ia tuu se faamalu i luga o le fola ma tuuina mai ni ieafu e puipuia ai i maua mai le malulu ma le malomaloa o tauga fana o loo faalogogina i fafo i le po atoa.

Sa vave ona ma o ese ma le fefe i le taeao po na sosoo ai, A o maua o atu i le nofoaga e faatali ai le pasi, sa ma vaai i ni fitafita ma taavale tau o loo tafana i latou o lo o teteet i le vaega faamalosi e faatoilalo le malo.

Sa amata ona tau le maua se penisini, o lea ua le alu ai ni malaga se tolu a le pasi e pei ona masani ai, ae sa na o le tasi na faasalalau mai. O pepa o nofoa o le pasi ua uma ona faatau atu a o lei oo i le taimi o le malaga. Sa ou maua le pule ma faiatu upu sa ou faaaogaina foi ma isi tagata: "Lau susuga, o i maua o ni Mamona, ma e ma te malaga atu i le malumalu e faaipoipo ai. Ma e mafai ona e fesoasoani ia te maua." Na ia fesili mai. "O fea le mea e te lua o iai?" "Cochabamba, lau susuga." Na ia tatala le pusa ma toso ae ni pepa o nofoa se lua. Sa mafai ona ou iloa ua leai se pepa nofoa o totoe. "Faavavave," sa ia faimai ai, "o lea o le a alu le pasi." Na foliga mai ua mama a ma atopa'u, ma ua tau le tutu o maua vae i le eleele—i o maua lima ua uumau ai faamanuiaga o lena aso.

Cochabamba i Santa Cruz

Na ma taunu i Cochabamba i le taulotoaiga o ni vevesi tele mai e o loo faatoilalo faamalosi le malo. Sa maua maua se maketi e faatumulia i faleie, sa faamatuu mai ai e se tagata agalelei mai Peru ma te faamama ma teuina a maua atopau a o ma o atu i le nofoaga e faatali ai pasi. E faaaoga ai la maua faaoleole masani, sa ma faatalitali ai mo se isi pasi ma taunu ai i ni nai aso i Santa Cruz, Polivia, e latalata i le tuaoi o Brazil. Mo ni taeao se tolu, sa ou alu ai i le nofoaga o nofoaafi ma fesili pe iai nisi malaga. O le tali lava o le leai. Ae i le aso lona fa, na faasalalau mai ni tala o le a aluese se nofoaafi mo Brazil i se taimi e le o mamao.

I le taimi lea, ua utiuti la maua tupo. Sa faasoa atu lou popolega i lou toalua, o le sa tali mautu mai, "Tusa lava pe ta te savavali pe tietie i le tua o se asini, o le a ta taunu lava." O lana tali sa ou maua ai le fiafia. Sa ou le faaletonu ona o tupo mo le tau-nuuga o la maua malaga aua o lo o maua talitonuga sa faalagolago i lo ma faatuatua.



A o ma talanoa, na savali mai se tamaitai matua agai mai ia i maua. Sa tu o ia i luma o lou toalua ma faimai, "Tamaitai talavou, pe e te le manao-mia ni pepa malaga se lua mo le aso?" Na pei e sei ese e lou toalua pepa mai lima o le loomatua. Sa ou totogi i le loomatua, ma nimo atu ai i le faapotopotoga. Na alu ni nai sekone mo maua e iloa ai o loo faatasi mai pea le Alii ma ana agelu i o maua tafatafa.

Santa Cruz i São Paulo

Ina ua ma taunu i le Malumalu i Sao Paulo faafetai i le vaega mulimuli o le malaga mai se uo sa maua faia i luga o le nofoaafi, sa tapunia le fale e nonofo ai i le malumalu. Talia ae fiafia, sa ma malolo filemu ai i ni nofoa se lua i fafo o le malumalu. Ua iai iina, lona matagofie e faapei ona ma moemiti iai, ma le faatusa o le agelu o Moronae i ona luga. Ua oo mai le vaeluaga o le po, ma e sa ma fetagisi ma feopoopoai, vaivai ma susu mai le timu pau. Sa ma le lagona le pala susu, le fiaai, poo le malulu, ua na o lagona e le mafaamatatalaina o le fiafia ona

o le latalata lava i le maota o le Alii. Sa maua usiusitai, ma o le ma taui lena.

A o ma faamafanafana i lena taimi, na eueu mai lou tauau e se tasi. O se tasi o au soa na ma misiona faatasi, o le sa faamauina i le malumalu i lena aso ma e sa foi mai ma lona toalua mai se taumafataga o le afiafi. Sa ia tuuina mai ma te nonofo i lo la potu i lena po, ma e o le aso na sosoo ai sa fai o ia ma molimau i la maua faamauga, na faatauuina e le peresitene o le malumalu lava ia. O se mea matagofie naua le vaai atu i lou toalua i le potu selesitila, ua ofu i le ofu sisina.

I se tupe nono mai lau uo misionare ma se fesoasoani mai le peresitene o le malumalu, sa ma toe foi atu i lalo ifo o le lima aso, e aunoa ma se faatuai—ma le na o le \$20 tala e amata ai lo ma aiga ma lou toalua, Maria Ondina, o lau soa e faavavau. ■

E alala le tusitala i Iuta, ISA.



E TAUIA OSIGATAULAGA UMA LAVA

"O i latou o ē malamalamā i faamanu-iaga e faavavau e maua mai i le malumalu, ua latou iloa e leai se taulaga e telē naua, leai se tau ua mamafa tele, leai se tauiviga ua faigata naua ia maua ai na faamanu-iaga. E leai se mamao e le mafai ona laasia, leai ni mea faalavefau e le mafai ona foia, e leai foi ni faigata e le mafai ona onosaia. Latou te malamalamā o sauniga faaola e maua i le malumalu e mafai ai i se aso ona tatou toe foi atu i lo tatou Tama Faalelagi i se mafutaga faaleiga e faavavau . . . e matuai aoga ai lava osigataulaga uma ma taumafaiga uma."

Peresitene Thomas S. Monson (1927–2018), "O Le Malumalu Paia—O se Sulu Taiala i le Lalolagi," *Liahona*, Me 2011, 92.



Totoina o Fatu o le Talalelei i le Loto o Lou Tina

Saunia e Sonia Padilla-Romero

Sa ou auai i le Ekalesia ina ua 14 o'u tausaga. Na tuuina mai e ou matua le faatagaga ia papatiso, ae e leai se tasi o i laua na fia auai pe e oo lava foi i le aoao e uiga i le Ekalesia.

Mo le sili atu i le 10 tausaga, sa ou moomoo ai lava mo lou aiga ia iloa le fiafia na ou lagonaina i le talalelei toefuataiina a Iesu Keriso, ae i totonus o lena 10 tausaga, na ou auai i le lotu, mauaina ou faaeega paia, ma auauna atu i se misiona faafafeatalai e aunoa ma se lagolago a lou aiga.

Ina ua ou foi mai le fale i Mekisiko ina ua uma lau misiona i le Lotoa o le Malumalu i le Aai o Sate Leki, Iuta, ISA, na ma nonofo ma lou tina. (Na tetea ou matua ao ou i ai i le aoga maualuga.) Na amata ona ou galue i le Nofoaga Autu e Aoao Ai Faifeatalai a Mekisiko, o lea na ou valaaulia ai loa o ia ma le poto ia sau e feiloi i alii ma tamaitai faifeatalai sa ou aoaoina. Na ou valaaulia ma le faaeteete lava

(ae o nisi taimi e le faaeteete tele) faifeatalai o loo auauna i lau uarota e faatasi ma i maua ma lou tina mo se aiga o le afiafi. Na ou faia mea uma lava na ou mafaia ia i ai o ia faatasi ma faifeatalai, ma le faamoemoe o le a mafai ona ia fesili atili e uiga i le talalelei, ae na le manuia au taumafaiga uma lava.

Ou te manatu na ia feiloai i soa tai-tasi uma lava o faifeatalai na ou feiloai i ai i totonus o lena vaitau o le tolutausaga, ae leai lava se mea na tupu.

I le 2008, na ou siitia atu ai i le Iunaite Setete e saili sou tikeri i le tausi soifua. I le latalata i le faaiuga o lena tausaga, i le mavae ai o se faafouga tele, na faia ai e le Malumalu o le Aai o Mekisiko i Mekisiko se faletatala. Na ou uunaia lou tina e alu e vaai i mea uma e faatatau i le malumalu ao ia maua lenei avanoa. I le mavae ai o le tele o faamalosiauga i lau vaega, na ia malie mai e faia se tietiega e 70-maila (113 km) ia auai i le faletatala.

**Na ou faia mea
uma na mafai ona
ou mafaufau i ai e
aoao ai lou tina e
uiga i le Ekalesia,
ae o se faletatala
o le malumalu na
faia ai se eseesege
tele lava.**

Ina ua ou toe talanoa atu ia te ia, sa ia talanoa fiafia mai e uiga i se aafiaga ofoofogia na ia maua. Na ia tau mai ia te au e faapea na ia faia ni fuafuaga e toe alu foi. O le mea moni, na mafai ona ia alu i le tele o isi taimi i vaiaso o totoe o le faletatala. Na oo lava ina auai atu foi i le faafiafiafiga faaleatunuu ao lei faia le faapaiaga o le malumalu.*

O le isi taimi na ma talanoa ai i le telefoni, na tau mai ai e Tina ia te au o le a ia valaaulia faifeautalai e aaoao o ia. E foliga mai e aunoa ma se uunaina, sa ia faia ni fesili ma taulai atu i ni auala na leva ona ou faamoemoe i ai. Ina ua ou alu i le fale i le taimi o le Kerisimasi, na ou vaaia ua ese lava o ia. Ao avea o ia i taimi uma lava o se tagata agalelei ma agaalofa, na i ai se suiga loloto i totonu ia te ia—o se liua tele.

Na ou toe foi atu i le aoga ma le ofo i le mea ua tupu. I se vaiaso mulimuli ane, na valaaau mai ai Tina ma fai mai, "Sonia, na o lou fia iloa lava po o afea e te toe sau ai i Mekisiko, aua o le a ou papatiso."

Sa ou *matuai* olioli lava, matuai fiafia lava! Na ou lele [mai i le vaalele] i le fale ia Fepuari mo lona papatisoga. O se mea ofoofogia ia te au le vaai atu ia te ia ua auai i le lotu, le vaai ia te ia ua taliaina ma auauna i se valaauga, ma tuputupu ae i le talalelei. Na ou iloaina sa ia iloaina e moni le talalelei.

Na mamana foi le faalogo ia te ia o tatalo. Na faapitoa lava lou ootia i le faalogo ia te ia o tatalo mo au ma lou saogalemu ae ou te lei toe foi atu i le Iunaite Setete. E leai se mea e pei o le tatalo a se matua mo se tamaitiiti.

Aisea e lei tutupu vave ai ni mea? Ou te le iloa. Atonu na manaomia e lou tina ia totoina ni fatu i lona olaga ae lei mafai ona ia taliaina le talalelei. Atonu o le malumalu na pai atu ia te ia i se ala ma i se taimi na le mafai e au taumafaiga muamua ona faia. O le vaaia o le galue ai o le Alii i le olaga o lou tina ua faamanatu mai ai ia te

au taimi na ou vaaia ai Lona aao i lou lava olaga, ma ua tuuina mai ai ia te au le faamoemoe maoae mo mea e mafai ona Ia tatala mai i olaga o isi tagata o lou aiga.

Ou te iloa e silafia e le Alii i tatou ma Na te tialaina o tatou olaga. Pe a ou tuuina atu ia te Ia e taitaia lou olaga, ou te iu ane i nofoaga sao. Pe a ou mulimuli i lou lava manao, e fai sina umi ma e masani lava ona faigata atu. E sili ia au le tuu atu i le Alii e faaofo au ma faaali mai ia te au mea maoae ua Ia faapolopolo mo au. ■

E alala le tusitala i Iuta, ISA.

* Na toe faapaiaina le Malumalu o le Aai o Mekisiko i Mekisiko i le aso 16 o Novema, 2008, e Peresitene Thomas S. Monson ma, i le maea ai o le toefaafoutina lona lua, na toe faapaiaina ia Setema 15, 2015, e Peresitene Henry B. Eyring.



O FAAMANUIAGA O LE MALUMALU PAIA

"Ou te valaaulia outou ia avea faamanuiaga o le malumalu paia o le amataga ma le iuga o aafiaga a faifeautalai taitasi, e aofia ai oe lava ia. O oe ma e ala atu ia te oe, o le a avea le malumalu o se nofoaga o le faapotopotoina mo i latou uma lava o e auai i le lafu a Keriso."

Bishop Gérald Caussé, Epikopo Pulefaamalumalu, semina mo peresitene fou o missiona, 27 o lunu, 2015.





O IESU O LE KERISO

O LE
MOLIMAU
a PEROFETA
O ASO E
GATA AI



MUAI OLAGA

Ua valaau mai le Alii o lesu Keriso, "Aoao mai ia te a'u, ma faalogo mai i a'u upu; savali i le agamalu o lo'u Agaga, ma o le a e maua ai le filemu ia te a'u" (MF&F 19:23). E pei ona silafia, o le fuaiupu lenei ua avea ma mau autu o le Mutuale i lenei tausaga. Ua e mafaufau ea i le auala e te aoao ai ia te la ma faalogo ai i Ana upu?

O le tasi o auala tatou te aoao ai ia te la e ala mai i Peresitene o le Ekalesia; o perofeta o aso e gata ai ua valaauiina o ni molimau faapi-toa o Keriso, ua latou molimau, ma faaaaua pe a ona molimau, i le matafaioi paia a le Faaola i le muai olaga, soifuaga i le lalolagi ma le soifuaga pe a maea le lalolagi i le fuafuaga e faavavau a le Tama Faalelagi.



"Ua tatou iloa o le faaolataga o lo o ia Keriso; o ia o le Alo Ulumatua o le Tama e Faavavau, sa filifilia ma muai faauuina i le aufono i le lagi e faataunuu le Togiola le iu ma le faavavau; sa soifua mai o ia i le lalolagi o le Alo o le Atua; ma ua ia aumai le ola ma le tino ola pea i le malamalama e ala i le talalelei."¹

Peresitene Iosefa Filitia Samita (1876-1972),
o le Peresitene Iona 10 o le Ekalesia




"le Alo o le Atua ... e iai le mana e fausia ai lalolagi, e taitai i latou. Sa ia afio mai iinei o le Alo Pele e Toatasi e faataunuu se misiona, ... o le aumaia o le faaolataga i tagata uma. E ala i le tuuina atu o Lona soifua sa la tatala ai le faitotoa i le toetu ma aoao atu le ala tatou te maua ai le ola e faavavau."

Peresitene Harold B. Lee (1899-1973)
Peresitene Iona 11 o le Ekalesia



O lesu Keriso sa avea ma o loo avea pe a ma Alii le Atua Pule Aoao. (Tagai Mosaea 3:5.) Na filifilia o la ao lei fanau mai. O la o le Foafoa pule aoao o le lagj ma le lalolagi. O la o le puna o le ola ma le malamalama i mea uma."³

Peresitene Ezra Taft Benson (1899-1994),
o le Peresitene Iona 13 o le Ekalesia




O IA O LO TATOU FAAOLA.

“Faatasi ai ma lou loto atoa ma le faamaoni o lou agaga, ou te sii ae ai lou leo i le molimau o se molimau faapitoa e tautino atu ai o loo soifua le Atua. O lesu o Lona Alo, le Alo e Toataso o le Tama i le tino. O la o lo tatou Togiola; o la o lo tatou Puluvaga i le Tama. E alofa o la ia te i tatou i se alofa e le mafai ona tatou malamalama atoa i ai, ma talu ai e alofa o la ia te i tatou, o lea na la ofo mai ai Lona soifua mo i tatou. O lo'u lotofaafetai mo la e le mafaamatalaina.”¹¹

Peresitene Thomas S. Monson (1927–2018), o le Peresitene Iona 16 o le Ekalesia


OLAGA FAALETINO



“le faamoemoega o le misiona a Keriso i le lalolagi o le ofoina atu o la lava e fai ma taulaga e laveai tagata mai le oti e faavavau.

“E leai se tasi e iai se mana e faasao ai agaga o tagata ma tuuina atu ia i latou le ola e faavavau, sei vagana ai le Alii o lesu Keriso, i lalo o le taitaiga a Lona Tama.”⁴

Peresitene Wilford Woodruff (1807–98),
Peresitene Iona 4 o le Ekalesia



“O lesu o le Togiola o le lalolagi, o le Faaola o tagata.

Na afio mai e aoao i tatou i le uiga o le Atua, ma i faataitaiga ma i manatu faasino mai le ala e faapea, afai tatou te savavali ai, o le a taitai atu i tatou i Lona afioaga. Na afio mai o la e tala noanoataga o le oti sa saisaitia ai le tagata, ma mafai ai le toetu e ala i le faoa o le manumalo o le tuugamau ma le matuitui o le oti.”⁵

O Peresitene Heber J. Grant (1856–1945),
o le Peresitene Iona 7 o le Ekalesia



“O lesu Keriso ua aafia ai tagata sili atu nai lo se isi lava ua soifua mai.

“... Sa ia faamalolo mai, faapupula mata o le tauaso, tutuli agaga leaga, faatuina mai e ua oti, tuuina atu le filemu i e puapuagatia, talai le tala fou o le talalelei o le alofa, molimau atu i le Tama, aoao atu le ata o le faaolataga, ma faataatia le faavae mo le faalapotopotoga ua aumai ai le faaolataga o le tagata—Lana Ekalesia.”⁶

Peresitene Spencer W. Kimball (1895–1985),
o le Peresitene Iona 12 o le Ekalesia

PE A MAVAE LE OLAGA NEI

“O mataupu faavae autu o lo tatou talitonuga o molimau a Apostolo ma Perofeta, e faatatau ia lesu Keriso, e faapea na la maliu, ma tanumia, ma toetu mai i le aso tolu, ma afio ae i le lagi; ma o isi mea uma e faatatau i lo tatou talitonuga ua na o ni faaopoopoga i ai.”⁷

Peresitene Iosefa Samita (1805–44), Peresitene Muamua o le Ekalesia

“Ua la faatoilalo i le otu, seoli ma le tuugamau, ma toetu manumalo o le Alo o le Atua, o le Tama lava e faavavau, o le Mesia, o le Perenise o le filemu, o le Togiola, le Faaola o le lalolagi. ... Sa manumalo i mea uma, ma afio ae o la i le lagi ma nofo ai i le itu taumatau o le Atua.”⁸

Peresitene John Taylor (1808–87), Peresitene Iona 3 o le Ekalesia

“Ou te molimau i le paia ma le faafetai o lesu o le Keriso, le Faaola o le lalolagi. O le mea moni o la o le totongalemu o la tatou tapuaga ma le ki o lo tatou fiafia. “Ina tatou mulimuli ia i le Alo o le Atua i ala ma savaliga uma o le olaga. la tatou faia o ia ma a tatou faataitaiga ma o tatou taiala.”⁹


Peresitene Howard W. Hunter (1907–95), Peresitene Iona 14 o le Ekalesia

“E le lava lou agaga faafetai mo le Togiola na faatinoina e lou Faaola ma lou Togiola. E ala i Lana taulaga i le faaiuga o se olaga atoatoa—o lena taulaga na ofoina atu ma le tiga e le mafaamatalaina—o noanoataga o le otu ua motusia, ma o le toetu o tagata uma ua faamautuina. I tua atu o lenei, ua talai a faitotoa o le mamalu faaleselesitala mo i latou uma o e talia le upumoni paia ma ususitai i ana mataupu.”¹⁰ ■

Peresitene Gordon B. Hinckley (1910–2008), Peresitene Iona 15 o le Ekalesia


FAAMATALAGA

- Iosefa Filitia Samita, “Fafo atu o le Pogisa,” *Ensign*, Oktoba 1971, 2 (capitalization standardized).
- Aoaoga a Peresitene o le Ekalesia: Harold B. Lee* (2000), 18.
- Ezra Taft Benson, “Iesu Keriso, o Lo Tatou Faaola ma le Togiola,” *Liahona*, Ian. 1984, 6.
- Aoaoga a Peresitene o le Ekalesia: Wilford Woodruff* (2004), 69–70, 74.
- Aoaoga a Peresitene o le Ekalesia: Heber J. Grant* (2002), 223, 224.
- Spencer W. Kimball, “O le Ala Moni i le Ola ma le Faolataga,” *Liahona*, Aukuso 1978, 6.



- Aoaoga a Peresitene o le Ekalesia: Iosefa Samita* (2007), 49.
- Aoaoga a Peresitene o le Ekalesia: Ioane Teila* (2001), 43–44.
- Howard W. Hunter, “Mulimuli i le Alo o le Atua,” *Liahona*, Ian. 1995, 87.
- Gordon B. Hinckley, “O Lau Molimau,” *Liahona*, Ian. 1994, 52.
- Thomas S. Monson, “Toe Tepa i Tua ma Agai i Luma,” *Liahona*, Me 2008, 90.

Faamatalaga patino ia IESU KERISO,



"Sa iai i le amataga, a o lei iai le lalolagi" (MF&F 93:7).	"Ua tupu le tama ma ua malosi lona loto" (Luka 2:40).	"Faateleina le atamai ..."	"Ma le tino,"	"Ma ua alofagia o ia e le Atua ..."	"Ma tagata" (Luka 2:52).	"Na faia pea mai lea alofa tunoa i lea alofa tunoa, seiā maua e ia le atoatoaga" (MF&F 93:13).

Faamatalaga patino ia te OE

O le malamalama i ni faamatalaga patino i le Faaola ma Lona soifuaga e faamalosia ai i tatou e talitonu e mafai lava ona tatou mulimuli ia te la.


Saunia e David A. Edwards

Mekasini a le Ekalesia

Iaula uma, e sili ae lava ona maualuga Iesu Keriso nai lo se isi o i tatou (tagai Isaia 55:8–9; Aperaamo 3:19). E le o se faalavelave o Ia o le “Pele ma le Filifilia [a le Tama] mai le amataga” (Mose 4:2) ma e sa Ia maua le mamalu sa ia te Ia.

Ae le tatau ona tatou manatu o le a avea le maualuga o le Faaola ua mamao ese ai i tatou mai ia te Ia ma o lana valaaulia e mulimuli atu ia te Ia e lagona faapei o se valaauga e fai se mea e anagata ona fai. O faaliga o taimi nei ua fesoasoani tatou te iloa ai le gafatia o le sini o le mulimuli i faataitaiga a le Faaola.

O nisi nei o faamatalaga patino ia Iesu Keriso ma nii faamatalaga patino ia te oe. E mafai e nei mea ona fesoasoani e te iloa ai e mafai lava ona e mulimuli i le ala faavae sa Ia uia e maua ai le atoatoaga o faamanuiaga a le Tama Faalelagi o loo Ia teu mo oe.



O LEA UPU MA LEA UPU

“Ana faapea o Iesu Keriso, le Alo o le Atua, ma le Tama o le lagi ma le lalo-lagi o loo tatou aumau ai, sa lei maua le atoatoaga i le amataga, ae tupu i le faatuatua, iloa, malamalama ma le alofa tunoa seia oo lava ina maua e ia le atoatoaga, pe le mafai ea e tagata uma ua fananau mai i tina ona maua sina mea itiiti iinei ma sina mea itiiti iina, o lea fuaiupu ma lea fuaiupu, lea mataupu ma lea mataupu, seia o ina latou maua le atoatoaga, e pei ona sa ia maua le atoatoaga, ma ia faaeaina ma ia i le afioaga o le Tama?”

Aoaoga a Peresitene o le Ekalesia: Josefa F. Samita (1998), 153.

<p>“Sa lei maua e ia le atoatoaga i le amataga, ae sa maua e ia le alofa tunoa mo le alofa tunoa” (MF&F 93:12). O lona uiga e lei iai ia te la le malamalama atoatoa o Lona faasinomaga ma le misiona ina ua faatoa afio mai o la i le lalolagi, pe sa ia te la foi le mana uma. Na ia tuputupu ae ma le malamalama ma le mana mai le Atua ao la usiusitai.</p> 	<p>“Na faaosoosoina o la i mea uma e pei o i tatou, ...”</p>	<p>“A ua leai se agasala” (Eperu 4:15).</p>
<p>E le i iai ia te oe se malamalama atoatoa o lou faasinomaga ma lou faamoemoega ina ua e fanau mai ae peitai ua e tuputupu ae ma lena malamalama. E ala i le Agaga Paia, ua tuuina mai e le Atua ia i tatou le malamalama faaleagaga ma le mana i “lea fuaitau i luga o lea fuaitau, ma lea mataupu i luga o lea mataupu” (2 Nifae 28:30).</p> 	<p>Na faaosoosoina.</p>	<p>Ua agasala (e pei o tagata uma)—ae mafai ona faamainaina mai le agasala e ala i le Togiola a Iesu Keriso i le salamo, papatisoina, mauaina o le Agaga Paia, ma le taliaina o le faamanatuga.</p>

Ioe, o nisi faamatalaga patino ia Iesu Keriso e mafai ona faaali atu ia te oe lou tulaga pe mulimuli ia te Ia (mo se faataitaiga, na papatisoina o Ia, faapea foi oe—pe mafai—foi). Ma o le aoao ia Iesu Keriso e mafai ona fesoasoani e te iloa ai pe a oo mai i lou ala i lenei olaga, sa Ia “faailoga le ala ma taitai le auala, ma ona tulaga uma” (“Maeu le Poto ma le Alofa,” *Viiga*, nu. 109). ■



Saunia e Elder
Claudio R. M. Costa
O le Fitugafulu

MULIMULI I LE PEROFETA

O faamanuiaga uma ua ou maua i le aso na amata i se molimau o perofeta o aso nei.


Sa ou papatiso ia Iuni i le 1977, ina ua 28 ou tausaga. O le mea na mafai ai ona ou talia-ina le talalelei o le faatuatua ma le malamalamā na ou mauaina e uiga i perofeta o aso nei.

Ina ua 12 ou tausaga, na matou feiloi ma faifeautalai ma lou aiga—ou matua, uso, ma tuafafine e toalua—ma na la talanoa e uiga i aiga. Na la fai mai o tagata o le Ekalesia e fai se afiafi o aiga ma faamatala mai le afiafi faaleaiga.

Na fai mai lou tama, “Faafetai lava mo le susu mai, ae matou te le fiafia i ai.” Sa ou faanoanoa lava, ae na ia faamatala mai: “Atalii, e *fitu* a tatou afiafi o aiga i lo tatou aiga, ae na la tau mai ia i tatou e tatau ona fai na o le *tasi*. E leai se mea la te aoaoina ai i tatou.”



Faitau e uiga i le Uluai Faaaliga. . .



I le lima tausaga mulimuli ane, ina ua 17 ou tausaga, na maua sau galuega i se isi aai ma nofotoatasi ai. Ao ou nofoese mai le aiga, na toe tuitui atu faifeautalai i le faitotoa a ou matua. O le taimi lea, na faalogo ai lou aiga ma papatisoina. Ina ua tau mai e ou matua ia te au, na ou fai atu, "E le o i ai sou fiafia i mea tau lotu i le taimi lenei."

Na mavae atu le isi lima tausaga, ma na ou sau e nofo i le fale o ou matua ao suia lau galuega. Sa avea lou tama ma taitai misiona a le uarota, ma o aoauli uma lava e o mai ai faifeautalai ia te ia mo se faaleleia puupuu ma se faatulagaina o fuafuaga. I se tasi aso na la fesili ai ia te ia, "O ai lena alii talavou iina?"

Sa ia faapea atu, "O lou atalii matua lena."

"Pe o ia o se tagata o le ekalesia?"

"Leai."



"Ma te manaomia ona talanoa ia te ia."

Ae sa ou fai atu, "Leai, ou te le fiafia i ai."


AOAO E UIGA IA IOSEFA SAMITA

Ona oo lea i se tasi aso na malie ai lou tama e o mai faifeautalai e aoao se tamaitai i lo matou fale. Na la o mai i le lata i le 5:00 i le afiafi ma amata ona aoao o ia—ma na la iloaina sa ou i ai i le isi potu o loo faia se saunisi ae lei alu e vaai au uo. Na la aoao atu e uiga i le perofeta tama—o Iosefa Samita—ma le Uluai Faaaliga. Ma sa ou faalogologo atu, mai i le isi potu.

Ina ua iu lava ona ou tuua le fale, na amata ona galue le Agaga i lou loto ma na oo mai ni fesili i lou mafaufau: "Aisea e te le faia ai le mea na aoao ai e tamaitai faifeautalai lenei tamaitai? Aisea e te le suesue ai le talafaasolopito o Iosefa Samita ma fesili atu i le Alii pe o ia o se perofeta?" Ma sa ou faapea ifo ia te a'u lava, "O loo ou fiafia. O loo ou faia mea lelei. Ou te le manaomia lena mea." Ae na amata ona ma tauivi ma le Agaga, ma na ou filifii loa ou te le vaai i au uo i lena po. Sa ou toe foi i le fale.



Le papatisoga o Iosefa Samita ma Oliva Kaotui ma le molimau a le Perofeta o Iosefa Samita.



Na ou fesili i lou tina, "O fea ou te mafai ona faitau ai i le talafaasolopito o Iosefa Samita?" Na ia tuuina mai ia te au ana tusitusiga paia ma faaali mai ia te au le Iosefa Samita—Talafaasolopito, ma na ou faitau ma tatalo. Na ou faitau i le parakalafa muamua, mafaufau loloto, ma fesili i le Tama Faalelagi pe moni mea o loo i ai iina. Na ou faia lenei mea i parakalafa uma lava seia oo ina ou faaumaina le mea atoa. Na naunau lou loto mo se tali. Na ou faitau ma tatalo i le po atoa lava, seia ta le 9:20 o le taeao na sosoo ai.

Na faaali mai e le Alii ia te au faapea o Iosefa Samita sa avea o se perofeta. Sa ou mauaina se aafiaga e matuai paia lava. Ao faaiuina lau tatalo, na ou folafola atu o le a ou sueina faifeautalai ma papatisoina aua ua ia te au lenei malamalama mautinoa lava.

Na ou tau atu i tamaitai faifeautalai, "Ou te manaomia ona papatiso nei lava." Na la faamatala mai lesona na ou manaomia ona faia ma tautinoga na ou manaomia ona faia. Ae na ou fai atu, "Ou te le manao e faamaimau se aso se tasi i le malamalama ua tuuina mai e le Alii ia te au faapea o Iosefa Samita o se perofeta."

Na valaau atu tamaitai faifeautalai i le la taitai sone. Na ia malie mai i se faasologa faanatinati o lesona. Na ia faatulagaina le faatalanoaga o le papatisoga ma tau mai ia te au na ia manaomia foi ona talanoa i le taitai misiona a le uarota, ma na ou fai atu, Aua le popole, o le a ou talanoa i le taitai misiona. O ia o lou tama. Sa ia tatalo mo ni tausaga mo au ina ia papatiso.

O lou papatisoga o se aafiaga o le a ou manatuaina i le faavavau. Oka se lagona matagofie ma le ofoofogia. Na ou lagonaina o au o se tagata fou. Sa ou mama. Na ou lagona le matuai latalata atu i le Atua, ma sa ou matuai fiafia lava.

O LE MULIMULI I LE PEROFETA SOIFUA

Ona sa i ai sau molimau maumaututu e uiga i le mea na tupu i le Vao Paia i le 1820, na ou toaga lava i taimi uma i le talalelei ma le Ekalesia. Na amata ona ou auauna atu, faataunu valaauga, ma tuuina atu mea uma na ia te au i le Ekalesia.

E lua vaiaso talu ona uma lou papatisoga, ae valaau au e lou peresitene o le siteki o se taitai i le autalavou nofou matutua i lau siteki (e ui lava na ou fesili atu ia te ia po o le a le siteki). I le isi lua vaiaso, sa ou faatulagaina ai se konafesi faarisone a le au nofou. O le konafesi sili lea a le au nofou i le talafaasolopito o le Ekalesia, aua na ou feiloi ai i lou toalua iina.

Na ma faaipoipo i le tasi le tausaga mulimuli ane. Ua ma faaipoipo nei ma le fiafia mo le 38 o tausaga. Ua i ai se ma fanau e toafa ma le 10 fanau a fanau, ma o faamanuiaga uma lava ua ma maua ona o se filifiliga na ma faia. Ae ma te lei faaipoipo, na ou fesili atu ia te ia, "Pe o le a e lagolagoina au i le 100 pasene atoatoa lava o le usiusitai i perofeta soifua?" Sa fai mai o ia "Ioe."

Ina ua uma ona ou papatiso, o le lauga muamua lava na ou faalogo i ai mai le perofeta, o Peresitene Spencer W. Kimball (1895–1985), sa faatatau i le ola tutoatasi ma ia



Na ou mulimuli i le fautuaga a Peresitene Kimball.



Na fesoasoani lenei mea ia te au e saunia ai se aoaoga lelei mo lau fanau.

poto i au tupe. Na ia faapea mai foi ia saunia se aoaoga lelei mo lau fanau.¹ O nei mea e lua na aoaoina i lo matou aiga ma ua avea ma ni faamanuiaga maoae. Ua lelei tulaga o lau fanau i le aso—e le faapea ona ua ou poto tele; na ou filfili e mulimuli i perofeta.

Ou te fiafia e auauna i le Alii ma ou uso a tagata aua o mea na sa ou aoaoina mai perofeta.

MAUAINA O LAU LAVA MOLIMAU

Mulimuli i Perofeta. Faalogo ia latou upu ma faataitai mea latou te aoao mai, ma o le a e fiafia. O lou faatuatua ma le malamalamama e uiga i le Ekalesia ma le talalelei na oo mai i lau molimau faapea o Iosefa Samita o se perofeta.

Ou te alofa i le Tama Faalelagi ma Iesu Keriso. O lou manao ia faatasi ma i Laua e faavavau. O le mafuaaga lena e taua ai le faalogo i perofeta—latou te silafia le ala e toe foi ai i le afioaga o le Atua.

Ou te manatu e tatau i tagata talavou uma lava ona fai-tau i le talafaasolopito o Iosefa Samita ma le manatu atoa, ma le loto matale ma le mafaufau manino, ma ole atu i le Tama Faalelagi. Ma ou te mautinoa o le a tuuina mai e le Alii le tali, e pei ona Ia tuuina mai ia te au. Afai e te fai-tauina le vaega o loo ia tatou tusitusiga paia, e mafai ona e maua se molimau malosi. Ona mafai lea ona e fai-tauina foi isi vaega.²

Na vaai Iosefa Samita i le malamalamama, na ia vaai i le Atua le Tama ma Iesu Keriso, ma na La talanoa mai ia te ia.

O lenei malamalamama paia lena e oo mai le Atua, e ala mai i le Agaga.

A uma ona e mauaina lenei faamaoniga i lou loto, faatu loa se sini ia iloa upu a perofeta soifua. Suesue a latou upu i tusitusiga paia, konafesi aoao, *Mo le Malosi o le Au Talavou*, Mekasini a le Ekalesia, ma le LDS.org. Aoao ia latou fautuaga i seminare, Aoga Sa, ma korama po o vasega. Fai ni sini e faalagolago i mea e faamuamua ua aoao mai e perofeta. Ona fai loa lea.

O le a e latalata atili atu i le Alii. O le a e lagonaina lou malamalamama ua faateleina mo le aoga ma mea uma lava. Ma manatua e le tuulafoaiina lava oe. O loo ia te oe ni tagata e lagolagosua o loo siomia oe ua saunia e fesoasoani, e aofia ai lou epikopo po o le peresitene o le paranesi. Ma o le a faatasi ia te oe le Alii ma Lona Agaga. ■

FAAMATALAGA

1. Spencer W. Kimball, "Auaunaga a le Uelefea: O Le Talalelei i Lona Faatinoga," *Liahona*, Nov. 1977, 77–78.
2. Tagai "Tala o le Uluai Faaaliga," Gospel Topics, topics.lds.org.



O LE KI I LE FAAMAGALOINA O AU LAVA IA

Ua lima masina, ma e le o mafai pea ona ou faamagaloina au lava ia. Soo se taimi lava e sasi ai pe faia se mea e maasiasi ai, ou te lagonaina e pei ua ou taavilivili i lalo. Na faateleina lou maasiasi i soo se taimi ou te faia ai se isi mea ou te manatu e sese. Na le mafai ona ou lagonaina le filemu.





ATA MAILE GETTY IMAGES; ATA O KERISO, SAUNIA E HENRICH HOFMANN

Sa le manaomia ona ou faasalaina pea au lava ia aua ua uma ona togiola lesu Keriso mo au agasala.

Na ou tatalo mo le faamagaloga ma na oo lava ina lagonaina faapea ua faamagaloina au e le Atua. Ae ou te le mafai lava ona faamagaloina au lava ia. E faapefea ona ou faia pe afai na ou agasala? Na ou faaaauau pea lava pea ona faasalaina au lava ia, ma taofia ai au lava mai le agai atu i luma.

Ao ou lagona faapea, na ou alu atu i se konafesi o le taumafanafana a le autalavou lea na taulai tele atu ai a matou suesuega i le Togiola a le Faaola. I se tasi aso na ou tau ai i se fuaitau i le Tusi a Enosa na faapea mai: "Enosa e, ua faamagaloina au agasala, ma o le a faamanuiaina oe.

"Ma o a'u, o Enosa, sa ou iloa e le mafai ona pepelo le Atua; o le mea lea, sa tafi ese ai lo'u lagona o a'u sese" (Enosa 1:5–6).

Na mamana tele lena mea mo au. Na ou iloaina e faapea, e pei o au, na faia e Enosa se mea sese ma na manaomia le faamagaloga. Na ia faamatalaina foi lana tauiviga e sailia le faamagaloga o se fagatuaga i luma o le Atua (tagai Enosa 1:2). Ae na iu lava, i le mavae ai o le tatalo i le ao ma le po, na lagonaina e Enosa le filemu. Ina ua ia fesili atu, "ua faapefea ea ona faia lenei mea?" na tali mai le Alii, "Ona o lou faatuatua ia Keriso" (Enosa 1:7, 8).

O lena la! Na i ai le faatuatua o Enosa ia Iesu Keriso. Afai na mafai e Enosa ona tuu atu i le Faaola e tafi ese lona lagona nofosala, aisea ou te le tuuina atu ai ia te Ia e aumaia lena lava filemu i totonu o lou olaga? Mai i lena lava taimi, soo se taimi lava ou te lagona ai ou te le mafai ona faamagaloina au lava ia, ou te mafaufau i le alofa ma le faamagaloga a Iesu Keriso.

Na ou tatalo mo le malosi e tuuese atu ai ou lagona leaga ma taofia le lagonaina o le maasiasi tele. Na alu ai sina taimi, ae i le mavae ai o ni tatalo se tele, na taofia lou lagonaina o le leaga tele i taimi uma lava. Sa iu loa ina ou lagonaina le toofilemu.

O lenei aafia na aoaoina ai au i le tele o mea e uiga i le alofa tunoa o Keriso. Ina ua ou agasala, na ou lagonaina le faanoanoa faaleatua, tatalo, salamo, ma lagonaina le faamaoniga faapea ua faamagaloina au e le Atua. Ae peitai na ou faaaauau pea ona faasalaina au lava ia. Na iu lava ina ou iloaina sa ou le manaomia ona faaaauau pea ona mafatia au lava ia mo le solia o lena agasala aua ua uma ona totogiina e Iesu Keriso e ala i Lana Togiola. Atonu na faigata ma tiga mo Ia, ae na Ia naunau pea e puapuagatia ina ia ou le puapuagatia.

Na ou aoao talu mai lena taimi e faalagolago ia Iesu Keriso ma tuu atu i Lona filemu e faatumuina lou olaga e ala i le faamalosia o lau sootaga ma Ia ma lou Tama Faalelagi. Ou te taumafai e tatalo ma faitau tusitusiga paia, ae maise lava le Tusi a Mamona, i aso uma. Ou te taumafai e auai i gaoioiga e siitia ai ma agafesootai lelei.

O loo ou faia pea ni measese, ae ou te iloaina afai ou te salamo ma faaaauau pea ona faia le mea sili, o le a faamanuia au e Iesu Keriso i Lona alofa tunoa. Pe a ou faalagolago atu ia te Ia ma i le Tama Faalelagi, e taofia le lagona nofosala ma le maasiasi. Ua ou iloa nei le filemu lena e oo mai le mauaina o le faatuatua ia Iesu Keriso, ma ua sili atu ai lou malosi. ■

E alala le tusitala i Inta, ISA.



“Ona o Lana taulaga togiola, ua i ai ia

IESU KERISO

LE PULE MA LE MANA

E LAVEAI

ai tagata uma.”

Elder Dale G. Renlund

o le Korama a Apostolo e Toasefululuā

“O Le Perisitua ma le Mana Togiola o le Faaola,”
konafesi aoao o Oketopa 2017.


TUUSAO I LE MATAUPU

AUTALAVOU

**E mafai faapefea
ona ou iloa pe ua ou
salamo atoatoa?**

Na aoao mai e Elder D. Todd Christofferson o le Korama a Aposetolo e Toasefululu, “o le uiga o le salamo o le taumafai lea ina ia suia” ma o le “suiga moni atonu e manaomia ai le taumafai pea lava pea.” Sa ia saunoa foi “ina ia atoatoa lo tatou liliu atu i le Alii, e tatau ona aofia ai ia le le itiiti ifo o le feagaiga o le usiusitai ia te Ia,” o loo maua i le feagaiga o le papatisoga ma le faamanatuga (“O le Meaalofa Paia o le Salamo,” *Liahona*, Nov. 2011, 39). O le uiga foi o le salamo atoatoa o le faaleleia lea o se mea sese sa e faia i isi. I le ma lea, na fetalai mai le Alii o le tagata ua atoatoa ona salamo i ana agasala “o le a ta’uta’u atu ma lafoaia ia mea” (MF&F 58:43). E ao ona e tautau atu agasala uma i le Tama Faalelagi ma agasala matuia foi i lau epikopo. (Afai e le mautinoa, talanoa i lau epikopo. Ua iai o ia e fesoasoani atu.)

A maea ona faia o ia mea, o le auala e iloa ai ua atoatoa ona e salamo o le vaai ma lagona le aafiaga o le salamo—suiga i ou naunautaiga, lagona, vaaiga, vafaalesootaiga, ma amioga. Ma, e silisili ona taua, o le salamo atoatoa o le a maua ai le mafutaga o le Agaga Paia. ■



**O le filifilia o se toalua
o se faaiuga tele, ma ua fai ma
mea ou te popole ai. E faapefea ona
ou iloa ua ou faia le filifiliga sao?**

O le filifilia o se tasi e faaipoipo i ai o se mea e aafia ai lou fiafia i lenei olaga ma i le faavavau. Ae e le tatau ona mafua ai ona maua oe i le ituaiga o popolega e oo ai lava ina e tigaina ai. E mafai ona e maua le filemu ma le olioli i lau faaiuga pe a e tausi i poloiga ma mulimuli i fautuaga lelei. O nisi nei o mea na aoao mai pea lava pea e taitai o le Ekalesia e faataau i lenei mea:

E tele naua filifiliga gafatia “sao” e mafai ona e faaipoipo i ai. Ia iloa ni tagata se toatele. Faamasani ma tagata o i ai tulaga faatauaina maualuluga. Ola agavaa. A o e talavou matua, faauo i ituaiga tagata e mafai ona tou o i le malumalu. O se soa tumau filifilia o se tasi e te iloa lelei lava e te lua osia faatasи le feagaiga ma le Tama Faalelagi. Saili fautuaga mai ou matua. “E ao ina e duesue i ai i lou mafaufau” ona e “ole atu lea i le [Atua] pe ua sao lea” (MF&F 9:8). O le faamaoniga e te maua e ono oo mai i le tele o auala, ae o le isi tagata e tatau foi ona ia maua se faamaoniga. A oulu tuuto loa o le tasi i le isi, ona oulu galulue loa lea e avea ma se “uo mamae” o le tasi ma le isi. ■

O LA TATOU AVANOA



“OU TE FIAFIA NA E VALAAULIA AU”

lau tafaoga faamasani muamua ma Nate, na ou tei i le iloaina e le o ia o se Au Paia o Aso e Gata Ai. Na faaaloalo lava o ia, ae ina ua ou oo atu i le fale, na ou le mautinoa pe o le a ou toe alu i se isi tafaoga faamasani ma ia.

O le vaiaso na sosoo ai, na valaau mai ai Nate e fia iloa pe ou te manao e tafao i le Po o le Tausaga Fou. “Ou te faamalie atu,” o lau tala lea. “O le po lena o se aso Sa, ma e matamata e lou aiga ma au se faasalalauga mai le Au Peresitene Sili.” Na ou lagonaina

se sipaka o se uunaiga ma faaopoopo atu, “E talia fiafia oe e matamata faatasi ma i matou pe a e manao ai.” Sa ou tei ina ua ia fai mai ioe.

Na ou lagonaina le malosi tele o le Agaga ao uunaia e le perofeta i tatou ia faatutu ni sini na o le a mafai ai e i tatou ona latalata atili atu ia Keriso. Na faalogo Nate i upu uma lava. Na ou lagonaina le mafanafana ma le filemu, ina ua ia alu i le fale. O le taeao na sosoo ai, na ia valaau mai ai ia te au.

“Na ou manao e faafetai atu ia te oe mo le valaauliaina o au anapo,” na ia

fai mai ai. “Na faia se pati a au uo uma lava, ma ou te lei manao e alu aua na ou iloaina o le a i ai ni mea le lelei iina. Ua ou fiafia na e valaaulia au. Sa ou lagonaina le fiafia.”

Ou te lagonaina le Agaga ua tau mai ia te au na ou faia le mea sao. O le faaou na fesoasoani ia Nate e lagona faamanuiaga o le ola amiontonu. Ou te iloa e popole le Atua ia i tatou uma lava ma o le a Ia fesoasoani ia i tatou i taimi uma e filifili le mea sao. ■

Rachel H., Texas, ISA

LEILOLOA I TIJUANA

Se tasi tausaga, na matou tietie atu ai ma lou aiga i Tijuana, Mekisiko, e asiiasi i nisi o tagata lotu iina ma tuu atu ni sapalai i le fale o le misiona. Ae ui i lea, o le taimi lava na matou kolo-sia ai le tuaoi i le va o Kalefonia, ISA, ma Mekisiko, na matou leiloloa ai. E leai se tasi o i matou na i ai se telefoni feaveai, o lea na leai se ala e faafesoo-tai ai se tasi mo se fesoasoani.

Mulimuli ane, na fautua mai lou tuafine e taofi le taavale ae fai se tatalo. Na moeiini uma o matou mata ma punonou o matou ulu ao ia tatalo. Ina ua ia faaiu, na pupula ou mata ma o le mea muamua lava na ou vaaia o se taavale lau pasese ma se faailoga faafaatusa—o le Malumau o San Diego Kalefonia! Na ou ee atu, “O le malumalu!”

Na vave lava ona oso i fafo o le taavale se tasi o ou tuafine ma tamoe atu i le taavale laupasese, lea na tu i le poloka o taavale. Na ia talanoa puupuu atu ia te ia ona ia toe tamoe mai lea ma fai mai na ia fai mai ia i matou e mulimuli atu ia te ia. Na matou mulimuli ao ia faaofi atu i totonus ma fafo o le poloka o taavale ma agai atu i auala o Tijuana seia matou taunu i le fale o le misiona.

O lenei aafiaga na faamalosia ai lau molimau faapea o loo soifua le Tama Faalelagi ma o loo ia vaavaaia i tatou. O le tatalo ma le faatuatua o se aiga o le lagona sili lea, ma e faafogaga moni lava le Atua ia tatou tatalo. ■

Corbin D., Kalefonia, ISA

PE UA UMA MONI LAVA LA MATOU TALAFAAASOLOPITO O AIGA?

Na ou manao moni lava e fesoasoani i la matou talafaasolopito o aiga, ae ua fitu augatupulaga a lou tama i lona laina o le aiga, ma o sauniga uma lava o le malumalu ua uma ona fai. Mo le 11 tausaga na te lei toe mauaina lava ni faamatalaga fou e uiga i lona aiga. Na mou atu lou manao ma le faamoemoe. Na ou fai ifo ia te au lava ma le lotovaivai, “Ua uma ona fai uma lava lou talafaasolopito o aiga. O fea ou te alu i ai e maua ai ni igoa e ave i le malumalu?”


Na ou filifili e vaai i faamatalaga uma lava na i ai i lou tama i lana laina i le FamilySearch ma na tau mai e se leo ia te au e faapea o loo i ai pea le tele o galuega e fai. Sa amata ona ou saili mo ni faamatalaga i le initonetia atoa lava. Na mafai ona ou mauaina le tele o tagata e i ai lou faaiu, ae e lei mafai ona ou mauaina lou sootaga i na tagata uma lava.

Ina ua vaivai lou faamoemoe, na ou filifili loa e anapogi faatasi ma lou tina ina ia faamanuiaina la matou talafaasolopito o aiga. O le aso Sa na sosoo ai ao matou sauni e o i le lotu, na ou faia ai lau sailiiliga masani i le initonetia, ma na faafusei lava ona ou mauaina se itulau o faamatalaga ou te lei vaai muamua lava i ai. O se vavega lava!

Faatasi ai ma le fesoasoani a faamatalaga fou, na ou aveina atu ai, i le 14 o ou tausaga, se aofaiga o igoa o le aiga e 400 i le malumalu. Sa matuai o'u fiafia lava. O lau vaega e fiafia i ai o le faasoaina atu o na igoa i le autalavou ma vaaia lo latou fiafia i le uuina o ni kata e matuai tele lava i o latou lima.

Ou te moli-mau atu i lenei galuega taua ma le ofoofogia. Pe a tatou faia le talafaasolopito o aiga, e fesoasoani le Agaga ia i tatou ia faamanuiaina ma pai mai i o tatou loto. ■

Guillermo T., Chile





1


E Tolu Gagana

O lou tama e sau mai Hong Kong, ma o lou tina e sau mai Guangxi, i Saina. Ou te tautala i gagana e tolu—faaKenitonisia, faaMeniterini, ma le Igilisi. I lau paranesi, matou te tautatala faaKenitonisia ma le faaMeniterini i le sauniga faamana-tuga, ona matou faatasi lea ma le paranesi e tautatala i le Igilisi mo le Peraimeri.

Tusi Pese Fesoasoani

I Aso Sa taitasi ou te fesoasoani i faifeautalai e tufa atu le polokalama. Ou te faamautinoa ua maua e tagata taitasi le polokalama. Afai e leai se tusipese a se tasi, ou te avatu i ai se pese ina ina mafai ona latou pepese.

2



Sauni e Fesoasoani!

Ou te taumafai e faasusulu atu lou malamalama, e ala lea i lou saunia e fesoasoani! Afai e i ai se mea e manaomia ona fai, ua ou sauni!

**Talofa,
o lou igoa
o Arona,
mai Peretania
Kolomupia,
i Kanata.**





4

Tatalo ma Tamamatua

Ou te iloa le taua tele o le tatalo. A o matou nonofo ma lou tamamatua ma lou tuafafine a o toesea ou matua mai le taulaga, sa ou faamautinoaina ua faia pea lava pea a matou tatalo.

E MAFAI FAAPEFEA ONA E SUSULU ATU?

- Fesoasoani e tuu i luga pe aumai i lalo nofoa o le Peraimeri.
- Vaai se tasi o i le lotu o loo manaomia se uo.
- Tae le lapisi.
- la mautinoa ua tofu le tagata ma le tusipese.
- Fesoasoani i tagata o lou aiga e tatalo.

Faifeautalai i le Lumanai

Ua ou fafia e alu i le misiona i se aso. Sa fai mai lou faiaoga o le Peraimeri e mafai ona matou faaputu se tupe i le taimi nei. O lea sa ou faaputu ai se tupe mo lau misiona i lau pusa tupe (piggy bank).



3



5

Ia Faia Lava

O nisi o taimi e fai gaoioiga i le falesa, ma e masani ona ou nofo e fesoasoani e teu nofoa ma laulau. A fai la matou polokalama o le faamanatuga a le Peraimeri, ou te fafia e fai lau pepa.

AUINA MAI IA I MATOU SE FETU!

E faapefea ona e faasusuluina atu lou malamalamā, e pei ona talosagaina i tatou e lesu ia faia? Imeli mai ia i matou se ata o lou fetu ma lau tala, ata, ma se faatagaga a matua i le liahona@ldschurch.org.



O Le Filifiliga e Tusitusi



Saunia e Justina Lichner

E faavae i se tala moni

"Ua latou saoloto e fillifili" (2 Nifae 2:27).

Na nofo sasao i luga Justina i lona nofoa. Na ia tuu nana penitala fou i le pito i luga o lana kesi. O le aso muamua lenei o le aoga. Na ia feiloai i ana uo i le vasega ma na tusia se ata malie.

Ona fai mai lea o Mrs. Werner, "Taimi o le galulue i le tusitusi!" Na tufa atu e Mrs. Werner pepa i le vasega. "E 30 minute tou te galulue ai i lenei vaega. Ona tatou o ai lea i le malologa."

Na folo faua Justina. "Oi leai. Tusitusi nei loa?" na ia mafaufau ai.

O le tausaga ua tuanai na faigata ia Justina le faitau ma le tusitusi. Na foliga mai o ana uo uma lava na fiafia i ai. Na le faigata tele mo i latou. Ae faapefea pe afai o lenei tausaga o le a toe pei foi o lena tausaga?

Na piki i luga e Justina lana penitala. Sa ia tilotilo atu i lana pepa. Sa mole lona manava. Sa taufai tusitusi uma lava isi tamaiti aoga. Sei vagana ai o ia.

Na ia manao e talanoa atu ia Mrs. Werner. Pe o le a ita o ia o loo i ai se faaletonu ia Justina? E tusa lava pe ita o ia, e sili atu lava lena nai lo le tusitusi.

Na savali atu Justina i le kesi a lona faiaoga. "Mrs. Werner? E faigata atu lenei mea nai lo le mea na ou faia i lena tausaga. Ou te le manatu e mafai ona ou faia."

Sa leai se foliga ita o Mrs. Werner. Sa ataata atu o ia ia Justina. "Fai le mea e te mafai. Atonu e te ofo i mea e te mafai ona faia. E te le mafai ona filifili i taimi uma mea e te lelei ai. Ae e te mafai i taimi uma ona filifili po o le a tele o lau taumafai."

Na toe savali atu Justina i lana kesi. Sa ia mafaufau e uiga i mea na ta'uina atu e Mrs. Werner. "E mafai ona ou filifili e taumafai." Na faapena le mea na ia aoaoina i le Peraimeri. Na faitau e lana vasega se mau na faapea mai ua "tatou saoloto e filifili." O lona uiga e mafai ona tatou faia a tatou lava filifiliga. Ua talitonuina i tatou e le Tama Faalelagi ia faia ni filifiliga lelei. Ua ia folafola mai e fesoasoani ia i tatou pe a tatou faia ni mea sese.

Pe o le a ese le aoga i lenei tausaga? Atonu e mafai ona ia *filifili* e faia se eseesege! Na piki i luga e Justina lana penitala. Sa ia tilotilo atu i lana pepa. Sa lagolelei lona manava. "Ua lelei. O le a ou faia lenei mea," na ia mafaufau ai.

Na ta mai le logo o le malologa. E lei uma lava Justina. Ae ua sili atu nai lo le afa lana pepa! Na sii i luga lona lima. "E mafai ona ou nofo ma faaaau ona galue? Ua ou latalata lava ina uma."

Sa ataata Mrs. Werner ma luelue atu lona ulu.

Na iu lava ina tuu atu e Justina lana pepa. Sa fai sina tiga laitiiti o lona lima. E oo lava i lona faiai na tiga! Ae sa ataata o ia. Na te lei galue malosi lava faapea muamua i le tusitusi.

O le aso na sosoo ai na galulue ai le vasega i le faitau. Na tau atu e Mrs. Werner ia faitau tagata uma mo le 20 minute. Sa toe taumafai Justina. Na ia tatala lana tusi ma faaleo atu upu.

Na amata ona faia e Justina ni filifiliga i aso taitasi. Na ia filifilia e faitau. Na ia filifilia e tusitusi. Atonu o le faitau ma le tusitusi e le leaga tele lava!

Na oo lava ina ia filifili e alu i le faletusi. Na ia aveina atu tusi i le fare. O le tausaga talu ai na te lei faia lava lena mea. Na vave lava ona ia faitau i taimi uma. Ma sa malie moni lava! Ma o le tele lava ona ia faitau, o le lelei foi lea o lana tusitusi.

Na faasolo ina matua Justina, na fiafia o ia sa ia filifili e galue malosi i le faitau ma le tusitusi. Aua o nisi na o mea e fiafia o ia e fai i le taimi nei. ■

E alaala le tusitala i Rhineland-Palatinate, Siamani.



UA MATUA NEI

Talofa, o a'u o Justina! Ina ua ou aoao e fiafia e tusitusi, na o lou faaaau lava ona faia o lena mea. Na ou tusitusi i le aoga maua-luga. Ona ou alu ai lea i le kolisi e aoao atili e uiga i le tusitusi. O lenei ua avea au ma tusitala! Ou te tusia tala, e pei o lenei tala e uiga i ou luitau o se teineitiiti. Na ou tusitusi mo mekasini, uepsaite, ma nusipepa.



Uso i Taimi

Saunia e Jordan Wright

E faavae i se tala moni

"Ou te fia mau pea ma i latou, e faavavau" (Tusipese a tamaiti, 98).

Nao oosooso i luga ma lalo Seth i le nofoa i tua ma usu se pese ula. "Faamolemole nofo i lalo, Seth," na fai atu ai Tama. "E tatau ona ou taulai atu i le aveina o le taavale."

"E le mafai ona ou nofo i lalo," na fai atu ai Seth. "E ese lava le manaia!"

Sa ataata Tama. "Ou te faafetai ua e fiafia e vaai i lou uso pepe fou."

Ina ua la taunuu atu i le falemai, na mili atu loa Seth i le potu o Tina. Sa ia iloaina le mea o i ai le potu aua ua lima aso o i ai Tina iina. Na tatau ona nofo o ia i le falemai aua sa mai Pepe Caleb, ma sa fai foi sina mai o Tina. Na fesili atu Seth ia vaai ia Caleb i le tele o taimi, ae na fai mai lava Tina, "E lei oo i le taimi." Na ia fai mai o le a filifili e fomai le taimi e lava ai le malosi o Caleb mo se tagata asiiasi.

Na valaau mai le fomai ananei. O le aso lenei!

Ina ua savali atu Seth i le potu o Tina i le falemai, o loo ia siiina Caleb. Na momoe atu Seth e vaai i lona uso pepe fou. Na laitiiti lava Caleb. Na foliga mai e laitiiti

tele o ia nai lo tausoga pepe o Seth. Ma sa i ai se mea na ese e uiga i lona isu ma taliga. Sa ia foliga mai e pei o se tamai saa!

"Talofa, lau pele," na fai atu ai Tina. "Sau e fufulu ou lima, ona mafai ai lea ona e siiina le pepe."

Na fufulu e Seth ona lima i se fasimoli faapitoa. Na ia pe'a atu i luga o le moega i talaane o Tina. Sa faalagolago atu Tina e tuu atu ia te ia le pepe. Na fesoasoani Tama e tuu faalelei ona lima i le tulaga sao.

Na tilotilo atu Seth i lalo ia Caleb. "Talofa, Caleb," na ia fai atu ai. "O au o lou uso, o Seth. O le a e moe i lou potu, ma e mafai ona ou faaali atu ia te oe au meataalo, ma e mafai ona ta aalo i le paka."

Na tilotilo sao atu lava Pepe Caleb ia Seth. Na mafau-fau Seth o ia o le pepe sili i pepe uma lava.

Ina ua vaivai lima o Seth, na oo i le taimi o Tama e sii ai Caleb. Na uu mai e Tina se tasi lima o Seth ma vaai atu i ona mata.

"Seth," o lana tala lea. "Pe e te manatua ina ua e aoao e uiga i le fuafuaga o le faaolataga i le Peraimeri?"

Sa huelue le ulu o Seth. Sa o se aso matagofie lena aso. Na i ai ia Sister Lopez se masina ma se fetu ma se



Uma

paneta lapoa o le lalolagi i luga o fasi laau. Sa mafai ona uu e Seth le la.

“Pe e te manatua le ala sa tatou ola ai i le lagi ae tatou te lei o mai i le lalolagi ma le ala o le a tatou toe foi atu ai i le lagi pe a tatou oti?”

Sa toe luelue le ulu o Seth.

“O loo mai tele lava pea Pepe Caleb. Ma ua fai mai le fomai o le a le ola umi tele o ia. O le a vave ona oti o ia ma toe foi atu i le lagi.”

Na tilotilo atu Seth ia Tina. Sa tilotilo atu o ia ia Pepe Caleb i lima o Tama. Ona ia faanonou lea. Na pei e matutu lona faai. “Ae ou te alofa ia te Ia. Ou te manao ia te ia nofo iinei ma ma nonofo i lou potu ma ma taa-aloo. E le manao foi o ia e nofo?”

Na fusi mai e Tina Seth. “Ae a e manao o ia ia faatasi ma tatou. O i tatou o lona aiga. Ae o le a ia toe vaai ia i tatou.”

“O le a ia toe vaai ia i tatou?”

Sa luelue le ulu o Tina. “Sa ma faaipoipo ma Tama i le Malumalu. Na folafola mai ia i maua e faapea e mafai ona faatasi e faavavau lo tatou aiga. O le a avea pea oe ma Caleb ma a ma fanau.”

“O lona uiga o le a avea pea Pepe Caleb ma ou uso,” na faamatala atu ai Tama. “Ma o le a e toe vaai ia te ia i le lagi.”

Sa faanoanoa Seth. Na ia lagonaina foi pei ua ita. Ae na ia mafaufau e uiga i le feiloaiga ma Pepe Caleb i le lagi ma ataata laitiiti lava. Na ia aapa atu ma milimili le lauulu vaivai o Pepe Caleb. “O le a uso pea i maua i le lagi? Manaia tele lena.”

Na kisi atu Tina i le alafau o Seth. “E *manaia* tele.” ■
E alala le tusitala i Iowa, ISA.



LEAI NI MUTAAGA E LE MONI

“I le fuafuaga a le [Tama Faalelagi] e le o i ai ni mutaaga le moni, ua na o ni amataga e leai se iuga.”

Peresitene Dieter F. Uchtdorf, Fesoasoani Lua i le Au Peresitene Sili, “Ia Lotofaafetai i Soo Se Tulaga,” Liahona, Me 2014, 75.



“O Iesu Keriso, le Faaola ma le Togiola o tagata uma, e le o maliu.
O loo soifua o Ia—le Alo toetu o le Atua soifua—o la’u molimau lena.”


Saunia e Elder M. Russell Ballard
O Le Korama a Aposetolo e Toasefululu

M. Russell Ballard, “O le Togiola ma le Taua o le Agaga e Tasi,” Liahona, Me 2004, 86.

O Le Feagaiga Faa- Aperaamo

A uma ona e faitaua se fuaitau o mau, ona valivali lea o vaega o fuainumera e tutusa i luga o le ata!

1. Aperaamo 1:1–2
2. Aperaamo 2:3–6
3. Aperaamo 2:8–12
4. Kenese 13:14–18
5. Kenese 17:3–8
6. Kenese 17:15–19
7. Kenese 18:10–14
8. Kenese 21:1–3



Na faia e le Atua se feagaiga, po o se folafolaga, ma Aperaamo ma Sara o le a la maua ni fanau ma o le a faamanuiaina i latou e le Atua. E lei maua se fanau a Aperaamo ma Sara mo se taimi umi lava. Ae sa la usiusitai pea. Ina ua toeitiiti 100 tausaga o Aperaamo ma Sara, na la maua se atalii! E faamanuiaina i tatou e le Tama Faalelagi pe a tatou usiusitai, ma o na faamanuiaga e oo mai pea silafia e le Tama Faalelagi o le mea sili lea.

- Tauloto le Aperaamo 2:9.
 - Mafaufau i se mea e mafai ona e faia i le aso e usiutai ai. Tusi e uiga i mea na e aoaoina ma e lagona.
 - Matamata i vitio o le mataupu e 8 o le Feagaiga Fou i le scripturestories.lds.org.
 - E mafai ona ou usiusitai i le ...
-
-

Ketesemane

(Faafaigofieina)

Usuina i lagona ♩ = 44–48

Upu ma le fati na tusia e Melanie Hoffman

Dm C Am B♭ C B♭

Sa a - fio Ie - su i le vao fi - le-mu. Sa vai - vai ma lo-fi - tu.

Dm C Am B♭ C Dm

A'o le a-lo - fa na oo ai ii - na i le mea na'o Ia e ma - fai - a.

C F C F B♭ F C

Ke - te - se - ma - ne. E alo - fa Ie - su. Sa Ia lo - to e a - lu

B♭ C Dm (C) (Dm) C

I Ke - te - se - ma - ne. Sa Ia fa - a-noa-noa,

Am B♭ C B♭

i mea le - a - ga, ti - ga uma ua ta - tou ilo - a. A'o to -

Puletaofia © 2018 e Melanie Hoffman. Ua taofia aia tatau uma.
E mafai ona kopi lenei pese mo le faaaogaina i le fale ma le ekalesia i mea e le faapisinisi.
E tatau ona tuu lenei faasilasilaga i luga o kopi taitasi e faia.

Dm C Am B♭ C Dm
 fa A-na uo Sa Ia tau-sia La - na fo - la - fo - la - ga.
 1 5

C F Dm C F B♭ F C
 Ke - te - se - ma - ne. E alo - fa Ie - su. Sa Ia lo - to e a - lu
 2 1 3 1 4

B♭ C Dm C F C
 i Ke - te - se - ma - ne. O le mea faiga - ta na'u - a sa fai. O le
 2 1

B♭ C F C B♭ C F C
 ti - ga na'u - a sa i-lo - a, O le ta - ua si - li ua ma - nu-ma - lo
 1 3


B♭ F C B♭ F C Dm C F
 Sa fa - ia e Ie-su! Sa ma - nu-ma - lo Ie-su! Ke - te - se - ma - ne.
 Ke - te - se - ma - ne.

B♭ C F B♭ F C B♭ C Dm
 E alo - fa Ie-su. O Ia o le me-a - lo - fa i Ke - te - se - ma - ne.
 E alo - fa Ie-su. O Ia o le me-a - lo - fa mai Ke - te - se - ma - ne.

1 2 3 4 5

Noa

Saunia e Kim Webb Reid



I aso lava la ua leva, na faia ai e tagata i le lalolagi ni filifiliga leaga. Na auina mai e le Atua se perofeta toa e igoa ia Noa. Na ia tau atu i tagata e tatau ona latou salamo ma alolofa i le Atua. Pe na latou faalogo? Leai! Na latou faaauau pea ona faia mea leaga.

Na tau atu e le Atua ia Noa faapea o le a Ia aveesea mea leaga mai le lalolagi. Na tau atu e le Atua ia Noa ia fausia se vaa tele e taua o le vaa o Noa. Na faapotopoto e Noa lona aiga ma manu i totonu o le vaa. Ona amata lea ona timu.





Na timu mo le 40 ao ma le 40 po.
Na uftia uma le lalolagi i le vai!
Na saogalemu Noa lona aiga ma
manu i totonu o le vaa.




Na iu loa ina uma le timu. Na
faaititia le lolovai. Na vaai Noa
i se nuanua i le lagi. Na folafola
atu e le Atua o le a le toe
lolovai lava le lalolagi atoa.



E mafai ona ou pei o Noa ma faalogo i le Tama Faalelagi. Ou te iloa e tausia e le Atua Ana folafolaga. E faamanuiaina a'u pe a ou usiusitai i Ana poloaiga. ■

E Tausia e le Tama Faalelagi Ana Folafolaga





Saunia e Elder
Robert D. Hales
(1932–2017)

O Le Korama a Aposetolo
e Toasefululua

O LE A IA FAAMAMAINA A TATOU AVEGA

*O le mana laveai o le Faaola o le a liua
le olaga o le tagata pe afai o le a tatou
faatagaina.*

O loo ia te au se fiafia tele mo tuisi-
tusiga paia. Ou te fiafia e faiatu i
le soifuaga i le lalolagi o Iesu Keriso. E
tele naua mea i Lona soifuaga lena e
mafai ona siitia ma uunaia, ma faamalo-
sia i tatou i o tatou taimi o le faigata. Ia
te au, o se tasi o mataupu e sili ona paia
i tusitusiga paia uma lava o le Ioane
mataupu e 17. O le mataupu atoa lava
o se tatalo faapuluva na tuuina atu e
Iesu Keriso i Lona Tama. Na Ia faapea
atu, o se taunuuga, “e lei iloa oe e le
lalolagi ao au ua ou iloa oe.” Ua Ia tau
atu i Lona Tama ua Ia faia mea uma na
tuuina mai ia te Ia e fai.

O nisi taimi tatou te faagaloina ai
le ofoofogia tele o le usiusitai o le
Faaola na i ai. O mea uma na Ia faia,
o mea uma na Ia fai atu ai na faia i le
usiusitai i Lona Tama. O Lona sailia
ma popole mo e matitiva, le valaaulia
o Ona soo, Ana aoaoga i le laueelele



o Palesitina faapea foi i le atu
Amerika—o nei mea uma na faia ona
sa poloaiina o Ia e Lona Tama e fai.
Na leai Sana lisi patino o mea e fai. Na
Ia fetalai mai, “Ou te le faia fua foi se
mea; ae peitai, faapei ona a’oa’o mai
e lou Tamā ia te au” (Ioane 8:28). Oka
se faataitaiga sili o le usiusitai!

I filifiliga tatou te faia i le olaga,
e tatau ona tatou faamasani lea i
le Faaola. O Lana fautuaga faigofie
lava “Sau . . . mulimuli mai ia te au”
(Mataio 19:21) o le a mafai ona liua le
olaga o le tagata pe afai o le a tatou
faatagaina. O loo ia te Ia le mana e
faamama ai a tatou avega pe afai o le
a tatou liliu atu ia te Ia.

I le avea ai ma se Aposetolo a le
Alii o Iesu Keriso, o loo ia te au le ava-
noa e tuuina atu ai la’u molimau i le

Faaola. O lou manao silisili e faapea ia
mafai e lau molimau ona ootia ai loto
o i latou e faalogo i ai.

Ou te iloa o loo soifua Iesu Keriso.
Ou te iloa Na te taitaia ma faatonuina
Lana Eklesia e ala i faaaliga e ala mai
i Lana perofeta i lenei lava aso ma le
taimi. Afai o le a i ai lo tatou faatuatua
i lo tatou Faaola, o le a Ia fesoasoani ia
i tatou i o tatou faigata ma puapuaga,
ma o le a mafai ona tatou tumau e oo
i le iuga ma toe foi atu i Lona afioaga
pe a mavae lenei olaga faataitai. O loo
soifua o Ia ma Na te silafia ma alofa ia
i tatou taitoatas. E matuai finagalo lava
o Ia e faamanuia i tatou pe afai tatou
te o mai ia te Ia. ■

*Mai le “Special Witnesses of Christ,” Ensign,
Apr 2001, 20–21. Ina ia maimoa ia Elder Hales o
tuuina mai lenei savali, “Jesus Christ Is the Perfect
Example of Obedience,” asiasi.i.le.prophecy.lds.org
ma filifili le “Special Witnesses of Christ.”*